




BIBL. NAZ.
PROV. DI OC.
162
B
36
BIBL. NAZ. NAPOLI

BIBL. NAZ.
VITT. EMANUELE III
162
B
36
NAPOLI







PRIMA DIOECESANA
SYNODVS
A IANVARIO SANFELICIO
ARCHIEPISCOPO CONSENTINO

Habita Dominica tertia, post Pentecosten, quæ
incidit in diem 19. Iunij 1678. et duabus
ferijs proximè secutis.

*Et à Sac. Congregatione Emin. DD. S. R. E. Cardinalium
Conc. Trid. Interp. revisa.*

Ad laudem, & gloriam Omnipotentis Dei, Beatissimæ
Virginis Matris Mariz, & Diui Francisci de Paula
Præcipui Ciuitatis, & Diœcesis Patroni.



NEAPOLI, Ex Typographia Michaelis Monaco 1692
SUPERIORVM PERMISSV.



27 NOV 62

1. The first part of the document is a letter from the President of the United States to the Congress, dated January 1, 1801. It is a formal address, and it begins with the words "I have the honor to acknowledge the receipt of your letter of the 28th inst. and in reply to inform you that the same has been forwarded to the proper authorities for their consideration."

[Faint handwritten notes at the bottom of the page]

electronic

... ..

IANVARIVS

SANFELICIVS

ARCHIEPISCOPVS CONSENTINVS

Ciuitati, Diœcesique suæ, Clero,
Populoq; Vniuerso.

S.



Ogitantibus nobis Episcopalis
gradus altitudinem, quæ Apo-
stolicum fastigium æquat, sta-
tim ob oculos obuersatur peri-
culum ruine imminens ab hu-
iusmodi celsitate; ea enim in-
nocentia morum, eo charitatis
ardore eluceant, oportet Epi-
scopi, ut suæ curæ traditos po-

pulos, vel fusso sanguine, cælo asserant; ne dum curas
omnes, laboresque suo gregi deuoneant. Hinc è contrà
occurrit animo labor humana natura, quæ licet in nu-
meris ad virtutem stimulis ducatur, tamen, nescio
quo pacto sensim tarpescit, & eo regreditur, unde nō
sinè ingenti studio, non sinè industri diligentia iussa
fuit exulare. Vtinam experientia non doceremur, ra-



pi quodammodo humanum genus ad vivendi licentiam,
& faciliter dediscere, quæ ad bene vivendi normam
pertinent, nempe primi parentis lapsus docuit, nos
nostras ruinas amare, & hereditario quodam iure,
seu potius crimine, eius facta imitari, & cuius exitum
perhorrescimus.

Infelicem hanc hominis conditionem, æquæ, ac nostri gra-
dus altitudinē seriò nobis, ob oculos proponens, novi-
mus profectò quāta ad nostri muneris partes explendas
diligentia opus sit, ne naturæ ad malum proclivitas,
nostra vel culpa, vel socordia in indignos factus erū-
pat iam inde ab huius Ecclesiæ administratione nobis
demandata, omnes vires animi ad totius Diæcesis uti-
litatē intēdimus, ratiū sacri Pastoris præcipuum mu-
nus esse, ut nullis pareat laboribus, nihili humanam
gratiam ducat, dum commissus sibi grex à salutaris
virtutis tramite nihil declinet. Curavimus quidem
benè conscj nostri oneris, vel Angelicis humeris for-
midandi, & nihil pro humana imbecillitate omittere-
tur, vnde, & Deo Maximo gloria, & credite nobis
Diæcesi incolumitas crearetur. Et quia novimus re-
poris invidia aboleri antiqua statuta, quæ Ecclesiasti-
cam disciplinam muniunt, per illorum renouationem
publicæ utilitati consulere diu in animo fuit. Iam
pridem profectò hæc synodales constitutiones promul-
gare debuimus ad formam inculpate vitæ, ad instau-
rationē Ecclesiasticæ rei, rerum expeditio quippe quæ
à temporis vicibus pender, per plures nobis rationes
fuit interclusa. Et quidem cum hæc Diæcesis plures

annos ab absentia Pastoris inculia lacuissat, propè syl-
nascens ob defectum culturae solum ingressi sumus, ubi
priusquam decretorum semina iacerentur, opera pre-
cium fuit serio, ac diligenter telluris alias feracis, ac
fecunda naturam perpendere, & suavi manu sigit-
lucim nocentes herbas auellere. Autumamus quide-
minis durum esse corruptelam naturae lapsu mala ortis
tumultuariae medicinas adhibere; medici nempe ve-
stigia sectati sumus, qui ubi acri consuetudinem, va-
lutarumque morbi agnouit, caute suo munere utitur, nō
continuo cunctis modicamina rupiens ad vulneris
curam; sed leui manu tractans plagae cruditatem, va-
rijs acutis pharmacis ad vulnus leniendum. Eodem
plane pacto huius Diocesis defectus, si qui irrepserunt,
curantes suauiter, modo Edictis, modo Decretis, Prae-
ceptis, &que non sine multo studio, sancitis nostri gregis
hanc consulimus. Tandem ubi sensimus vigere iam
laudabiles ritus, & bene viuendi normam exerceri
nostro Diocesane Synodi Decreta promulgauimus.
Boni ergo consulite expeditionis huius moram, &
quò tardius accidit, camisiae conuocatio, & ar-
dentius sit cura, & maior sit obsequium, quò
Synodales sanctiones, & preces, popularum dirigen-
tes amplectamini: illarum presidia omnes expe-
riuntur, Congregationes Christi fidelium contra
virtutis hostes muniri, ab illis ciues mutua concordia
colligantur ab illis iustitiam, pietatem, & religionē
docentur. Infinitum quidem esset enumerare utilita-
tes, quae ab hisce Synodis oriuntur. Scilicet ea est

Immortalium conditio, ut nisi assiduis monitorum voci-
bus excitentur, Christi ingum facili negotio deserant,
et animarum salutem negligentes, sibi metipsis ruinam
moliuntur.

Quod, si quis erit, qui Synodorum frequentiam reprobet,
atque existimet satis contra insurgentes corruptelas
a maioribus nostris innumeris presentibusque reme-
diis cauium esse; expendat, quaso dolo; insidiasque,
quas regit hæc tam periculosa sententia. Sit quidem
Christiana Respublica hortus conclusus, undique le-
gum septibus vallatus ab victorum colluvie repellē-
dam, ut sepe numero singularis serus irrumpendo per
sepes depascitur huius horti delictis, nisi nova acce-
dant presidia, nisi vigiles ad sint exequias. Quot cla-
des, quot excidia sensit Ecclesia, quamvis tot Conci-
lia roborata, ante quam muniretur legibus Tridenti-
nis? Oportuit quidem, ut Christianum nomen inca-
utum, ille sumque floreret; eoque in Tridentina Urbe
sapientissimorum virorum Concilium, quot non sine
ingenti labore communi Ecclesie bono cōsuleret. Vtq;
intelligeremus ad incolumitatem publicam non sa-
tis esse certa statuta sancire, quibus superiora mala
regulentur, vitentur futura; sapienti consilio statuit
ille Sacrorum Heronum cæius, ut quotannis pro pre-
senti opportunitate Diæcesana Synodus convocetur;
nempe, ut quæ semel sancita sunt, ne in desuetudinē
abeani, in memoriam reuocentur. Nouerunt quidem
prudentissimi viri in varietate propè infinita tempo-
rum, causarum locorum, utile nimis esse sapius de-
fle.

flexa dirigere, alligare contracta; & vacillantia
solidare.

Nè igitur, vel nimie, vel nimis austeræ videantur ali-
cui Constitutiones, quæ à nobis promulgatæ sunt; non
queratur aliquis servatu difficiles esse: etenim, quæ
Nos statuimus, præcepit antea, statuitque Sacrorum
Canonum, Pontificiarum Constitutionum, Conciliorum
& Sacra Congregationis authoritas; illis omnino ni-
runtur hæc nostra Decreta; in quibus sancientiæ nihil
quidem nostro ingenio, ac voluntati indulsimus. Por-
rò, nè vos deterreat harum sanctionum novitas, me-
mineritis in hac nostra Synodo non innovari, sed fir-
mari, quæ alias statuimus, & stabili Decreta in
multis nostris Visitationibus habita.

Et quidem labor hic noster non aliò collimat, quàm ad
Dei Maximi gloriam, huius Cleri, Urbis, totiusque
Diœcesis utilitatem; non aliis nostræ huius diligentie
scopus fuit, quàm, ut Ecclesiasticam disciplinam in
hac Diœcesi semper intactâ perpetuò florentem cõspi-
ceremus. Erunt ergò vicissim nostri gregis partes; ut,
quæ monita amantissimus Pastor ad ipsius salutem
tradit, hilari animo accipiat, curetque, ut ad illo-
rum normam, vitam, moresque componat. Hoc nos
de vestra pietate à maioribus vestris in vòs transfusa
nobis promittimus, sperantes futurum, ut pignus hoc
nostræ propensionis in bonum gregis nostri uberrimos
ipsi fructus pariat; ut hinc auctus huius urbis splen-
dor augeat in dies magis, & pietas, quæ semper
floruit, nunc, ut maximè fulgeat.

De-

Demittite vos omnes Ecclesiasticæ rei custodes vestrum
Dignitatis gradum, vel ipsis Angelis superiorem ex-
pendite, meministis quædà vobis populum exigere,
ut pro vestri muneris statu hominem exuatis, vosque
profectus, si fas est dicere, mortales Deos. Irridebunt
verè profane homines Synodorum sanctitatem, si vos
ut vel dignum vobis vestris præscriptis discedere intelliget,
ita omnia sibi permissa existimabunt, quando vos ha-
bentes ex asse divinitatis inspiciente minus studiosos,
minimèque amantes Ecclesiasticæ disciplina. Igitur,
Frates dilectissimi, huc vestras intendite curas, ut
quæ consilios, quæ studio, quæ exemplo populis prætare,
in legibus reuerentiam, templis decus, religioni manifesta-
tem augeatis. Discant à vestris moribus omnes veram
Christi felicitatem per disciplinæ amorem comparari, &
denique curetis, ut quisque sibi sua deat, etiam nunc,
ut Antea Constantine Ecclesiæ Cælum suis sideribus
illucere, ita fieri, ut quod iam diu entis à Deo bonorum
omnium auctore sum precatus, hanc nostram Diæce-
sim nitidam, florentemque omnes conspiciant, &
emulentur, atque nos imprimis, cuius nobis cura im-
minet singularis, ob eius felicitatem singulari gaudio
perfundamur.

SYNODVS CONSENTINA

CAPVT I.

De Fide Catholica.



- A**D. Fidei puritatem seruandam illæsam præcipimus sub pœna excommunicationis ipso facto incurrenda, & nobis reſeruata, ne quis Typographus, aut Bibliopola intra fines huius Diœceſis imprimat, aut introducat libros quoscuque etiã minimos abſque noſtra licentia in ſcriptis; introductos autẽ teneatur reuelare, vt cognoscatur, an ſint prohibiti.
- 2 Index paruus librorum prohibitorum ab omnibus habeatur in poſterum, tam Parochis, quàm alijs Confeſſarijs, vt poſſit exinde detegere libros vetitos.
- 3 Hæreticos, vèl hæreſi ſuſpectos noſtræ Curie Archiepiſcopali, vèl Supremo Sanctæ Inquiſitionis Tribunali intra duodecim dierum ſpatium omnes, & ſinguli denunciare teneantur ſub pœna excommunicationis latæ ſententiæ Sanctiſſimo D. N.

Papæ, & Sanctæ Vniuersali Inquisitioni Romanæ
reſeruata.

- 4 Inuigilent præterea Parochi ad eliminandos Veneficos, Incantatores, Sortilegos, & alios huiusmodi, quo maiori poſſint ſtudio; quosque de huiusmodi criminibus, vel de hæreſi ſuſpectos nouerint, denunciabunt Curia, vt contra illos procedere poſſit, vt Iuris eſt; qui verò hi dicendi ſint, neminem latere credimus.
- 5 Eidem Curia poſthac denūciabunt Parochi Chriſtianos captiuos è Turcarum Regionibus redeuntes, vt examinari valeant, quid de Fide ſentiant, & an impio aliquo dogmate Mahometis ſint infecti.
- 6 Nemini fas ſit repreſentare deinceps in comedijs Paſſionē Chriſti, & glorioſa Martyrum certamina, Sanctorūue geſta, tum in loco publico, tum priuato, & multo minus in Eccleſijs ſinè licentia poſtra. Cū vt plurimum in his loco deuotionis, ac profeſtus ſpiritualis, rixæ, & maiora etiā ſcandala excitentur.
- 7 Neque Clericali veſte, aliaue, quæ Eccleſiaſticas perſonas tantum decet in ſcænicis, ludicriſue actibus uti, aut perſonato eam induere; aut de rebus ſacris verba facere in prædictis actibus.
- 8 Sortilegia item, aut maleſicia committentes cum expreſſa, vel tacita Dæmonum inuocatione, illisque vtentes: Sacramentis, Sacramentalibus, Reliquijs Sanctorum, aqua benediſta, & alijs ſacris rebus, vel verbis, præſertim Pfalmis, ſiue per ſe, ſiue per alios
ad

3

ad malum finem abutentes, si errorem habuerint in intellectu, quod animaduertere debet Confessarius; in hoc enim casu sunt hæretici, & excommunicati excommunicatione Bullæ Cænæ Domini.

Fidei autem professionem ad formam constitutionis Pij IV. emittere teneantur in nostra Diocesi hæc genera personarum.

Primò intra bimestre prouisi de Beneficijs habentibus curam animarum, & personalem residetiam requiruntibus.

Prouisi de Dignitatibus, & Canonicatibus intra idem bimestre, tam coram Capitulo, quàm coram Nobis, vel Vicario Nostro.

Ludi Magistri docentes tam mares, quàm scæminas primæ grammaticæ rudimenta, & alias scientias publicè, vel priuatim domi suæ, vel alienæ, etiàm si Pædagogij sint, vel gratis doceant.

Causarum Patroni, & Procuratores in causis Sæctæ Fidei. Examinatores, & Iudices, & Testes Synodales.

C A P V T II.

De Doctrina Christiana.

Partes erunt Parochi oues sibi commissas pascere verbo, & exemplo, & inter alia fidei mysteria accuratè docere, cum impossibile sit sinè illorum notitia æternam consequi salutem.

Propterea omnibus Curatis nostræ Diœcesis, & huius Ciuitatis imponimus, vt singulis Dominicis diebus fidei rudimenta populo explicent, tùm mane antè, vèl inter Missæ Sacrum, tùm deindè post prædium: ac mittant pueros cum vexillo, & aliqua imagine Christi Crucifixi, & tintinnabulo personante conuocent reliquos, etiàm adultos ad Ecclesiam, quos instruant ad formam Doctrinæ editæ à Cardinali Bellarmino.

Coadiuuent Parochos cæteri de Clero: Patres familias, & qui curam habent aliorum, non omittant eos mittere ad Ecclesiam: idipsum præstent in scholis ludi Magistri Clerici; qui tùm fidei rudimentis, tùm etiam bonis moribus discipulos suos imbuere debebunt; quodue possit succedere iuxta votum nostrum, volumus non antea posse eos aperire scholas, nisi præuia approbatione, cognito priùs de moribus, & vita eorundem, & postquam fidei professionem emiserint, prout hactenus laudabiliter seruatum est.

C A P V T III.

De Verbi Dei prædicatione.

CUm verbum Dei sit cibus animæ, ideò, vt par est, ministretur Christi fidelibus. Nullus Clericus, siuè in minoribus, siuè in maioribus ordinibus con-

3

constitutus, prædicare audeat, nisi prius à Nobis approbatus, & emissâ fidei professione, cuius rei testimonium in scriptis à Nobis habeat ad præscriptum Concilij Tridentini.

Regulares verò extra proprias Ecclesias absque examine, & licentia nostra in scriptis obtenta, minimè prædicare valeant. Prædicaturi verò in proprijs Ecclesijs præsentare se debent coram Nobis, & petere benedictionem ad præscriptum constitutionis Gregorij XV. & Clementis X.

Ad prædicandum missus more Apostolico verbum Dei disseminet in cordibus fidelium cum breuitate, & facilitate sermonis, vt à vitijs abhorrerent mala declinent, & virtutes amplectantur, vt tandem æternam salutem assequi valeant. Et denique ad præscriptum constitutionis Leonis X. *Superna*, &c.

Tempus præfixum futurorum malorum, vel Antichristi aduentum, aut certum diem Iudicij prædicare, vel asserere non præsumat: & cautè prædicabit de occulto prædestinationis arcano. Miracula nõ euulget, quæ non sint vera sub poenis contentis in Cóc. Lateran. sub Leone X. vel ab approbatis authoribus non dicta, nec de Immaculata B. Virginis Conceptione, contrà quam Pontificijs constitutionibus præscriptum est.

Abstineat omninò in concionando à vaniloquentia, seu à vanitate dicendi, à scurrilitate, à quæstionibus curiosis, à vanis paradoxis, quæ sunt supra captum

Au-

Auditorum; similiter ab illecebris inanium verborum, quibus res non minus varias obtrudat, & per ostentationem memoriæ, atque pronuntiacionis præcipitantiam, auditorum animos, auresque ludificiet: quãobrem Vicarij foranei, Parochi, alijque nostræ Diocesis Sacerdotes de Concionatoribus normam huiusmodi transgressis, nos statim certiores faciant; vt exequi possimus quantum circa hoc de speciali mandato Santissimi D. N. Innocentij Papæ XI. à Sac. Concil. Congregatione nobis iniunctum est, eosdem Concionatores à prædicationis munere ad tempus nobis visum suspendendo, aliaque ratione pro modo culpæ eos plectendo.

Prædicantibus verò cursu Quadragesimalis temporis volumus erogari à ~~communitatibus~~ locorum solitam eleemosynam iuxta laudabilem consuetudinẽ iamdiu approbatam, quam etiam nos approbamus, eique robur, & firmitatem adijcimus: prædicatione autem completa, non est illis indulgendum ad eleemosynas colligendas, oppida, seu villas circumire: sint solita tantum eleemosyna contenti, quam dignum est erogari ad instar operarij spiritualis, & magistratus municipales locorum sint pro viribus grati, & solito stipendio non defraudent.

Caveat quiuis Concionator eleemosynas è suggestu pro se petere, aut quas pro alijs petit sibi vindicare: & vt omnis huiusmodi fraudis suspicio tollatur, eleemosynæ statim ac collectæ fuerint Parochis

tra-

tradantur, qui illas pauperibus suæ Parochiæ fideliter distribuunt, consulto ipso Concionatore.

Noctu itidem concionari expressè eos prohibemus, ita ut post vigesimam quartam dici horam expletam, nec in feria quinta in Cæna Domini id liceat.

Parochis autem, aut quibuscumque alijs Concionantibus in Ecclesia, à nemine eo tempore Missæ Sacrificium peragatur, & curent ad maiorem Populi commoditatem inter Missarum solemnia prædicare post Euangelium immediatè antequam Symbolum fidei, seu offertorium pronuncietur.

C A P V T IV.

De Sacramentis ministrandis.

CUm Ecclesiæ Sacramenta sint Christi Saluatoris nostri fontes superfluentes, de quibus gratiæ diuinæ aquas in gaudio haurimus; conuenit, ut quâ diligentissimè à Parochis, & quibus animarum cura sit demandata, rectè dispensentur. Idcirco eorum excellentiam, valorem, & vberes effectus populo sibi commissio explanent frequentèr vernacula lingua, ut de his omnibus edoctus validè, & cum fructu possit accipere.

In his verò ministrandis nouerint omnes Curati sibi vitæ puritatem fore necessariam, quæ si absit, & lethali reatu sint infecti, vel præuia confessione, vel
sal-

saltem per contritionem se disponant ad illud delendum; ipsique utantur ceremonijs, quibus S. Romana Ecclesia utitur, ac nos uti docet in Rituali Romano, quod perlegant crebro, & illud præ oculis habeant; cum verò administrationem eorundem aggrediuntur, actualement, vel saltem virtualem habeant intentionem agendi, quod agunt iuxta intentionem Ecclesiæ, vel quod Christus instituit.

Rursus superpelliceum, & stolam adhibeant (præterquam in casu necessitatis) in Baptismo, vel Pœnitentia. Non audeant pro illis aliquid à quoquam exigere, sed sicut gratis acceperunt, gratis conferant.

Publicos peccatores, veluti excommunicatos, concubinos, usurarios, aut quovis alio publico scelere inquinatos arceant à Sacramentis suscipiendis, nec timeant à facie potentis, potentior enim omnibus est Deus, cuius gerunt vices, memores illius moniti: *Nolite Sanctum dare canibus, nec margaritas projicere ante porcos.* Nihil, ex sacris oleis, nisi sacramentaliter detur,

C A P V T V.

De Sacramento Baptismatis.

Primo ordine locum concedimus Sacramento, quod primū obtinuit necessitate: sine illo enim, nec prima origine culpa dæleri, nec prima sanctifica-

ficatio acquiri potest: hoc autem petit, vt benè conferatur. Baptismus proindè non nisi in Ecclesia Parochiali, vel in qua est fons baptismalis, & à solis Parochis, vel ab alio à nobis approbato ministratur; & tunc semper illi sint præsentes, & diligenter prospiciant, num ritè, & rectè baptismus conferatur, & ipsimet Parochi, & non alius, baptizatos, & à quo Sacramentum hoc receperint, in consueto libro describant, nisi aliud suadeat necessitas, vel vitæ periculum, & tunc omnibus, permixtum est hoc munus, seruato tamen ordine personarum, ita vt foeminæ cedant maribus, & mares Ecclesiasticis, nisi peritiores fuerint foeminæ maribus. Idcirco non desinant Parochi paruulos suos persèpè docere vulgari lingua materiam, formam, & necessaria ad Baptismi collationem.

Quemadmodum circumcisio, quæ figura fuit Baptismi, pueris octauo die fiebat, sic Baptismi collatio vltra dictum terminum non est differenda. Moneant proindè magnopere Parochi fideles, vt pueros suos, cū primùm id facere liceat, ad Ecclesiam deferant, & solemnibus ceremonijs baptizari curent, quàmuis mortis periculum non dignoscatur. Quia cum pueris infantibus nulla alia salutis comparandæ ratio, nisi eis ex Baptismo præbeatur, relicta sit, facilè intelligitur, quàm graui culpa sese obstringant, qui eos Sacramenti gratia diutiùs, quàm necessitas postulat, carere patiantur, cum præsertim propter

ætatis imbecillitatem infinita penè pericula illis impendeant.

Ante ortum, & post Solis occasum Baptismus in Ecclesia solemniter non ministretur.

Infantes expositos, quàmuis ad collum alligatam habeant schedulam, quâ eos baptizatos fuisse appareat, tamen sub conditione rebaptizari præcipimus, cum sæpius accidisse compertum sit matres, aut aliam foemellam furtiuos huiusmodi partus baptizantes errasse circâ materiam, formam, vel intentionem, quia plerumque timore correptæ baptizantem alium non admittunt.

Quoniam autem inter Parochos sæpè oriuntur lites, & controuersæ, eò quòd iurisdictionem in alia Parochia exercuisse contendunt; idcirco præcipimus, quòd nullus huius Diœcesis, vel Ciuitatis Parochus alienum subditum baptizet, inuito proprio Parocho. Mandata procuratoria ad baptizandum in peculiarem codicem congerantur iuxtà Rituale Romanum, deque eis fiat mentio in libro baptizatorû.

Sint verò Patrini vnus, vel vna, vel saltem vnus, & vna, qui tamen sint antea designati à parentibus baptizandi iuxtà decretum Sacri Conc. Trident. & fidei rudimenta non ignorent, nec aliter prohibiti, sicuti publici peccatores, & alij, ac etiam Sacerdotes sæculares, Diaconi, & Subdiaconi non admittantur absque nostra licentia. Excluduntur præterea Regulares.

Omnes igitur vtriusque sexus hortamur, nè infantulos suos baptizandos nominibus Paganorum, aut Gentilium, vel Hæresiæcarum, sed nominibus Sanctorum iuxta ritum christianum nominare velint, vt eos possint imitari, & in auxilium sibi aduocare, prout habetur ex nouo Rituali, cui enixè se accommodare non negligant Curati. Illud etiam aduerte- re satagant, vt vnum, vel saltem duplex imponatur nomen infantulo, non plura; plerumque enim cõ- pertum est, vt ex multiplicitate nominum varia æquiuoca fuerint suborta.

Moneant itidem Parochi matres, & nutrices, nè cum infantibus anniculis audeant in lecto cubare, sed in cullis propter suffocationis periculum vitandum detineant.

Itemque in librum redigere nomina baptizatorum nõ prætermittant propria manu, idque per extensum, scilicet per litteras, & syllabas, etiam quoad diem, mensem, & annum, & non per numeros, iuxta formulas Ritualis, & illis se subscribant, idque ad sumum intra tres dies.

Ab obstetricibus, antequam obstetriciam artem exercere incipiant, explorent Parochi, an integrã Baptismi formam memoria teneant, ac distinctè proferant; alioqui sedulo curent, vt ab obstetricando illæ se abstineant, donec prædictam formam didicerint.

Parochi mane Sabbati Sancti, & Pentecostes, veteri

combusto chrismate, nouum in fontis baptismalis benedictione adhibeant; quod plerique eorum, & ferè omnes minimè faciunt; & ad sacra olea à Metropolitana Ecclesia suscipienda non accedunt, nec mittunt, nisi post multos dies à feria Cœnæ Domini. Caueant proindè in posterum omittere, aut negligere quicquid circa has benedictiones in Rituali Romano præscriptum est.

C A P V T VI.

De Confirmatione.

Sacro sancto Chrismate confirmare quâta præstantiæ sit, ex eo dignosci potest, quòd vnius est ordinis Episcopalis, hæc igitur ad laudabilem vsum expostulat.

Priùsquàm Confirmationis Sacramentum ministretur, partes erunt subditos suos Parochi edocere viros, & effectus huius Sacramenti, vt dignè possint sumere; quare confirmandi habeant annos discretionis, hoc est, septimum ætatis annum completum, & si sint adulti, præmittant confessionem, si se peccati reos cognouerint, vel saltem actû contritionis, quod & Patrini facere debent ob eiusdem Sacramenti reuerentiam: excommunicati prorsus à Patrini munere arceantur, & marces non teneant scæminas, vel ex aduerso; sic etiam qui confir-

firmatus non est, aliquem confirmandum tenere nō debet, quia spiritualement non contrahit cognationē. Reijciuntur etiam à patrini munere Regulares omnes, ac etiam Sacerdotes sœculares, Diaconi, & Subdiaconi, eisque alij subrogentur.

Nec vnus vltra duos eodem die præsentet, nec confirmandus sit ætate maior, quàm ille, qui patrini fungitur officio.

Curet præterea Parochus singula confirmatorum, qui Parochiæ suæ subfunt, nomina, & cognomina in peculiari libro diligentèr perscribere, nemine penitus prætermisso, ad formam à Rituali Romano præscriptam, eamque adamussim obseruet.

Qui alterius sunt Diœcesis, & in nostra permanentem non habent incolatum ad hoc Sacramentum absque Ordinarij sui in scriptis facultate non admittantur.

Confirmandi omnes schedulam deferant à proprio Parocho signatam, in quarum singulis descriptum sit nomen, & cognomen ipsius confirmandi, et quod sciat fidei rudimenta: ac nomen etiam parentum, cum expressa mentione coniugij, si fuerint coniuges; si verò confirmandus non fuerit legitimo matrimonio natus, describantur in schedula Patris, ac Matris nomina absque mentione coniugij.

Interrogabit etiam Parochus patrinum, num sit ipse confirmatus, & an sit ætate maior confirmando; atque has duas circumstantias adnotabit in schedula, & in libro, in quo describi debent confirmandi.

De Pœnitentia.

Post Baptismum lapsis nullum superest confugiũ, nisi hoc Sacramentum. Nisi Pœnitentiam egeritis (ait *Diuus Lucas*) omnes simul peribitis. Ad illud ergò administrandum accedat nemo, tũm Regularis, tũm Sæcularis, qui præuio examine à nobis non fuerit reputatus idoneus, & approbatus, alioquin sciat ab Ordinario se puniri posse censuris; et si, quàmuis approbatus, quempiam absoluerit à casibus S. Sedi Apostolicæ, vel Ordinario reseruat, ipso iure excommunicationem Summo Pontifici reseruatam incurrit.

Confessiones non excipiant extrà sedes confessionales, in quibus sint ferreæ laminæ foratæ cum imagine Christi Crucifixi de foris ex parte pœnitentis, intus verò cum Bulla excommunicationum in Cœna Domini, & tabella casuum, & censurarum nobis reseruatarum.

Caveant præcipuè Parochi, & quiuvis Confessarius, dum Sanctissimum Eucharistiæ Sacramentum ministrant, aut Missam celebrant, confessiones excipere, quàmuis breuissimas causa reconciliationis, vel sub illius prætextu.

Dum confessionem alicuius excipiunt, cæteros, qui confiteri volunt, longè à confessionalibus expectare fa-

faciant, nè illius, qui confitetur peccata, à circumstātibus audiantur.

Confessionalia verò collocentur in loco omnibus obuiō, & aperto, vbi noua fieri contingat, conformentur his, quæ habentur in nōstra Cathedrali.

Cōcubinos, si per bimēstre verè fuerint separati, aut matrimoniū cōtrahere voluerint cū cōcubinis, liceat absolvere, dummodò non fuerint denunciati ex-cōmunicati, tunc enim à nobis facultas petenda est.

Conuenit ijsdem confessarijs, vt cautè, prudenter, & omni quoad fieri potest modestia se gerant in actu, quo confessionibus audiendis vacant, & nulla intērim habeant colloquia, quæ ad rem non faciant.

Confessarius quiuīs, nemine excepto, sciat se grauiter peccare, si pœnitentes, quos nouerit in confessione ab alijs fuisse sollicitatos, monere prætēmisserit de obligatione denunciandi sollicitantes in casibus, qui in constitutione Gregorij XV. continentur, aut docuerint pœnitentes ipsos non teneri ad denunciandum in casibus antedictis.

Si verò sacramentalis Confessionis sigillum fregerit, sciat se, siuè sœcularis, siuè regularis sit, fore denūciandum, & grauiori pœna, etiā corporis afflictiua puniendum.

Caucant confessarij pœnas pecuniarias sibi, vel eorum Ecclesijs attribuendas imponere pœnitentibus. Nec ante Solis ortum, nec post occasum ministrēt hoc Sacramentum, nec extrā propriam Ecclesiam, nisi aliud

aliud suaferit necessitas, vel aliqua rationabilis causa, nunquam verò domi; liceat tamèn Confessario legitimè impedito domi excipere confessiones Sacerdotum, qui tenentur celebrare, aut sacramenta ministrare. Nec insuper audiant confessiones accedentium cum armis, auibus, cæterisque inanibus rebus, nec item ad communionem admittant.

Moneantur itidem pœnitentes, quòd licèt, vbi non sint nominatim excommunicati, possint cæteri cum ipsèdem communicare, tùm in diuinis, tùm in humanis propter Extrauag. Martini V. *Ad euiranda.* &c. ipsi nihilominus excommunicati tolerari non possunt à mortali excusari, quoties sacro intersunt, vel diuinis officijs, aut cæteris huiusmodi assistant. & alioquin experti fuimus in præteritum plurimos errasse Confessarios circà hoc.

De confessione infirmorum admonendi sunt Parochi, vt si mulieres eisdem confiteantur, ostia domus derineantur aperta, vt à circumstantibus possint videri, & obseruari.

Absoluant sub conditione Parochi, & quicumque alij Sacerdotes, vbi casus necessitatis emerferit, moribundos sensibus destitutos, quàmuis nullum dederint signum contritionis, eisdemque Sacramentum extremæ vnctionis ministrent.

Confessarius, qui alicuius infirmi confessionem excipit, ad hoc, vt Parochus, si opus fuerit instrui possit de infirmi vita, statim faciat fidem in scriptis, vel do-

doceat Parochum de administrato Sacramento. Medici moneant infirmos, vt faciant confessionem peccatorum, & conscientiam expient, quod, si vltra diem tertium facere negligent, sciant se incur-
rere in pœnas in constitutione B. Pij V. contentas, quam à Parochis die prima Ianuarij. quotannis publicari mandamus sub pœnis in eadem, &c. alijsque à Summo Pontifice Innocentio XI. ad sui arbitriũ impositis.

Parochis extrà propriam Parochiam, præterquàm subditorum suorum respectiuè, confessiones auscultare nefas sit sub pœna excommunicationis, nisi generalitèr à nobis sint approbati ad confessiones per vniuersam Diœcesim excipiendas.

Nec possunt simplices Sacerdotes à venialibus absol-
uere, nisi à nobis priùs approbati, sub pœna suspen-
sionis ipso facto à celebrando nobis reservatæ.

Remanet denique Curatis obligatio, quam ipsis stri-
ctè imponimus, denunciandi Curix nostræ incon-
fessos, & in Paschate non communicatos, concubi-
narios, & alios publicos peccatores.

C A P V T VIII.

De Casibus Reservatis.

CAsus, quorum absolutio Illustrissimo, & Re-
uerendissimo Domino Ianuario Sanfelicio Ar-
chi-

chiepiscopo Consentino tantum reservata est, qui habent annexam excommunicationem.

Alloquentes absque nostra licentia, vel nostri generalis Vicarij; Moniales Chorales, vel Conuersas, siuè Professas, siuè Nouitias, vel Puellas, aut alias sceminas educationis, vel alia causa in Monasterijs, vel Conseruatorijs, seu pijs domibus, siuè per se, siuè per interpositam personam; præsertim de rebus obscænis, siuè sub obtentu licentiæ, siuè absque turpes, vel inhonestos actus cum aliqua ex illis habentes, aut ipsis litteras amatorias, vel alia scripta, aut libros de similibus tractantes, vel munera quæcumque ad inhonestum finem sub quouis prætextu, simulatione, aut circuitu dantes, mittentes, scienter ferentes, componentes respectiue, aut aliqua ex prædictis ab eisdem missa recipientes, ac scienter quoque ferentes.

Matrimonium clandestinū contrahentes, aut non seruata forma à Sacro Concilio Tridētino præscripta; aut ante matrimonium coràm Parocho, & testibus, celebratum, conuersantes cum Sponsis.

Homicidium deliberatè committentes, aut mandantes, auxilium, consilium, uel fauorem præstantes; opprimentes infantes.

Falsum cum iuramento deponentes in iudicio, vel litteras, instrumenta, schedulas, processus, etiā in aliqua eorum parte, si adsit damnum partis, aut fisci, Bullas, seu quascumque litteras dimissorias ad ordines

mi-

minores, vel maiores, ac etiam ad primā tonsuram recipiendos, aut recipiendam, vel commendatitias ad missas à Sacerdotibus celebrandas, aut à Ciuitate, et Diœcesi Consentina simpliciter discedendū, falsificantes, eisque simul vtentes, cooperantes, vel consulentes. Item Notarij, Actuarij, & Subactuarij, Scribæ, Cancellarij, aut quicumque alij, ad quos spectat diminutam, aut auctam informationem cōtra aliquam personam non scribendo integrè, aut augendo dicta Testium, per se, vel per alios capientes, tam in criminalibus, quàm in ciuilibus causis cooperantes, mandantes, vel consulentes.

*Casus reservari, qui non habent annexam
excommunicationem.*

Blaspheemia in Deum, vel Beatam Virginem, vel Sanctos.
Incestus in primo, vel secundo gradu consanguinitatis, vel affinitatis ex legitimis nuptijs proueniens, vel cum cognatis spiritualibus quoad mares rātūm. Opprimentes violenter, aut violātes virgines, præsertim sub promissione matrimonij: cocūtes cum brutis: sodomia quoque modo cū maribus, vel fœminis committentes, eamue patientes, vel attentantes, ita vt ad actum proximum deuenerint; & hæc omnia, quoad mares post decimum quartum ætatis annum completum tantūm referuantur.

Exercentes cauponas, aut hospitia venalia, qui mulieres impudicas apud se retinent, & occasione sunt hospitibus peccandi cum illis.

Concubinarij, & concubinæ ultra duos menses.

Incisores arborum fructiferarum, inuito Domino.

Verberantes Patrem, vel Matrem.

Decimas Parochis, aut debita locis pijs, aut legata pia non soluentes.

Incendiarij non denunciati, quia si denunciati fuerint à Summo Pontifice tantum absoluantur.

Confessarij, qui cum pœnitentibus, siuè masculis, siuè fœminis quomodolibet peccauerint, seu qualemcumque lethalem culpam in quouis peccati genere cum ijs cômiserint, pœnitentes ipsos peccati socios minimè absoluât sub pœna suspensionis ab audiendis cōfessionibus ipso facto incurrenda, ac nobis reservata. Quomodo enim alios peccati labe purgabit Cōfessarius eadem ipse labe pollutus, nonnè ambo inquinabuntur magis, ac magis sordescunt, aut quomodo is peccatū doleat suū, qui verecundiæ, & correctionis impatiens socio criminis illud confitetur nè corrigatur, & nec etiam erubescat.

Et præter hos, & alios casus, & censuras in corpore præsentium constitutionum synodaliū reservatas, omnes alias à nostris prædecessoribus inflictas, quæ his aduersantur, cassamus, & irritamus, & ubi antedictorum casuum, & censurarum absolutionem nemini reservauimus, eas à nobis, & Archiepisco-

piscopis successoribus nostris tantum absolui posse intendimus, à quibus omnibus, vel earum singulis nullus Confessarius tam Regularis, quàm Sæcularis absolvere possit, excepto mortis articulo, nisi legitimam facultatem à nobis, vel à S. Sede Apostolica obtinuerit. Vbi verò pro violatione eorum, quæ fieri præcipimus, vel prohibemus, nulla est enunciata pœna; eam nostro, ac successorum nostrorum arbitrio itidem referuamus.

Declarantes insuper, quòd omnes facultates à nobis in futurum concedendæ pro absolutione à censuris, vel à casibus nobis reseruatis, non intelligantur cõcessæ absoluedi à censuris incurrendis propter alloquutionem cum Monialibus, alijsque degentibus intra Monasteria, seu Coferuatoria, de rebus turpibus, nisi earum expresse fiat mentio.

C A P V T IX.

De Sanctissimo Eucharistie Sacramento.

Quanta puritate sit hoc augustissimum Eucharistie Sacramentum sumendum, quantaque veneratione habendum, & ministrandum, nemo, qui sit verè fidelis, ignorare debet; in eo enim latet Christus verus Deus, et verus homo, et fons omnis sanctitatis. Circà sumptionem talis Sacramenti omnes vtriusque sexus fideles doli capaces, et habiles tenentur saltem semel in anno de manu proprij
Pa-

Parochi communicare in Parochiali Ecclesia, vel in nostra Metropolitana à Dominica Palmarum vsq; ad Octauam Paschæ inclusiue, si secus fecerint, præcepto annuæ communionis nouerint se non satisfecisse: excipe pro eo tempore absentes, qui tamen regressi, exhibent Parocho fidem communionis, vel iterum communicent. Quod si ex industria extra Parochiam, et absque Parochi licentia sacram Eucharistiam sumpserint, habentur, ac si non communicassent, nostra Cathedrali excepta.

Regulares, qui Eucharistiæ Sacramentum eo tempore administauerint fidelibus communicantibus animo satisfaciendi præcepto annuæ communionis, sciant se ipso facto excommunicatos esse, et à Sancta Sede Apostolica absoluen- dos iuxta Constitutionem Clementis V. ipsique laici famuli Regularium, tametsi in Monasterijs habitent in sua Parochiali Ecclesia communionem sumere debent. Eremitæ omnes, qui morantur intra fines alicuius Parochiæ, cum eius Parocho communicare debebunt.

Quod attinet ad venerationem huiusce Sacramenti volumus illud asseruari intus in Ecclesia Matricæ, vel in Altari Maiori, vel in altero commodiori, in quo sit tabernaculum fabricatum, et in pyxide argentea reponatur, sub qua sit maior corporalis palla substrata, et intra Tabernaculum nihil aliud reponatur, nec sacra olea, nec reliquiæ. Tabernaculi præterea ostiolum firma scrula muniatur, quæ clauem habeat

argenteam sericeo laqueolorum flocco nectendam;
eamque Parochus apud se habeat, vel in tuto, et
abscondito loco, ita ut nemini pateat, nullique laico
eam credat, nisi fuerit Sacerdos probus, ac discretus.
Ante dictum tabernaculum noctu, diuque colluceat
lampas expensis, quorum interest.

Hostiæ verò, quæ conseruandæ erunt sint recentes, et
non ante octo dies confectæ, et forma orbiculari si-
nè macula, & solita magnitudine, et tot reponantur,
quot nouerit Sacerdos esse necessarias pro multitu-
dine populi, et temporis occasione, sed non mino-
res quinque, octauo quoque die mutantur, idque fi-
at feria quinta cum celebratione Missæ votiue eius-
dem Sacramenti, nisi aliud exigat temporis occasio.
Hostiæ propter reuerentiam non conficiantur à laicis,
nec confectæ deinde adhibeantur in festiuitatibus
myrtis annexæ, vel aliter proijciantur.

Sanctissimum Eucharistiæ Sacramentum in Parochiali-
bus, alijsque Ecclesijs, in quibus seruari solet, non
nisi in proprio altari, & cum sacra pyxide ministre-
tur, non alibi, nec aliter, quod expressè monemus,
ac præcipimus ad maiorem tanti Sacramenti reue-
rentiam.

Laudabilem consuetudinem canendi Missam in singu-
lis Parochialibus Ecclesijs qualibet tertia Domini-
ca de Sanctissimo, nisi Missalis rubricæ repugnent,
& in fine illius ducendi solemniter supplicationem,
scù processionem per ambitum Ecclesiæ, tanquam
piam,

piam, & laudabilem approbamus, & obseruandam in posterum mandamus. Et pro maiori pietatis, seu deuotionis incremento, vbi non sit erecta Confraternitas Sanctissimi Sacramenti, erigatur, & solitæ indulgentiæ per Parochos locorum euulgentur, de quibus fiat tabella, & in albo Sacristiæ pendeat.

In qualibet Parochialis Ecclesiæ Sacristia fiat repositorium, vt ibi decenter die parasceue seruetur Sanctissimum Eucharistiæ Sacramentum pro infirmis, ibique de more lampas ardeat, & interim tabernaculi, quàmuis vacui, ostiolum apertum omnibus pateat, nec tamen cessandum à genuflectendo ante illud, si ibi sit Crux, quia in illo triduo fulget Crucis mysterium.

Sepulchra autem, quæ in Dominicæ sepulturæ memoriam construuntur in die Ccenæ Domini à fidelibus visitanda, in ijs tantum Ecclesijs fieri permittimus, in quibus sanctissimum Eucharistiæ Sacramentum seruatur, & non in alijs.

Vbi deueniat solemnitas Corporis Christi viæ sint mundæ, & ornatæ ad præscriptum ceremonialis, & Missalis Romani: viæ item semel electæ non amplius mutantur. Hastas pallij, si fuerint soliti magistratus locorum deferre, annuendum censemus, confirmando omnia licita, solita, & honesta. Extra dictam solemnitatem non exponatur publicè Sanctissimum absque nostra licentia, etiam in Ecclesijs Regularium, nimirum pro precibus quadraginta ho-

horarum, vel quacumque alia causa, exceptis ferijs sextis Martij, et Quadragesimæ, et alijs diebus ex antiqua consuetudine, et tunc sex saltem lumina in Altari colluceant.

Non differat Parochus adusque mortis articulum Sanctissimæ Eucharistiæ Sacramentum ministrare infirmis, quando vi morbi oppressi, & sensibus penè destituti ad tanti Sacramenti præsidium mentē applicare non valent, sed opportuno tempore salutarem eiusdem Sacramēti virtutem ipsis explicabit, eosque monebit, vt dum sensibus pollent, illud religiosè sumant, si verò post desumptum Viaticum æger cū eodem periculo seruire deuotionis illud iterum petat pro desiderio, non deerit Parochus.

Circà Eucharistiam ministrandam hæc alia adiungere arbitramur. Et primò qualibet feria V. in Cæna Domini fiat in omnibus Ecclesijs Parochialibus solita cōmunio Cleri à proprio Parocho ad instar Apostolorum cum Christo, et nullus Sacerdos celebrare audeat priuatim; Reliqui sæculares communicent, seorsim mares à fœminis, sacerdotes verò stolam teneant collo hærentem, et totam ante pectus, nō post terga pendentem, quod seruare debebunt, quoties stolam induent, nec liceat communicare cum particulis hostiæ maioris pro Missæ Sacrificio consecratæ, sed cum vna tantum formula, seu particula consuetæ. Quos verò semel in anno peccata fateri nouerint Parochi ad sacram communionem, vt nō statim ac-

cedant hortentur, sed postridie, quò religiosius illam sument: et nisi recepta prius schedula Confessarij approbati, qui testetur se cõfessionem excepisse illius, qui communicare vult.

Postremò de communione infirmorum aduertant Curati, vt etiam omni, qua decet reuerentia, deferant sub vmbella, præcedentibus facibus, lanternis, et tintinnabulo personante ad formam ritualis, nec deferatur, nisi pro viatico, aut communione infirmi, non autem pro illius religione, seu deuotione, vt adoret, aut osculetur.

Et in reditu unam saltem in pyxide deferat particulam, nè inane vasculum populus adoret: et si ex communione plurium omnes particulæ sint consumptæ, in reditu absit omnis pompa, extinctis cereis, et deposito sacro amictu. Parochi ministraturi Eucharistiæ Sacramentum campesribus hominibus, seu ruri habitantibus infirmis, peram, seu bursam habeant è collo pendentem, in qua pyxis cum Sanctissimo includatur, et sub parua vmbella, quam sibi gestari faciant à pijs aliquot viris, et maiori, quo poterunt hominum numero, comitati incedant.

Parochis, seu Confessarijs in virtute Sanctæ obedientiæ strictè præcipimus, vt redarguant asserentes cõmunionem quotidianam esse de iure diuino. Docceant præterea in Ecclesijs, seu Oratorijs priuatis ex dispensatione, seu Priuilegio Summi Pontificis de manu Sacerdotis Sumendam Sanctissimã Eucharistiam

stiam, neceam nullo modo deferendam in crumena, aut secretò ad existentes domi, vel cubantes in lecto; præterquàm ad infirmos, qui ad illam suscipiendam ad loca prædicta accedere non valent, & ad eos, si ab Ecclesia deferatur publicè, et cum pompa iuxtà formam Ritualis; si verò ab Oratorio privilegiato, cum forma decenti.

Curent etiam, vt circà communionem in feria sexta Parasæue Missalis rubricæ, et Ecclesiæ Romanæ vsus seruentur.

Insuper admoneant nulli tradendas plures Eucharistiæ formas, seù particulas, neque grãdiores, sed consuetas. Si Parochi, & Confessarij etiam Regulares, a ut quicunque alij Sacerdotes secùs egerint, sciant se Deo Optimo Maximo rationem esse reddituros, neque defuturam iustam, et rigorosam in cotrafacientes etiam Regulares animaduersionem ex facultate à Sede Apostolica Ordinarijs locorum ad hoc specialiter attributa per Decretum Sacræ Congregationis Concilij Tridentini editum 12. Februarij 1679.

C A P V T. X.

De Ordine.

Salus populorum cum sit vita Sacerdotum bonis moribus ornata, & sufficienti scientia instructa, idcirco ad hoc munus seligi debent, qui verè à Deo sint vocati, tanquam Aaron.

Ad primam ergò tonsuram promouebuntur, qui honesta vita, & bonis moribus polleant, & de quibus probabilis est coniectura non animo fugiendi sæculare iudicium, & onera laicalia, sed ex causa seruiendi Deo; et propterea per mensem ante coram nobis se fiant, sicut & reliqui minoribus, & maioribus initiandi, ut de eorum requisitis, præmisso necessario scrutinio, certiores facti mandare possimus, ut per Parochos locorum fiant solitæ denunciationes, quas trinas esse iubemus pro tribus diebus Dominicis, vel festiuis. His peractis iidem Parochi attestaciones iuratas faciant circa eorum vitam, Natalia, mores, Sacramentorum frequentationem, et alia ad præscriptum Tridentini, et Decreti Sacræ Congregationis pro Regno Neapolitano editi: postmodum capta cognitione per Curiam præuio examine duorum, vel Clericorum, vel Sacerdotum, vel Religiosorum concitium circa iam dicta, & constituto de illorum vita possit tandem experimentum fieri de idoneitate, & sufficienti eorum doctrina. Promouendi ad primam tonsuram, si sint maiores annis quatuordecim, fidem Tribunalis sæculairs reportabunt, vnde constet eos non esse alicuius criminis reos. Hæc verò fides non erit necessaria initiandis minoribus ordinibus; sola enim fides Parochi, & Confessarij, & ludi Magistri cum denunciationibus sufficiet, sed si per aliquod tempus extrâ propriam Diocesim commorati fuerint, bonum testimonium circa vitam, & mores ab illius loci

Epi-

Episcopo, vbi commorati sunt, deferre debebunt; acta autem suæ initiationis, quæ pro singulis ordinibus alicui conferendis fiunt, simul assuantur, & in vnum reddantur. ¶ Ad maiores promouendi, vltra præmissa, teneantur nos docere de quantitate patrimonij, quam iuxta tassam D. Archiepiscopi Maurelli in Diœcesi viginti quinque, & in Ciuitate aureorum triginta annui redditus, oneribus deductis, esse volumus. Patrimonij autem titulus consistere debet in bonis immobilibus, vt nullatenus possit alienari absque legitima causa, & nostra licentia gratis largienda. Si tamen constituatur in censibus, inhihemus promouendis, vt pecuniam, quam eorum redemptione acceperint, possint accipere, sed penès montem pietatis, vel tutum Mercatorem in hac Ciuitate deponant ad finem occupandi in tutam emptionem; si quis autem simulato, vel fiduciario patrimonio, siuè in parte, siuè in toto promoueri obtinuerit, sciat se statim ipso iure suspensum grauioribus etiam à nobis puniendum pœnis. Con sanguinei, vel alij, qui ad eundem finem bona aliqua pro patrimonio his ordinandis fictè cesserint, vel donauerint, excommunicatione quoque percellentur.

Patrimonium proindè, ad cuius titulum quis promoueri intendit ad maiores ordines, in folio distinctè describatur: et ordinandus non solum iuret illud verè, & reale esse, seque seclusa qualibet fraude possidere

dere, quod legitimis etiam scripturis probare tenebitur, ac testibus fide dignis; sed etiam ter inter missarum solennia tribus diebus Dominicis, vel festis de præcepto, frequenti populo in Ecclesia prædictum folium patrimonij bona continens denunciatur, & publicetur, ac valuis Parochialis Ecclesiæ affixum per octo continuos dies detineatur, vt omnibus innotescat, & de huiusmodi publicatione, & affixione Parochi fides in processu producat.

Parentes verò caueant à fraudulentis donationibus, quas omnes fraudulentas reputamus absque nostra scientia factas; et proindè magistratus municipales locorum, si in hoc se fraudatos intelligent, compareant coràm nobis, quia de iustitia providebitur ad præscriptum litterarum Sacræ Congregationis contra Clericos possessores.

Initiati maioribus ordinibus in alia Diocesi sine litteris dimissorialibus nostris, ipso facto suspensionem incurrunt, aliasque poenas cõtentas in constitutione Pij II. quam poenam incurrit etiam filius Baronis, si non habens domicilium in feudo Patris ad ordines promouetur ab Ordinatio feudi absque litteris dimissorialibus Ordinarij originis, cuius arbitrio remanet suspensus ab exercitio suscepti Ordinis, si in eo non ministravit; si verò in aliquo maiorum ordinum ministraverint, irregularitatē incurrit à Summo tantum Pontifice tollendam.

Qui verò ab alieno Episcopo ratione originis, vel do-
mi-

micilij, vel beneficij ritè, & rectè promoti fuerint ad quoscumque ordines, vel etiam ad primam tonsuram coràm nobis comparere debeant, ac Bullas exhibere intra mensem à die promotionis, & interim ab exercitio ordinis suscepti se abstinere: et qui ab alio Episcopo cum nostris litteris dimissorialibus promoti fuerint, intra duos menses Bullas suscepti ordinis in nostra Curia præsentare, & registrari facere teneantur. Si quis, aut ipsemet, aut suus filius, frater, consanguineus, affinis, aut amicus, vel quivis alius, prima tonsura, vel minoribus, aut maioribus ordinibus insigniantur, qualemcumque pecuniæ quantitatem, aut quamcumque aliam rem pretio æstimabilem tacitè, vel expressè, aut quomodolibet promiserit, soluerit, aut tradiderit mediatè, vel immediatè, tam is, qui tradidit, quàm qui acceperit, sequuto effectù, excommunicationem late sententiæ, cuius absolutio Sedi Apostolicæ est reservata, incurrunt; & ordinati à susceptorum ordinum exequutione sunt suspensi, graui etiam poena, prout de iure puniendi, si crimen detegatur.

Litteræ dimissoriæ pro collatione, siuè primæ tonsuræ, siuè minorum, aut maiorum ordinum Diocesanis nostris in alma Vrbe degentibus non concedantur, nisi directè ad Illustrissimum Dominum Vicegerentem.

Litteras item dimissorias ad primam tonsuram, siuè ad minores, siuè ad maiores ordines Vicarius noster

Ge-

Generalis, etiam nobis absentibus, nemini det absque speciali facultate scripto habita à nobis.

Mandamus præterea Vicarijs forancis, & Parochis, ut quemcunque nouerint ab alieno Episcopo fuisse promotum, eum minimè celebrare faciant, nec in Chorum admittant, neque in tabellam Sacristiæ adscribi faciant: sed nos statim facere certiores teneantur de nomine, & cognomine huiusmodi ordinatorum, ac de ordine suscepto.

C A P V T. XI.

De Matrimonio.

Quoniam complures in nostra Diocesi cum sanguine coniunctis in gradu prohibito, alij inuiti, alij etiam coniugio alligati, aut apostatæ, vel à religioso ordine dimissi, sponsalia, ac matrimonia contraxerunt per Parochorum, vel malitiam, vel inscientiam, vel negligentiam, qui absque debito præcedente examine, & Archiepiscopalis Curiae licentia nullis adhibitis diligentijs ad præscriptum Concilij matrimonia celebrarunt, quæ postea dissolui necesse fuit, cum eorum notitiam habuimus, ac præuijs sacrae poenitentiae diplomatibus iterum celebrari, clàm, & coràm Confessarijs tantùm; & non semel accidit, ut matrimonium perperam contractum faciri nequiuisset, quia impedimentum nondum erat sublatum.

Idcò

Ideo malis, & absurdis huiusmodi obuiare cupientes statuimus. In primis, vt sponsalia per verba de futuro contracta mutuo partium consensu posthac non dissoluantur, cum alijs liberè contrahendo, nisi priùs decreto Iudicis prima sponsalia soluta fuerint.

Parochi siuè Ciuitatis, siuè Diocesis sponso in facie Ecclesiæ matrimonio minimè coniungant absque trinis denunciationibus præmissis ad præscriptum Tridentini Concilij, & Ritualis Romani, ac præuia licentia nostræ Curia gratis concedenda. Decreta verò, & reliqua mandata procuratoria ad matrimonium contrahendum, tam pro præterito, quàm pro futuro, redigant in peculiarem librum iuxta Rituale Romanum.

Si verò sponsi, vel alteruter eorum non sint nostræ Diocesis, tunc attestationem Episcopi illius loci de eorum statu libero in Curia exhibere debebunt. Quod etiam, si Diocesani sint, seruare teneantur, si in aliena Diocesi commoratus fuerit vterque, vel alteruter eorum, vbi à die vltimæ denunciationis elapsus fuerit bimestre, reiterandæ sunt denunciationes cum exploratione consensus sponsæ facienda in locis, vbi tam vir, quàm mulier quatuor saltem menses habitauerint, cum matrimonium contrahere volunt, alioquin fient in locis, vnde discesserint, et vnica præterea in loco, vbi Coniuges degunt. Vt verò rectè procedant omnia, Parochi moneant suos subditos de obligatione, quam habent, scientes im-

pedimenta maitimoniij, illa reuelandi, ac de grauitate peccati, quod committunt falsa deferentes ad impedienda matrimonia, ac præsertim, si matrimoniij vsum maleficijs, vel alio quouis modo impediunt.

Denuciationes vagorum, et AEgyptiorum; qui vulgò appellantur *Zingari*, etiam fieri prohibemus, nisi præcedente licentia Curia, quia eorum conditio nõ est facilè omnibus nota.

Matrimonium autem in Ecclesia Parochiali, vbi sponsus, vel sponsa inhabitat, et coràm proprio Parocho, vel, eo legitimè impedito, ab alio Sacerdote approbato de ipsius Parochi consensu celebretur, quod quidem ab ipso Parocho seruetur antè Altare, vbi etiam fiat benedictio iuxtà formam Missalis, ac de die, et orto iam Sole, neque in alio loco, vel alia Ecclesia, quod si de his, vel eorum singulis petatur dispensatio, concedetur à nobis cum causæ cognitione, gratis tamen, et in scriptis. Nuptiarum autem solemnitates temporibus ab Ecclesia vetitis fieri prohibemus.

Parochus statim post matrimonium antè Principem Aram iuxtà Missalis formam sponsis benedicat, seu benedictionem impartiatur, quam vt illi accipiant, seriò hortetur, ac moneat, nec differat vltra mensem de hac re eos monere, nè muneri suo desit, & subditorum pietati, nec sub vmbella ijs, qui matrimonium contraxerunt, benedicat.

Hanc

Hanc autem benedictionem si alteruter ex contrahentibus in primis nuptijs acceperit ; non est amplius reiteranda.

Matrimonium domi si ob aliquam legitimam causam de nostra licentia celebretur, Parochus sponfos monebit , vt mane sequenti missæ pro sponfis in Parochiali Ecclesia assistent, & communicent, nuptialem benedictionem recepturi, quod spiritualem matrimonij fructum vberiore consequantur.

Ad tollendas controuersias , quæ inter Parachos oriri solent, strictè præcipimus, vt Parochi, siuè Diocesani siuè Ciuitatis alienorum subditorum matrimonia, (inuito proprio Paracho) minimè celebrent; neque illis intersint absque licentia à nobis , vel à nostro generali Vicario scriptis obtenta, quæ iustà interueniente causa gratis largietur.

Pœnam excommunicationis latæ sententiæ, & decem librarum ceræ à prædecessoribus nostris, et à Dom. Arciepiscopo Venus . Visitatore Apostolico imposita pro accessu , ingressu, aut cohabitatione sponforum ante matrimonium coràm Paracho, & testibus celebratum confirmamus, atque in suo robore permanere volumus. Declarantes tamen, quòd non intendimus prohibere accessum illum , qui à sponso publicè fit cum sanguine coniunctis ad salutandam sponfam, & ad tangendam tantum illius manum, vt vulgò dicitur.

Quoniam autem experimento compertum est plerun-

que viros, & mulieres externos incolatus gratia simul morari in nostra Diœcesi, simulando se coniuges, licet re vera non sint : idè sedulò quisquis inuigilet Parochus, vt ab eis, & eorum singulis exigat necessarias matrimoniorum attestations, quas si habere non potuerit, statim Nos certiores faciet.

Sponsi, qui clandestinè, aut absque præcedentibus denunciationibus, ac legitimis de ipsorum libero statu probationibus, aut absque nostræ Curiaë licentia, matrimonium de facto contraxerint, quàmuis coràm Parocho, & testibus excommunicationem latæ sententiæ, & nobis reseruata incurrere decernimus, ad coercendam huiusmodi hominum proteruiam, & vt, quæ accidere solent ob hanc causam scandala, quantum fieri potest, impendantur in posterum. Parochi verò, qui huiusmodi conuersationis, accessus, vel ingressus consciij matrimonio interfunt, aut nobis statim non denunciant, suspensionis pœnam ipso facto incurrant.

C A P V T. XII.

De Extrema Vnctione.

SI totius humanæ vitæ curriculum multis ad perennis salutis adeptionem indiget Sacramentis, multò magis eget humanæ vitæ terminus, tunc enim diligentius aduersarius noster Diabolus, tâquam Leo

rugiens circuit quærens, quem deuoret, ex quo fit, vt pro extremo illo momento, quo gignitur æternitas, extremæ vnctionis Sacramentum à Christo Domino fuerit institutum, & à nobis per diligentem exercendum proponitur.

Omnia igitur, quæ in Rituali Romano continentur, vt necessaria ad huius Sacramenti administrationem, perficiant Parochi, nec sinant aliquem ex hac vita migrare sinè hoc Sacramento, nuncupato infirmorum, neque omittant assistere infirmis agonizantibus, licèt Sacramenta contulerint. Momentum enim illud est, vndè pendet æternitas.

Sacrum infirmorum oleum Regularibus vtriusque sexus ad proprium vsum in suis cōuentibus, seu Monasterijs seruandum detur, sed si parui sunt Conuentus, in quibus sex Regulares non commorantur ad præscriptum Bullæ Innocentij X. dabitur eis toties, quoties vnicuique eorum necessè erit.

C A P V T. XIII.

De Sacrosanctis Ecclesijs.

OMnia iura diuina, & humana zelantur zelum domus Dei, quam decet sanctitudo, & locus sanctus est, in quo orat Sacerdos pro delictis, & peccatis populi. Idcirco volentes Ecclesias nostræ Diocesis diuinitus nobis commissas vindicare ab iniu-

iniurijs, statuimus primò neminem posse nouas Ecclesias, Oratoria, Cappellas, Sacristias, vel Monasteria ædificare, vel in ædificatis noua construere Altaria, vel aliàs constructa destruere, vel dirutas, seu ruinosas reædificare, vel cuiumque Ecclesiæ, aut loco sacro qualemcumque fabricam adhærentem facere sinè licentia nostra. Vbi verò reperiantur Ecclesiæ vetustate labentes, aut ruinam minantes, etiam si in minimo, restaurari mandamus expensis eorum, ad quos de iure, vel de consuetudine spectat, alioqui in huius defectu transferentur ad Matricem, erecta in priori loco Cruce, & translatis exindè oneribus, & redditibus.

Quoniam in aliquibus huius Ciuitatis, & Diœcesis Ecclesijs, seu Cappellis multis abhinc annis missa non celebratur, propterea, quòd ob dotis, ornatus, rerumque omnium deficientiam, & ob alias causas prorsus derelictæ, ac profligatissimorum hominum factæ sunt receptacula, qui cum impudicis mulieribus eas sacrilegè fœdare, ac conspurcare non verentur, nullumque in ipsis flagitij genus patrare perhorrescunt, quàmuis in generalibus visitationibus à nobis, & à prædecessoribus nostris pluries mandatum sit Ecclesias, seu Cappellas antedictas à Patronis, alijsque, ad quos spectat refici, dotari, ornari, deque omnibus respectiuè prouideri, quæ ad Missæ Sacrificium in ijs peragendum necessariò requiruntur. Volentes proindè Domos Dei, in quibus ste-

terunt pedes eius, ab omni turpitudine, & foeditate, quantum in nobis est, vindicare, omnemque in eis peccandi occasionem amouere, Ecclesias, seu Cappellas omnes, & singulas huius Ciuitatis, & Diocesis, in quibus decem abhinc annis Missa non celebratur (cuius rei declarationem nobis referuamus) vti laicas, & prophanas domos haberi decernimus. Easdem autem Ecclesias, seu Cappellas, quemadmodum prohibere non intendimus, & impedire, quin Patroni, alijque Religiosi viri reficiant, doctent, ornent, & de omnibus prouideant diuino cultui necessarijs: sic ipsas, quoad omnia hæc respectiue perficientur, deque eorum implemento nobis planè constiterit, semper clausas teneri præcipimus, nè ad humanos vsus accommodentur; reaperiendas tamen de nostra licentia, cum in eis in pristinum statum redactis diuinus cultus instauratus fuerit, & sacrosanctum Missæ Sacrificium omni; qua decet reuerentia fieri poterit.

In Oratorijs priuatis nullus Sacerdos celebrare audeat, nisi à S. Sede Apostolica fuerit indultum: & tunc omnia ad vnguem seruari mandamus, quæ in Apostolico diplomate, seu breui continentur: & quia in hoc grauiter peccatum est, à celebrantibus tam sæcularibus, quàm regularibus in gratiam illorum, qui Oratoria habent in domibus suis: ideò monemus omnes, & singulos tam celebrantes, quàm celebrare facientes, aut permittentes, vt se abstineant con-

tra hoc Decretum venire, illudque non obseruare; quia contra eos, & vnumquemque eorum procedetur à nobis, prout de iure debetur.

Cappellæ, Altaria, & sepulturæ in quibuscumque Ecclesijs, tum Ciuitatis, tum Diœcesis, nemini concedantur absque nostra in scriptis licentia gratis largienda.

Ecclesiæ seruentur mundæ, & semel saltem in hebdommada verrantur, & ab immunditijs, & puluere, atque araneorum telis purgentur: tecta non sint pluuia, & pauimenta seruentur concinna, & æqualia, nullaque de causa deformentur, aut defodiantur, nè pro cadaueribus quidem inferendis, absque expressa licentia in scriptis; nullo modo intrà Ecclesias, aut Cappellas, etiam Regularium, fiant conuiuia, comotationes, commestationes, aliaue huiusmodi, aut comedix, tragedix, vel quicumque actus ludicri, aut in eis recondantur, & seruentur vllum tritici genus, ligna, prophana suppellex, vel denique quicquid aliud à Domo Dei alienum, & præsertim fericum in fraudem vectigalis, ni aliud suaserit necessitas, & tunc omni cum modestia, & nobis statim certioratis: ac sedulò inuigilent Vicarij foranei, nè quid indecorum interim admittatur.

Similiter iuxta Ecclesiæ parietes non permittant Parochi turpe quod fieri, aut sordidum deponi, sed vndequaque ab vrina, & immunditijs preseruari, vepres, & arbuta extirpari, & lapidū congeries tolli curent.

Nul-

Nullæ excitetur rixæ, aut cōtentiones intrā Ecclesiam, nulla item fiant colloquia, quæ sacra perturbant officia, non comitia, seu parlamenta, non contractus ciuiles, nec vlla iudicia exerceantur: nec alia, quæ in constitutione B. Pij V. quæ incipit *Cum primū*, edita Kal. Aprilis 1566. expressè prohibentur, ac pro expressis hîc haberi volumus sub pœnis in eadem constitutione contentis.

Occisorum corpora intus Ecclesiam à iudicibus nullo modo recognosci permittantur, aut inde extrahi, & multò magis sit vetitum ea exhumari facere absque nostra licentia in scriptis.

Musici in quibuscumque Ecclesijs, etiam Regulariū, & Cappellis nulla prophana canant, nec cantilenas italico sermone.

Parochi in nocte Natiuitatis Domini Nostri Iesu Christi non permittant intra Ecclesiam displodi arma ignem euomentia, sed potius desinant Ecclesias de nocte aperire, laici verò dicta arma explodentes intrā Ecclesiam, vel ipsius ianuam, excommunicatione percellentur, nè quæ plerumquē accidere solent absurda, sequantur.

Insuper in cuiusque Ecclesiæ frontespitio supra Ostium maius pingatur effigies Sancti, cui dicata est Ecclesia. Fenestræ Ecclesiarum ad aues arcendas, et puluerem impediendum claudantur vitreis, vel saltem lineis repagulis.

Portæ Ecclesiarum, vel Cappellarum sint in via publi-

ca omnibus obuiæ, & ab omni impedimento liberæ, et finè domibus adiacētibus Ecclesiæ, aut Cappellæ, in eā pateat ingressus, omninò obstruatur, et quælibet porta contigua Altari fabricetur. Fenestræ item, quæ à prædictis domibus Ecclesiæ, aut Cappellæ adiacentibus prospectum habent in Ecclesias, vel Cappellas, nunquam fiant, et si quæ factæ reperiuntur, claudantur Altaria sub organo, vel suggestu, vel contra maius Altare, in quo Sacerdos cum celebrat, terga vertit maiori Altari, nō construuntur, et aliàs constructa interdicimus, quemadmodum, et quæ columnis adhærent. Sic etiam Altaria finè dote, finè ornamentis, alijsque ad celebrandum necessarijs, si Patroni intrā sex menses ea non dotauerint, omniaque ad Missæ celebrationem respectiuè necessaria non suppeditauerint, omni iure, omni que actione sibi iis eis spectante priuabuntur; transactis exindè oneribus, vel in proximum Altare, vel maius.

Imagines penè consumptæ, ac obsoletæ, & statuæ vetustate corrosæ remoueantur ab Ecclesijs, & Altaribus, & ponantur sub pauimento, vel cremantur, & cineres in sacrarium demittantur; sic etiam vestes, & suppellex consumpta, libri sacri, & Breviaria, missalia, & similia, quæ potiùs expedit in peculiari recenti loco asseruari.

Cruces, & imagines Sanctorum pro vsu Ecclesiæ non antea exponantur, nisi post benedictionem iuxta morem Ecclesiæ, et præuia nostra licentia.

In huiusmodi imaginibus non possint depingi imagines hominum mortuorum, vel viuorum.

In ædibus Ecclesiæ pro habitatione Parochorum constitutis mulieres, præter Matrem, et sorores, non habitent; si verò consanguineam aliquam in secundo gradu apud se habere necessitas coget Parochum; tunc nobis consultis; licebit, citra tamen scandalum.

Fenestellæ, in quibus sacra olea seruantur, sint benè clausæ ferrea sera, aut veste benè munitæ, nè sacra olea inde surripi possint, quod multoties factum accepimus ad malum finem; vt ijsdem scelesti homines abutantur ad sortilegia, et alia scelera perpetranda. Clauēs proinde Parochi apud se in tuto loco seruent.

Delinquentes nullatenus morentur in Ecclesijs Parochialibus, nec in earum campanilibus, nec in Parochialibus domibus; & si eos quandoquidem necessitas impulerit, Parochi certiore faciant Curiam pro opportuno remedio.

Ecclesiæ omnes aperiantur manè orto iam Sole, præterquam diebus festis, illucescente Aurora, post diuina officia claudantur, reaperiendæ à Vesperis usque ad Completorium, nunquam tamen, cum apertæ sunt, solæ relinquantur, sed aliquis intra eas maneat, qui eas custodiat.

Clauēs Ecclesiarum nemini credat Parochus, nisi Ecclesiasticæ alicui personæ ad hoc deputatæ. Ecclesiarum autem, quæ non sunt Parochiales, Vicarij fo-

ranei custodiri faciant ab Ecclesiastica itidem persona, ac probatæ vitæ, nunquam verò à laicis, quod de custodia clauium Ecclesiarum percipimus; hoc etiam de clauibus campanilium seruari mandamus. Curent propterea Vicarij foranei, & Parochi, vt Ecclesiæ, & Cappellæ post peracta diuina officia, sicuti etiam campanilia sint semper clausa, claues verò apud se in propria domo seruet Parochus, vel Vicarius foraneus, ità vt eas nemo capere possit, ac nemini in ea pateat ingressus, nisi Ecclesiarum Ministris pro eo tēpore, quo campanas pulsare debent. In die cœnæ Domini claudantur ostia Ecclesiarum, etiam Regularium, & præsertim Monialium hora vigesima quarta, & non teneantur aperta vltra dictam horam, quàmuis pro visitando Sanctissimo Eucharistiæ Sacramento in sepulchris reposito.

C A P V T. XIV.

De Reliquijs, & veneratione Sanctorum.

ET si Sanctorum Reliquiæ sint specie quidè con-
temnendæ, re tamen, & veritate thesaurus sunt
pretium omne excedens, licèt in Ecclesiæ agro ab-
sconditus, ac proindè omnem sibi venerationem
postulant, & custodiam; pauca verò hæc præsertim
exposcunt, quæ hoc loco seruanda decreuimus.

San-

Sanctorum Reliquiæ decenter suis in locis, vel statuis quamprimùm accommodentur, & non possint ab omnibus tangi, sed cum omni diligentia, & reuerentia seruentur. Quando verò exponi debent in Altari, vt omni cum decentia fiat, Sacerdes cum superpelliceo; & stola deferat in comitatu aliorum de Clero, & cum luminaribus accensis.

Ad ægrotos reliquias deferri non permittimus, nec apud laicos, & in priuatis ædibus asseruari, & retineri decet. Parochi ergò curent Reliquias, quæ sunt in Cappellis, & Sacellis deferri ad Ecclesias Parochiales.

Reliquiæ in publicum non exponantur, nisi à nobis, vel nostra curia diligentè, & iuridicè priùs recognita; num de illis autenticè constet.

C A P V T. XV.

De Celebratione Missarum.

EO antiquis venerabilius est diuinum hoc Sacrificium, quò præstantius; per hoc enim Dominicum corpus semel A Eterno Patri in Cruce oblatum penè infinities intrà singulos dies, & vbique immolatur, quare videndum, quid ad laudabilem eius vsum seruare oporteat. Statuimus, vt in sacro faciendo studeant concordare Missam cum Officio, & Rubricas Missalis obseruare, & Parochi procurant

rent habere in Sacristia chartas Bartholomæi Gauati tabellis infixas, & in pariete pendentes. Habeant etiam ordinem officij, qui quotannis iussu nostro imprimitur, appensum in sacrario.

Nuper Sacerdotio initiati nō ingerant se celebrationi Missarum, nisi antea fuerint à nobis prævio examine super rubricis consequuti licentiam, nō desinant singuli sacerdotes omnibus Dominicis, et solemnibus saltem festis sacrum facere iuxta Tridentini Concilij decretum. Arceant Parochi, Sacristæ, & ij, ad quos spectat, Sacerdotes externos, & peregrinos, tam sæculares, quàm Regulares à missæ celebratione, ubi nō habuerint litteras dimissoriales proprii ordinarij, et à nobis recognitas. Hoc idem onus incumbit Regularibus in suis Ecclesijs. Apostatas item à suis religiosis ordinibus, siuè eiectos, & incorregibiles, siuè ob quamcunque aliam causam dimissos, tam nostræ, quàm alienæ Diœcesis, missas celebrare, aut in sacro Altari ministrare minimè permittant, nobis inconsultis, & absque expressa nostra in scriptis licentia, atque decretum hoc ipsos etiam Sacerdotes efficere volumus.

Populis inculcabunt Parochi, vt fideles missæ deuotè intersint intrâ Ecclesiæ ambitum, nō extrâ, vel præforibus, nec ità propè Altare accedant, vt pateant obtutui celebrantis, qui proindè mentis euagationem pati possit. Nō ingrediâtur homines intra cancellos, seu balaustra, præsertim maioris Aræ, & quod

quod dicitur de hominibus, magis intelligi debet de mulieribus aperto capite; et in genua prouoluti consistant, stabunt tamen, cum legitur Euangelium. Non discurrât pauperes eo tempore pro elemosynis colligendis. Hortamur item fideles; vt diebus Dominicis, & festis accedant ad Parochiam propriam ad Missam audiendam, vt indè monita salutis sibi possint aucupari, & festorum dierum, & vigiliarum in vulgus editionem audire; quod si neglexerint, periculum subeunt peccandi.

In Ecclesijs Parochialibus habeatur Missa matutinalis in diebus Dominicis, & festis de præcepto, lucescente aurora, pro qua vnus Sacerdos celebret, & non plures. Cæteri post missam conuentualem completâ, siue sacrum peragant in iisdem Ecclesijs, siue in alijs Cappellis, Congregationibus, et Oratorijs sæcularibus, & proindè Parochi horam competentem seligant ad Missam Conuentualem.

Pluries à Sac. Rit. Congregatione decretum est feria V. in Cœna Domini nō libere plures Missas celebrare, sed vnam tantum; sed quia latius, quàm par est, id aliqui interpretantes, in qualibet Ecclesia celebrari posse contendunt. Nos decreto præfato inherentes mandamus in illis tantum Ecclesijs celebrari posse, in quibus sacra Domini sepulchra fieri consueuerunt pro significatione mysterij.

Et quia accidit aliquando in prædictam diem Cœnæ Domini incidere festum Beatissimæ Virginis ab An-

gelo salutatae, vel Diui Francisci de Paula præcipui huius Ciuitatis Patroni, & Diocesis, vtrumque ex præcepto Ecclesiæ seruandum, permittimus, vt omnes Sacerdotes alterutro ex dictis festis incurrente in diem Cœnæ Domini sacrificare possint. Monentes præterea omnes ea die Missæ sacrificio teneri interesse. Missa autem celebrabitur de eadem diē Cœnæ Domini, & nihil de occurrente festo, quod transferatur ad primam diem non impeditam.

Circā reliqua de celebratione Missarum Decreta, & declarationes Sacræ Congregationis Concilij iussu Sanctæ memoriæ Urbani VIII. editas à Parochis, & alijs Sacerdotibus ad vnguē obseruari mādamus. In Missis, quæ solemniter celebrantur, seu canuntur, nō fungantur officio Subdiaconi, aut Diaconi, quāuis sinē manipulo, nisi qui in ijs ordinibus respectiue sint constituti, potest tamen Diaconus, Subdiaconi munus exercere, sed non è contrā, & multò minùs Clerici.

Per Octauam Festiuitatis Corporis Christi, Missa solemnis celebretur quotidie in qualibet Parochiali Ecclesia, vbi commodè fieri potest.

In diebus, in quibus fit officium de Sancto duplici, non celebrentur Missæ votiuæ, nequē defunctorum, sed si, in quem diem incidit festum Sancti duplicis, occurrat etiam in eo fieri exequias alicui defuncto, vna tantum Missa emortualis celebretur corā cadauere: præter quā in Dominicis, & Festis de præcep-

cepto, in quibus exequias manè fieri prohibemus. Animas fidelium defunctorum in Purgatorio igne decedentes, quantum Deo dante, possumus, iuuare cupientes, aliosque ad id etiam faciendum extimulare: Sacerdotibus omnibus huius Ciuitatis, & Diocesis in memoriam deducimus SS. D. N. Innocentium XI. litteris in forma Breuis die 15. Martij expressè peditis indulsisse, & concessisse, vt omnes, & singulæ Missæ, quæ die Commemorationis Defunctorum per quoscumque Sacerdotes, tam sæculares, quam regulares ad quæcumque Altaria celebrantur, animabus fidelium Defunctorum, pro quibus celebratæ sunt, perinde suffragentur, ac si ad Altaria Priuilegio Apostolico pro Animabus Defunctorum decorata celebratæ fuissent. Ac propterea, vt omnes, & singuli viriusque sexus Christi fideles deuotè pœnitentes, & confessi, ac sacra communione refecti, qui Parochialem suam respectiue Ecclesiam eadem die commemorationis Defunctorum à primis Vesperis vsque ad occasum solis eiusdem diei inclusiue annis singulis deuotè visitauerint, & ibi pro Christianorum Principum concordia, hæresum extirpatione, & S. Matris Ecclesiæ exaltatione impias, ad Deum preces effuderint, plenariam, omniumque peccatorum suorum indulgentiam, & remissionem consequantur, quam Animabus etiam fidelium defunctorum, quæ Deo in charitate coniunctæ ab hac luce migrarunt per modum suffragij appli-

care possint nō deficiant itaque Parochi singuli pro se quisque in sua Parochiali Ecclesia (quod ipſius in virtute sanctæ obedientiæ strictè præcipimus) in Dominica eandē commemorationis Defūctorum diem, præcedente antedictam Indulgentiam Populis denūciare, eosque hortari, vt eā consequi satagant.

Itemque mandamus, vt in Sacristiæ pariete tabella, in qua seorsim, ac distinctè sunt annotata singula opera missarum, nunquam amoueatur; vt in promptu tempore visitationis cognosci possit de illorum implimento.

In eadem tabella annotentur Missæ, quæ ex præscripto testatorum possunt vbique celebrari, quas quidem Missas volumus omninò in Parochiali Ecclesia ipsius testatoris celebrari, aut in alia certa Ecclesia à nobis præscribenda; prout etiam certam diem, vbi statuta non fuerit, præscribi mandamus ijs, qui Missas celebrare tenentur, vt omninò cōstet de earum celebratione, & vltra dictam tabellam fiat liber, in quo dictim missæ, quæ celebrantur, possint annotari cum debitis circumstantijs, quis celebrauerit, vbi; & pro quo benefactor: dicta verò subscriptio fiat eadem die propria manu celebrantis, & si propter obliuionem è memoria exciderit, non vltra sequentē diem fieri possit.

Onera Missarum, & Anniversariorum, quæ exolui debent in Ecclesijs, vel Cappellis certis, in quibus non detinetur liber, in quo missarum celebratio dictim

Annotetur (postquam impleta fuerunt) describan-
tur in iisdem libris Metropolitanae nostrae Ecclesiae,
vel Parrochialis proximioris, & sic etiam in loco
Dioecesis à Sacerdotibus, qui respectu illas celebra-
re tenentur.

Sacerdotes præterea cuiuscunque conditionis, gradus, vel
dignitatis, qui in libris, ubi notantur Anniversaria, &
missae quotidie celebratae, si falsò se subscripserint, &
missas non celebratas pro celebratis notauerint, siue
pro suis, siue pro alienis oneribus exoluendis, aut
alia die, qua ipsas celebrauerint, tanquam falsi cri-
minis poena, pro ut de iure plectentur.

Ad tollendas altercationes, & scandala, quæ oriri solent
inter Parochos nostrae Dioecesis, & Sacerdotes in
Cappellis contiguas, vel Oratorijs Confraternitatum
quoad tempus celebrationis missarum; præcipimus,
ut duabus horis post ortum Solis Parochi celebrare
debeant, ut populus ad auscultationem missae acce-
dere valeat, nullusque Sacerdos antè celebrare pos-
sit, nisi illa, qui deputatus à Parocho missam matu-
tinalem, illucescente aurora, celebrare teneatur.

Taxa verò pro stipendijs missarum ea erit in posterum,
ut pro manualibus non possit esse minor, quam ca-
rolenus ex parte dantis, qui si seruiore deuotionis ve-
lit augere, nouerit se maiorem indè fructum conse-
quuturum. Pro Missis dotandis perpetuis in fundatio-
ne iuxta morem Dioecesis alias per nostros Præde-
cessores approbatum, & confirmatum, assignetur sti-

pendium granorum quindecim pro qualibet missa, quem morem, & consuetudinem iterum approbamus. Sed non extendimus ad ea onera, quæ deinceps per testatores, & benefactores quoscunque fuerint legata, pro quibus si minor fuerit ab eis eleemosyna præscripta, non tamen infra carolenum vnum permittimus ea acceptari, nostra præcedente licentia, gratis, &c. Sic enim nobis suadet temporum conditio; cum multi, nedum Sacerdotes, sed etiam Parochi careant stipendio Missæ, & sint aded pauperes, ut satius sit Missam pro caroleno celebrare, quam à celebrando desistere, aut nihil indè emolumenti percipere ad eorum inopiam subleuandam.

Caveat Sacerdos, siue Parochus, siue etiam Canonicus missarum celebrationi obnoxius ratione beneficii, vel quavis alia causa; stipendium, seu eleemosynam pro Missæ Sacrificio in diem ab alijs accipere, nisi proprio prius satisfecerit oneri, quo si grauatum se sentiat, quia fortè redditus oneri impar, Sacram Eminentissimorum Cardinalium Concilij Tridentini interpretum Congregationem adeat pro Missarum deductione.

In inuestiendis, vel reinuestiendis, de nostra tamen licentia gratis concedenda, &c. pecuniarum summis, celebrationi missarum assignatis semper fiat mentio expressa oneris missarum, & numeri earum.

C A P I T U L U M . X V I .

De exequijs Defunctorum, & sepulchris.

PRO reformandis corruptelis circa mortuorum sepulturas, hæc statuere peculiariter oportuit: mortuorum corpora non nisi elapsis saltè duodecim horis post eorù transitum ex hac vita, sepulturæ tradantur, quòd si mors fuerit repentina, viginti quatuor horas inhumata iaceant. Nec vllò modo antè solis ortum, vel post occasum sepeliantur sinè licentia gratis largienda. Morte obeuntes repentina, non tamen violenta, sepeliantur absque Curix Archiepiscopalis licentia, dummodo non sint excommunicati, aut publici peccatores, & viginti quatuor horarum spatium transactum fuerit.

In funeribus, & exequijs, quæ fiunt in locis Diœcesis, Campanæ non pulsantur, nisi de die, vel primâ noctis hora, earùque sonus vnicam nō excedat horam; multum enim in hac re excedere sacristas, quærentur ciues locorum.

In Dominicis, & alijs diebus festis manè exequiæ, aut missæ defunctorum non celebrentur in Metropolitana Ecclesia, & Parochialibus; alijs verò diebus, postquàm celebrata sunt diuina officia, nè Clerus, & populus à diuinis distrahantur; poterunt tamen statim à prandio sepeliri, vel post vespèras.

Infantes efferantur, præcedente Parocho, aut eius substiti-

stituto, superpelliceo, & stola induto, & Clerico superpelliceo etiam induto, qui Crucem in manu gestet absq; halta.

In aliorum verò exequijs Clerici omnes bini incedant, & modeste, & ad domum defuncti cum superpelliceis, & biretis, alioquin non mereantur stipendium, sic etiam si antequàm peruenerit cadauer in Ecclesias Regularium, vel antè completum officium in alijs Ecclesijs, discesserint.

Regulares, & Monachi accedât ad Ecclesiam matricē, indè cum Clero fuitus associaturi si facere recusauerint, Parochi nos statim certiores faciant.

Preces domi super cadauere ex Rituali Romano recitare; illudq; aqua benedicta aspergere, cum spectet omninò ad Parochos, ipsis præcipimus, vt à Regularibus non permittant tale munus usurpari. Parochorum etiam erit funeris exequias, quàm melius sibi videbitur, ducere, quàmuis in Ecclesijs Regularium defuncti sepeliendi sint.

Eleemosynæ candelarum distributio abusiue dicta pro funeris exequijs non fiat, dum in choro celebrantur diuina officia, sed illis expletis, & extrà chorum.

Candelarum, seu mercedis distributio pro associandis exequijs fiat inter capitulum, & Clerum Cathedralis Ecclesiæ ad modum distributionum chori, seruata forma præscripta in constitutionibus capitularibus editis à D. olim Archiepiscopo de Theodulis, ità vt Canonicus habeat tertiam partem supra portio-

tionē simplici Sacerdoti, & Clerico debitam. Dignitates verò tertiam partem supra illam, quæ Canonico competit.

Distributionem præterea candelarum, seu mercedis, quæ provenit ex associatione exequiarum, illis interessentes, easq; associantes, solummodò lucrentur, singuli pro summa desuper declarata. Mandamus igitur communerij Cathedralis Ecclesiæ, seu exequiarum Procuratoribus, vt decretum hoc plenè obseruent, ac præterea, vt carolenos sex ex singulis exequijs, quæ ducuntur ab Hebdomadarijs Cathedralis Ecclesiæ ad capitulum spectantes, tradant camerario, seu Procuratori capituli, qui eos inter Canonicos distribuet iuxta seruitium ab eis in choro præstitum, & à punctatoribus notatum, aliter facientes tam communerij, quam camerarius singuli pro se quisque de proprio tenebuntur.

Arceant Parochi, aliarumq; Ecclesiarum cappellani, & sacristæ, alijq; de Clero Ecclesijs foeminas, quas præficas, seu lamentatrices vocant, aut quascumq; alias, quæ capillos sibi vellunt, facies dilaniant, aut lamentationes, siuè eiulationes faciunt in Ecclesijs, vel per vias prosequentes funera; easq; non permittant, siuè eadem, siuè quacumq; alia die eiulatus, planctus, lugubres cantus, & huiusmodi dilanationes facierum, aut capillorum auulsiones facere in Ecclesia, aut sic dilaniatas, passis, exturbatisq; comis in Ecclesias ingredi: Interdicti enim poena ab ingressu Ecclesiæ ipso

so facto nobis reservata, mulieres ipsas percellimus; nō quia facies sibi dilaniant, aut capillos vellunt; sed quia intra Ecclesiā id faciunt, & inconditis clamoribus suis, concitatisq; gestibus Ecclesias horrore perfundunt, & diuina officia perturbant: à Diabolo ad hoc potissimum incitatae.

Hortamur deniq; Sacerdotes omnes, vt in morte Sūmi Pontificis, Archiepiscopi pro tempore, & cuiusuis Sacerdotis Ciuitatis, vel propriae Patriae Sacrum vnum faciant pro anima illorum; & Clerici recitent officium mortuorum; memores se hæc eadem suffragia deinde accepturos post mortem.

Societas, seu Confraternitas Mortis, cui munus est pauperes mortuos gratis sepelire in communi sepulchro Cathedralis Ecclesiae, in qua fundata est societas, & proprium habet Oratoriū, mortuos sepulturae minimè tradat, nisi cōscio Parocho eiusdē Cathedralis, qui illorū nomina, & cognomina describere debet in libro defunctorum; pro vt ab initio praesulatus nostri laudabiliter seruatum est; sed quia id antea fieri desuevit, & multa inde sequuta sunt absurda, praesertim circa matrimonia, idcō nē huiusmodi, et grauiora in posterum sequantur absurda, mandamus hodierno Cappellano dictae societatis, eiusq; pro tempore successoribus, vt quoties pauperem aliquem à societate sepeliri contigerit, toties schedulā, in qua illius nomen, cognomen, et patria descripta sint, nec non dies, mensis, & annus mortis, vt de ea

legitimè constare possit, Parocho tradere teneatur. Parochus verò antedictam schedulam exigere non negligat, & si petitam non obtinuerit, certiores nos statim faciat.

Pauperibus, qui verè sint pauperes, gratis sepultura cōcedatur, quæ tamen non fiat sinè luminibus; aliorum autem non possint Parochi sub prætextu Decimæ non solutæ, vel alterius debiti sepulturam retardare. Verùm iuxta Decretum primæ Synodi bon. mem. Archiepiscopi Cōstantij hæredes, si in dubium reuocari nequit decimas à defuncto non fuisse solutas, sed adhuc deberi, & pecuniam præmanibus non habeant, tam pro debito prædicto, quàm pro associatione cadaueris, dent Parochis pignora, vel cautionem de soluendo, quod iustum fuerit, vt absq; lite, & scandalo non fraudentur solita mercede. In libris Parochorum respectiue omnia describantur nomina defunctorum, siuè in propria, siuè in aliena Ecclesia sepeliantur, siuè etiam extrà loca sacra, & causam etiã, quare fuerit denegata Ecclesiastica sepultura, idq; de mandato Curie.

Quoniam sæpè multorum querimonijs, & lamentationibus didicimus pauperes, & egenos decedentes in Ciuitate, & Diocesi nostra Consentina propter eorū inopiam pluribus diebus iacere inhumatos: propterea, cum huiusmodi actus, præter scandalum, quod in populo generant, nedum Christianæ charitati, sed humanitati etiam repugnent; volentes ex nostri mu-

neris debito de salubri remedio huic malo provide-
re; præsentium tenore dicimus, atq; mandamus omni-
bus, & singulis Rectoribus, seu Parochis, Cappella-
nis, Confratribus quorumcumq; Ecclesiarum Ciui-
tatis, & Diocesis nostræ Cōsentinæ, omnibusq; alijs
Parochiam funeralem, seu ius funerandi quouis ti-
tulo habentibus, quatenus cum primum ad ipsorum
notitiam peruenierit mors alicuius pauperis, habita
fide paupertatis defuncti subscripta à proprio Paro-
cho, & vicinis eiusdem defuncti, alijsuè religiosis
viris, sublato cuiusvis morę impedimento, statim eo-
rum proprijs expensis, vt conuenit, sepeliri faciant,
& curent præfatorum pauperum cadauera in ijs lo-
cis, vbi non est Confraternitas, quę id pietatis mu-
nus exerceat: mandantes præterea Vicarijs foraneis
circa exequutionem huius nostri Decreti, vt modis
omnibus sedulò inuigilent, & inobedientes per om-
nia iuris remedia compellant, ac si opus fuerit, nos
certiores faciant.

Si quem excommunicatum denunciatum mori conti-
gerit absque absolutione, quàmuis dederit pœni-
tentię signum, cum non sepeliet Parochus prius-
quàm cadauer ab excommunicatione absoluator,
præuia ad hoc facultate à Nobis tribuenda.

Occisi autem cuiusvis cadauer, aut veneficio sublato, nō
prius in Ecclesiam inferatur, quàm capta informatio-
ne de delicto in genere per nostram Curiam, et in
Diocesi per Vicarios foraneos, qui teneantur statim

cognitionem per eos captam ad nos transmittere.
 Nec cadauer quodcunque exhumetur absque nostra li-
 centia in scriptis sub pœna violatæ immunitatis Ec-
 clesiasticæ: recognitio autem cadaueris, quando fa-
 cienda erit, præuia nostra licentia, fiat extrâ Ecclesiâ.
 Altaria sub quorum bradellis, seû gradibus sepulta
 sunt cadauera; donec cadauera in alium locum defe-
 rantur, ecclesiastico interdicto subiacere intelligen-
 tur excommunicatorum cadauera, quia iure ecclesia-
 stico priuantur ecclesiastica sepultura, exindè ablata
 sepeliuntur in loco, vbi diuina officia audiri ne-
 queant, & omnia seruari mandamus, quæ in B. Pij
 V. Constitutione præscripta sunt.

Quoniâ in exactione iurium Parochialiû circa funera-
 lia, nec in constitutionibus Prouincialibus, nec Sy-
 nodalibus nostrorum Prædecessorum reperitur ali-
 quid taxatum in casu, quo quis decedit in aliquo lo-
 co Diœcesis, vbi moram trahit quacunque de causa:
 quare eo prætextu, quòd defunctus sit exterus, & nō
 de illo loco, ij, ad quos spectat, petunt, vel extor-
 quent potiùs indebitam pecuniarum summam, & eò
 magis, quando intestato decessit, aut non elegit se-
 pulturam; idcò ad tollendos abusus præfatos, quan-
 tùm in nobis est, & ad vitandas lites, & controuer-
 sias, mandamus in futurum Parochis, & quibul-
 cunque alijs Ciuitatis, & Diœcesis, quibus debe-
 tur ius Parochiale, quatenus nō debeant maiorem
 summam ab aduenis exteris, aut peregrinis, alijsque

incolis, & indigenis, quàm à ciuibus soliti sunt exigere.

Defunctum siuè naturali, siuè subitanea, siuè violenta morte extrà patriam suam in quocunque loco huius Ciuitatis, & Dicecesis liceat hæredi transferri facere in propriam patriam, persoluto tamen Parocho loci, vbi is defunctus fuerit, iure funeris, quod ipsi Parocho cōpetere potest. Idem autem Parochus pro iure funeris non plus exigit, quàm ab alijs Ciuibus solitus est exigere; si verò defuncti cadauer sepulturæ traditum fuerit, nō exhumetur absque Curiaē nostræ licentia gratis concedenda.

Cum turpe sit, & indecorum, vt à personis Ecclesiasticis pro sepultura concedenda exigantur pecuniæ, nihilominus, sunt qui nō verentur contrà omnia iura petere quantitates exorbitantes: & ideò, cum iura parochialia decreta, & taxata sint, nè fidelium cadauera alibi sepeliantur, quàm in sepultura electa, statuimus; quòd pro licentia præstanda Parochi, & Rectores Ecclesiarum nihil penitus petere possint ratione consensus, præterquàm iura Parochialia solita, & consueta.

In Ecclesijs verò Regularium, quando contingerit eligi sepulturam, aliqua eleemosyna à spontè dantibus admittatur: ipsis verò recusantibus, vel aliquam pecuniæ quantitatem exorbitantē petentibus, recurriendum erit ad nos, vel ad nostrum Vicarium Generalem ad hoc, vt prouideri possit, in qua Ecclesia cada-

dauer debeat sepeliri, & eo casu censetur eisdem Regulares recusasse cadauer ad sepulturam electam admittere.

Pro decedentium verò intestato sepultura, morte, siuè naturali obierit, siuè repentina, siuè violenta, nolimus extorqueri ab eorū hæredibus mercedem solito maiorem, & quæ pro cuiusvis funere, & sepultura tribui solet: nec etiam eorum bona mobilia capi, idquè expressè prohibemus, quouis cōsuetudinis pre-textu in contrarium non obstante, tū in Ciuitate, tū in uniuersa Diocæsi, sub pœna restitutionis dupli, aduersùs præsertim Camerarios, seu funerum Procuratores.

Pij dispositionibus, & sepulturæ electionibus ore tenus faciendis ab infirmis, duo saltem intersint testes fide digni, quia cum sepulturæ electio sit species vltimæ volūntatis, ad instar piæ causæ probari debet per duos testes: nec sola confessorij attestatio sufficit, nisi eius probitas, aut alia iusta causa aliter iudicandū suaserit.

Cadauera laicorum, etiam mulierum nobilium sepeliri nequeant in Ecclesijs monialium, idq; expressè prohibemus, nisi præcesserit licentia Sac. Cōgregationis. Intorcia non deferantur in funeris exequijs, etiam circa cadauer, nisi de cera alba.

Pro Intorcijs, seu Intorticijs, funales faces intelligimus, materia, & forma similes illis, quæ in funerum exequijs Ecclesiastico ritu gestari solent.

CAPVT. XVII.

De vita, & honestate Clericorum.

POpulorum ædificationi maximè confert morum grauitas, integritas, & bonum Clericorum exemplum: quia cum sint à Mundi huius negotijs segregati, & in sublimem locum euecti, in eos tanquam in speculum cœteri oculos conijciunt. Nomine autem Clericorum intelligimus ad præsens tùm eos, qui prima tonsura, & minoribus sunt initiati, etiam coniugati, tùm etiam eos, qui maioribus ordinibus. His ergò omnibus præcipimus, vt habitu incedant talari, honesto, & nigri coloris, zona circumligato: permittimus tamen itinerantibus vestem breuem viatoriam nuncupatam, quæ tamen vsq; ad mediũ crus extendatur: hunc verò habitũ nemini deferre liceat, si saltem prima tonsura initiatus non fuerit.

Clerici, qui clericatui renuntiaverunt, aut habitum dimiserunt, cum non resumant, nec ad resumendum admittantur, nisi causa cognita, & præcedente Decreto nostræ Curie gratis concedendo; aliter facta reasumptio, & nulla sit, & nullum pariat effectum. Non tamen intendimus per hoc priuilegijs, quæ ob reasumptum de facto habitum illis competere possunt aliquo derogare clericatui in nostra Curia, illorum verò, qui habitum clericalem dimittere intendunt, præuio iuramento per illos præstito de habitu clerica-

icali non reassumendo absq; nostra licentia, Vicarius
 noster generalis instantiam admittat, & seruari fa-
 ciat cum actu iuramenti iudicialiter præstiti, vt sciri
 possit, quando sint Clerici, et quando laici, nè, vt so-
 lent, vtrumq; forum eludant, neue discordiarum, et
 controuersiarum inter vtrumq; etiam forum præ-
 beant occasionem.

Collare item sit honestum, & paruum sinè vllò ornatu
 circum circa, coronam in capite iuxta ordinum gra-
 dum deferant, & labij superioris pili abradantur in
 Sacerdote propter Sacramenti Eucharistiæ, quam
 sumunt, reuerentiam.

Quoniam autem ed deuenit Clericorum, nedum ado-
 lescendum, sed seniorum etiam, siuè impudentia, siuè
 contumacia, vt quàmuis Ecclesiastico iure Synoda-
 libus cōstitutionibus, & publicis edictis comam nu-
 trire prohibiti, & pluries benignè, & fraternè moni-
 ti de ea moderanda, comatissimi adhuc appareant,
 capillisq; ad zonam vsque promissis, quod prorsus
 intolerabile est, in sacro etiam Altari ministrare non
 vereantur in spretum, & contemptum Ecclesiastici
 Ritus, & Diuini cultus irreuerentiam.

Volentes proindè pessimi rem hanc exempli pro viri-
 bus tollere; nosq; ad Sanctissimi in Christo Patris,
 ac D. N. Papæ voluntatem in hoc accommodare,
 strictè præcipimus in virtute Sanctæ obedientiæ
 Clericis omnibus, & singulis, præsentibus, & futuris,
 qui in hac Ciuitate, & Dicecesi commorantur, tam

in

in prima tonsura, quàm in minoribus, maioribusue ordinibus constitutis, vt capillos ita attonfos deferant, vt facies saltem tota appareat, & collare vndiq; pateat sub pœna suspensionis à celebrando nobis reseruata, quoad Sacerdotes cuiuscumq; conditionis; gradus, vel dignitatis: contrà reliquos verò omnes, & singulos Clericos inobedientes, siuè prima tonsura, siuè minoribus, siuè maioribus ordinibus, eorumue singulis insignitos, ac etiã coniugatos pœnis procedamus à iure statutis.

Personati non incedant, nec in tragedijs recitent, vel in comedijs; anulos non habeant in digitis ad ornatũ, nisi fuerint Doctores, & tunc neutriquam, cum celebrant, teneant; de nocte non incedant post primam horam, nisi iusta de causa, & tunc cum lumine, vesteq; clericali. Musica instrumenta publicè non tangerant, nec cãtilenas canant prophanas. Ad cauponas, prætèrquàm in itinere, nullatenus diuertant. Venatio clamorosa ad præscriptum sacrorum Canonum sit illis penitùs interdicta. Rurale opus non exerceat, nec animalia ducant, honestas tamen artes ad otium vitandum, & vitam honestè sustentandam illis concedimus, dummodò publicè non exerceantur; Sœcularia negotia Clericis omninò interdiciamus, cuiusmodi sunt mercimonia omnis generis, alienos Agros conducere, exceptis casibus iure permissis, aliorum tutelam exercere sinè legitima facultate; sœcularium Principum, vel aliarum personarum negotia

gotia gerere; officium Medici, vel tabellionis exercere apud sæcularem Iudicē postulare, vbi tamen de iure sit vetitum: in comitatu, & famularu laicorum esse, vel asseclæ scēminarum officio fungi, eisque famulari, cœterisque scēcularibus, ac publicis negotijs se immiscere. Item ad consilia publica, seu parlāmēta Vniuersitatum non accedant.

Personæ Ecclesiasticæ nullo modo valeant fideiubere, aut eorum bona obligare etiam penēs acta nostræ Curie: pro debitis Vniuersitatum locorum, aut Baronum; etiam si in obligationibus cōfiteantur pecuniam mutuò acceptam, vel alio modo debitam cessisse in propriam vtilitatem ipsorum Ecclesiasticorum, dummodò in veritate probetur illam fuisse versam in beneficium Vniuersitatum, locorum, vel Baronum, & ipsas personas Ecclesiasticas nudū tantum nomen in eo cōtractu habuisse, etiam si contractus ostendatur factus cum personis extraneis, & nō cum creditoribus Vniuersitatis, vel Baronis, nec minùs possint se obligare pro quacūq; alia persona ad fauorem Vniuersitatis, vel Baronis: idq; ac prædictorum singula expresse prohibemus sub pœna præsertim nullitatis contractus.

Domos meretricum non ingrediantur, & si in his deprehensi fuerint, mulctētur pœna bimestris carceris pro prima vice, & duplicata pro secunda, & sic de cœteris, saluis alijs pœnis à iure inflatis: Nec minùs domi scēminas habeant suspectas sub prætextu pro-

pinquiritatis, famulatus, & seruitiorum.

Bannitos si domi receptauerint, vel si cum eis commercium habuerint, diuturni carceris poena punientur, ac triremis etiam, si eorū latrocinia participauerint. Aleis, & taxillis si luserint, ad præscriptum Decreti Domini Visitatoris Apostolici viginti quinque; aureorū pijs vsibus poena plectantur, ab alijs etiam publicis ludis, quāuis honestis, vt se abstineant, præcipimus.

Arma non gestent intrā, vel extrā loca habitata, nec domi retineant, nimirum paruos sclopos, vulgò, *archibugetti, terzarole, ò terzette*, ignem euomentia tribus palmis breuiora, & quæcumque alia breuia offensiuā, quæ non appareant, vt sunt cultri, vulgò *coltelli à fronda d'oliva, stilletti, e smagliatori*, nec ab eis præcaueri possit, sub poena excommunicationis latæ sententiæ nobis reseruata, ac triremis in quinquennium, vel carceris ab eodem dicto Episcopo Venusino Visitatore Apostolico statuta. Pro delatione reliquorum armorum, tam extrā, quā intrā loca habitata, carceris, aut exilij poena à Cinitate, & vniuersa Dicecesi plectantur.

Nullo autem modo possint Clerici penès seculares Iudices attestari, deponere, vel accusare, nisi iusta occurrente causa, & tunc dabitur illis licentia, nempe in causis ciuilibus, vel criminalibus ad defensam, & visis prius articulis, & notatis, super quibus deponere habeant, & tandem, quòd iuramentum de veritate dicenda præstent in manibus Actuarij Cu-

riæ nostræ, vel alterius personæ ecclesiasticæ à Curia nostra designandæ.

Quoniam bona Ecclesiasticorum regulariter immunia sunt, & exempta à quocumque Collectarum, & laicarum solutionum onere, & qui directè, vel indirectè ea collectauerint, aut aliquo onere grauauerint, incidunt in excommunicationem latam in Bulla ecenæ Domini. Ideò omnes, & singuli Magistratus, & officiales Vniuersitatum caueant à taxis, collectis, gabellis, & alijs onerum generibus imponendis parentibus, fratribus, nepotibus, consanguineis, vel affinibus personarum Ecclesiasticarum, qui cum eisdem, siuè conuiuunt, siuè non. Et si in aliqua re fraudatos se senserint ab aliqua Ecclesiastica persona fraudolētis, aut simulatis donationibus, aut quocumque alio modo nos adeant, Nosque doceant de fraudibus; certū quòd sicuti Ecclesiasticorum iura tueri debemus, ac tenemur in his, quæ sua sunt, & ad ipsos de iure spectant; sic etiam eos quotiescumque Vniuersitatibus locorum damnum, aut præiudiciū intulisse comperiemus, grauiter puniemus, ut discant ipsi, alijque in posterum ab huiusmodi fraudibus se abstinere, ex quibus intolerabile prouenit damnum pupillis, viduis, alijsque miserabilibus personis.

Assistant in diuinis illi Ecclesiæ, cui sunt adscripti cum cotta, & byreto proprijs, eidemque omnibus diebus festiuis de præcepto, & in processionibus solitis, &

vesperis, quæ iuxta laudabilem locorum consuetudinem cani solent, & in officijs hebdomadæ Sanctæ, reliquis autem diebus seruiant Missis iuxta tabellam à Parochis faciendam. Et si in his fuerint negligentes, & culpabiles, Vicarius foraneus, vel Parochus ter eos moneat, & si nihil profecerit cum illis, nos certiores faciat.

Pro Clericis verò Ciuitatis, alijsque in Ciuitate commorantibus decretum omninò seruetur D. Episcopi Venus. Visitatoris Apostolici, cui inhærentes nos, & quatenus opus est, illud innouantes, prohibemus omnes, & singulos Canonicos, & Dignitates præfentes, & futuros fides, seu attestations facere de seruitio in diuinis, pro quacumque causa, vel prætextu sub eadem pœna ab antedicto Visitatore Apostolico imposita; nempe suspensionis à Diuinis ipso facto incurrenda, & nobis referuata. Cum verò ad Capitulum spectet huiusmodi attestations capitulariter facere Clericis illas petentibus, Procurator Capituli petitionem Capitulo proponere teneatur, eamque per vota secreta, saltem pro medietate votorum, capitulares comprobare debeant, vtque sciat, an, & quis Ecclesiæ verè inseruierit, ac debitum præstiterit seruitium. Subcantor, eoque absente, antiquior Hebdomadarius in peculiari libro sub eadem suspensionis pœna, vt supra diligenter, fideliterque annotet singulos Clericos, & dies, quibus inseruierunt, vt exindè cognosci possit, an fides, seu

seu attestatio seruitij in Diuinis concedenda, vel deneganda sit. Seruire autem tunc censeantur, si cum veste talari, superpelliceo, & clericali byreto, tonsuram clericalem deferentes, omnibus diebus festis, & in hebdomadis assignatis Choro assistant, missis priuatis inseruiant, & suorum ordinum sacras ritè obeant functiones.

Habeant præterea Parochi peculiarem librum, in quo notent dies, quibus Clerici Ecclesiæ seruitio vacāt, vt cum attestations petierint de seruitio in diuinis, possint ipsi Parochi illas rectè, & fideliter agere.

C A P V T. XVIII.

De Seminario.

CVM adolescentium ætas, vt loquitur Tridentinum, nisi rectè instituatur, prona sit ad Mundi voluptates sequendas; ideò antequàm vitiorum habitus totos homines possideant, statuimus ad Seminarij nostri incrementum, vt qui illud ingredi cupiunt, vti alumni, sint Clerici, & pauperum filij, eoque ingenio, & indole, vt sui profectus in litteris, & virtutibus probabilis appareat coniectura; ideoque circa doctrinam examinentur prius corā nobis, & de ætate, & natalibus testificationem scriptam afferant à proprio Parocho, quemadmodum de vita, & moribus, & demum diligens fiat inquisito per depu-

putatos. Quibus expletis nullus censeatur in Seminario cooptatus, nisi nostra in scriptis accesserit facultas.

In ipso verò Seminarij ingressu Ecclesiastica persona fideiubeat pro eis nunquā à Seminario discessuris absque peculiari nostra licentia, ac restituturis omnia, etiam sibi alimenta subministrata pro temporis rata, si indè absque iusta causa abierit. Atque hæc cautio innouetur penes Actuarium nostræ Curiae, quoties fideiussor discesserit à Diœcesi.

Possint insuper laici in conuictores admitti, qui viginti quinque aureos in annum soluant, & sumptibus proprijs vestiantur, & habeant necessaria requisita. Omnes autem constitutiones aliàs datas teneantur seruare, saluo arbitrio eas moderandi, augendi, & diminuendi, prout nobis cum consilio Deputatorū Seminarij visum fuerit opportunius. Singulis diebus Missam audiant, & tertia Dominica cuiuscumque Mensis sua confiteantur peccata, & sacra reficiantur Communione. Recitent quotidie in proprio Sacello officiū Beatæ Mariæ Virginis & Litanias eiusdem. In Sabbatis verò apud Sacellum S. Mariæ de Pilerio nostræ Ecclesiæ iuxta onus sibi ab antiquo iniunctum; & de die in diem curent proficere in via Domini rectas semitas eius decurrendo. Studijs sedulò vacent, & modestiæ primùm, libros suos caueant inquinari litteris, vel prophanis apostillis. Cantui, & Musicæ exercitio à prandio per horam occu-
pen-

pentur; & præter nostram Ecclesiam non accedant ad alias Ecclesias cantaturi, nec alias functiones facturi; & ut magis in latina lingua assuefiant, semper inter se latinè colloquantur: Catechismum Romanum & Sacrum Concilium Tridentinum ediscant, nec non Sacras Historias. Vulgari sermone orationes texere studeant, ut ita aptos se reddant ad prædicationis munus obeundum, & in omni exercitio litterario occupentur, ut à via Domini aberrandi non præbeatur eis occasio. Idcirco à Rectore, & Deputatis omni hebdomada exerceantur.

Hæc alia ad viuendi formam adiungimus. Sigillatim dormiant in lectis, & paruuli seorsim ab adultis, & lampas tota nocte ardeat, si exire aliquem cōtingat, Censor comitetur per Ciuitatem, extrà verò Ciuitatem, non nisi cum nostra licentia. Nunquam soli exeant, sed saltem bini, Neminè spontè alloquantur, Munera nec largiantur, nec accipiant à personis suspectis. Nec litteras scribant, nec scriptas mittant foras inscio Rectore. Ad ianuæ loca non accedant absque licentia Rectoris etiam propinquos alloquuturi, laicorum frequentiam deuient, nec nullum in Seminarij ædes ingredi sinat ostiarius. Vbi deliquerint in re graui, certiores nos faciat Rector statim. Qui adedò obtuso, & hebeti erunt ingenio, ut anni spatio modicum profecerint, vel sæpius à præscriptis disciplinæ officijs discefferint, nisi ad bonam frugem se recipiant, expellantur; nobis tamen priùs

consultis, & non nisi de nostra licentia in scriptis. Qui leui ægritudine detinentur in Seminario, à Medico curentur; eaque ingrauescente, curabit Rector de licentia nostra ad proprias ædes eos deduci, à parentibus curandos, & si ex ea conualuerint, mox ad Seminarium reuertantur.

Seminarij Oeconomus rationes redditurus singulis annis, præstò sit coràm nobis cum interuentu duorum de Capitulo, & totidem de Clero ad formam Sacri Concilij Tridentini.

Deputati Seminarij semel saltem in mense visitent Seminarium, hora præsertim prandij, & perspiciant, num aliquid eis desit, & num Oeconomus ea subministret omnia, quæ ipsi præscripta, & taxata sūt. Ostiarius hora prandij ostium claudat, clauēs Rectori deferat, qui eas seruabit, donec ad scholas omnes simul ire debent. Idem fiet vltima diei hora, nempe statim post salutationem Angelicam, ita vt clauēs penès Rectorem seruentur, qui de eis rationem reddat. Rector, cum Seminaristæ sunt in Seminario, non discedat ab eo, sed semper inuigilet, & cum illis ad scholas eunt, tunc poterit ipse Rector exire, & ea, quæ necessaria sunt foris agere.

In locandis bonis immobilibus, vel impensis extraordinarijs faciendis cōsulat Oeconomus Deputatos, aliter in damnum suum cedent; vbi fuerit aliquid dubium, facient nos de eo certiores.

Delinquentes Seminaristæ tutè custodiantur in carcere,

ut eiusmodi castigationis timore magis, quàm verberibus benè se gerere addiscant.

C A P V T . XIX.

De Officio Parochi

Quemadmodum omnium diuinorum diuinissimum est in salutem animarum cooperari. Ità ex aduerso onus Angelicis humeris formidabile est: quod alleviare cupientes, decernimus, Parocho, nullo modo posse à cura suæ Ecclesiæ abesse; & extrà illam pernoctare ultra duas noctes, & tunc relicto Vicario idoneo, & approbato.

Sacramenta suis Parochianis ad omnem eorum requisitionem, quæ tamen sit rationalis, ministrent, & maximè infirmis, qui versantur in periculo mortis. Conficiant libros Baptizatorum, Confirmatorum, Matrimoniorum, & Mortuorum, etiam illorum, qui extrà Ecclesiam fuerint sepulti; exprimendo causam denegatæ ecclesiasticæ sepulturæ, in quibus ad Ritualis Romani præscriptum describant propria manu incutater, & nemini illos credant, sed in archiuio, vbi non existit, faciendo in Sacristia Ecclesiæ cum clauera, aut pessulo, reponant. In quo etiam Archiuio reliquos libros, & scripturas asseruari mandamus. Præter libros iam dictos, conficiant singulis annis statum animarum juxtà formam dicti Ritualis. Ex ijs-

dem libris Curati, cum extrahunt fides, in earum extractione curent annotare integrā particulam, prout iacebit, siuè italo, siuè latino sermone exaratam, cum annotatione folij, & numeri librorum respectiue, cui demum se subscribant, & muniant sigillo ad hæc omninò faciendo cum insignijs Ecclesiæ Parochialis, quàmprimum possint, & iura alias sibi taxata, & consueti non augeant.

Vbi verò sint Curati portionarij, tunc singuli pro se quisque habeat proprium librum, ut de propria negligentia teneri possit. Et si omnes in vno eodem libro sint soliti describere alternatim in propria hebdomada, tunc alter alterum vrgebit, ut descriptiones fiant, sic etiam ad celebrandam Missam Conuentualem, & ad ministranda Sacramenta singuli in singulas hebdomadas tenentur; nec tamen necessitatis tempore hoc onus est sublatum coeteris; quando tamen de licentia Curie opus fuerit aliquid libris addere, tunc seruatis seruandis fiat additio in margine, vel in alia pagina, seu folio libro assuenda cum inserto mandato Curie.

Et ad Sacramentorum administrationē redeuntes, Parochi portionarij tempore Paschali, & grauis infirmitatis suas recognoscant oues, illis ministrando Sacramenta, nullatenus in hoc alijs se immiscentibus, præterquàm in casu necessitatis.

In coadiutorem neminē adhibeant, nisi bonis moribus & sufficienti doctrina præditum, & à nobis quo ad

excipiendas confessiones præsertim approbatum .
 Nec solum Parochis incumbit onus Sacramenta admi-
 nistrandi , sed etiam festa , & ieiunia publicandi , &
 alia de more pastoralis , & concionem habendi ad po-
 pulum , in quo intelligibiliter explicabit Sacramen-
 torum necessitatem , eorum requisita , ac valorem , ri-
 tum , vitiorum sæditatem , virtutum delectum , fidem
 hominis , nouissima illius , & alia apprimè necessaria ,
 & utilia ad animæ salutem . Hoc idem onus habendi
 sermonem spectabit ad Oeconomos , deficiente Paro-
 cho . Sermo huiusmodi tempore Aduentus , Quadra-
 gesimæ , & festorum solemniū nō protrahatur vl-
 trà horæ dimidium ; reliquis verò festis non vltrà
 quadrantem . Itemque debebunt singulis annis feria
 quinta Cœnæ Domini promulgare capita excom-
 municationum Sanctissimo Domino Nostro reser-
 uatarum , italico sermone exarata , necnon alia non
 nulla Decreta , & constitutiones in appendice huius
 Synodi descripta cum temporis assignatione .

Vlterius singulis Dominicis , & festis de præcepto cele-
 brare tenentur , & applicare salutarem Missæ virtu-
 tem pro populo iuxta cuiusque Ecclesiæ probatam
 consuetudinem , vbi tamen receptum sit pluries ap-
 plicare , vel quotidie , prout in nōnullis Ecclesijs no-
 stræ Diocesis , non intendimus derogare . Missa verò
 celebretur statuto tempore , duabus circiter post Solis
 ortum horis , nec vllō pacto anticipetur , aut diu-
 tius differatur , & in die Purificationis Beatæ Mariæ

Virginis candelas distribuunt populo in ea quantitate, pondere, & mensura, prout laudabilis consuetudo postulabit pro locorum diuersitate. Benedictio verò candelarum in die Purificationis Beatissimæ Virginis Mariæ fiat mane antè Missam solemnem, nō autem Vesperis diei præcedentis, quod ab aliquibus Parochis fieri accepimus. Studeant proinde in posterum ritum, quem S. Mater Ecclesia Catholica eo die in Missali præscripsit diligenter seruare.

Non aboleant Parochi oblationes sibi, vel Ecclesiæ fieri solitas à Communitatibus de cereo Paschali, panibus, pecunijs, & alijs huiusmodi. Et oblationes Ecclesijs debitas sibi non applicent. Oblationes recepturus eas post Offertorium ante Hostiæ, & Calicis oblationem percipiat in Altari, non circumueundo Ecclesiam, & non vtatur sacra Patena ad osculum pacis, sed aliam paruam Pionem, aut paruam Crucem porrigat osculandam auscultantibus Missam. Ecclesiæ tanquam Sponsæ, eiusque nitore Curatus omnis inuigilabit, propterea munda seruari omnia ornamenta curet, sacras, tum maiores, tum minores, corporales, pallas, quater in anno lauari linetola, seu purificatoria semel in mense, tobaleas, seu manutergia item ablui singulis mensibus, & puluerem exuti à Sacris Altaribus, & puluinaria ad Altarium usum accommodata non applicari ad prophanum usum, & pro genuflectendo simili modo non permittant intus, aut secus Ecclesiam ictus scloporum
emit-

emitti, tū de nocte, tū de die. Iuriū, & bonorū conser-
uationi incūbent, ac proindē intra annum à die pro-
mulgationis præsentis Synodi duo conficere de-
beant inuentaria, vnū pro Mobilibus eiusdem Eccle-
siæ bonis, & alterum pro immobilibus facienda cum
intuentu publici Notarij; ex quibus duo exempla-
ria extracta vnum penes se detineat, & alterum
transmittat ad Curiam; & vbi Parochum Parochiā
dimittere contingerit, Suceffori ad formam dicti in-
uentarij omnia bona tradet alio inuentario publico,
nihil indē secū deferēdo. Huic decreto omnes Admi-
nistratores subiacebunt, vt infrā; Si Parochus abierit,
eius Suceffor nouū conficiet inuentariū. Vtrūque in-
uētariū quolibet decēnio innouetur addendo, vel de-
trahēdo, quæ necessaria fuerint cū causæ assignatio-
ne. Alios libros iniungimus curæ Parochorū, & pri-
mò omnia edicta monitoria, constitutiones Pontifi-
cias, indulta, & transumpta indulgentiarum conge-
rant simul ad modum libri, & successiuē cum adno-
tatione Summarij contentorum, & temporis data;
Secundò, vt conficiant alium, in quo adnotent cedo-
lones excommunicatorum, & absolutiones eorum,
vt res potiores, & scripturas, quæ fient in dies, vt
hæc omnia sint memorialia in contingentijs.

Cumque eos denique doctrina instructos esse oporteat,
ad instar Apellis, dies finē linea non transeat, quo
aliquod temporis spatium studio casuum conscien-
tiæ non impendant; qui verò secūs egerint, culpa
non

non carere se sciant. Hi verò libri cuilibet non desint, Biblia Sacra, Concilium Tridentinum, Catechismus Romanus, Possevinus de officio Parochi, Synodus præsens, Nauarri Manuale, Summa Card. Toleti, Vitæ Sanctorum, Homiliæ Sanctorum Patrum, præsertim Rituale Romanum nouissimè editum. Parochi omnes penès se habere, & retinere omninò curent; ac illud in Sacramentorum administratione seruare.

Quoniam quandoque occurrit in certis casibus repentinis, vt aduertito proprio Parocho ad finem administrandi Sacramenta infirmis, vel morti proximis in nullo modo illum aliqua occupatione detentum, vel alia de causa absentem in sua Parochia reperiri; ideò, omne fideles propter sui Parochi absentiam in his casibus debita Sacramentorum administratione priuentur; declaramus, occurrente huiusmodi necessitate tantum, Ecclesiastica Sacramenta Confessionis, Viaticum, & Extremæ Vnctionis, Parochos etiam alterius vicinioris Parochiæ, licitè, & liberè ministrare posse absque vllò pœnarum incurso, citrà tamen præiudicium iurium Parochialium proprio Parocho competentium, si iusta de causa deerit.

Anulos non deferant in manu, nisi laurea doctoratus insigniti.

Liberū sit Parochis facere exequias, & officia mortuorum absque interuentu Vicarij foranei, qui in illis celebrandis, sicuti cum alijs esse potest, & debet,

sic

sic non debet se expectari facere, nec diuina officia retardari sub prætextu suæ absentiae.

Item singulis saltem annis dent nobis indicem Concupinariorum, siuè publici sint, siuè occulti, & siuè in propria, siuè in aliena domo concubinas habeant. Illorum etiam, qui non communicauerint in Paschate, & Coniugum, qui seorsim viuunt, & non habitant simul, vt possimus eos inter se conciliare.

Excommunicati denunciati, si per mensem in excommunicatione permanserint, à proprio Parocho, siuè Ciuitatis, siuè Diocesis singulis Dominicis diebus inter Missarum solemnias, cum frequentior est populus in Ecclesia, publicentur, vt hoc saltem remedio resipiscant; & si per annum inforDESCANT, eorum Nomina proprius Parochus ad nostram curiam mittat, elapso anno, vt in Ciuitate etiam eos publicari faciamus ad sonum Campanæ.

Quotiescunque Parochi in Urbem venerint, ibique ultra duas noctes pernoctauerint, statim coràm nobis se sistant excusaturi suam à Parochia absentiam.

Pro attestatione, seu pro fide Baptismi, Confirmationis, Matrimonij, aut mortis, vel pro quauis alia duos tantum carolenos pro vnaquaque earum sigillatim facienda accipiant sub poena restituendi illud plus, quod acceperint. Sed si secunda vice taxam hanc excesserint, duplum etiam persoluant pijs vsibus applicandum.

Vicarij foranei, etiam Parochi omni studio, omni que

conatu incumbant, ut antè diem festum Paschatis Magistratus municipiorum, siuè Sindici oppidorum & Pagorum eleemosynam Cõcionatoribus debitã iuxta antiquam, & immemorabilem consuetudinẽ persoluant, nè postmodum, vel illis denegetur, vel solui differatur: atque ideò nõ cogantur hac de causa non sinè magno eximij huius muneris dedecore, & ignominia seculares Iudices adire.

Ad sacra olea à Metropolitana Ecclesia in feria V. Coenæ Domini, aut ad summum in feria VI. Parasceues accipienda, nullus destinetur, qui maioribus nõ sit ordinibus insignitus, aut bonis moribus ornatus; & tunc suis vasculis inclusa in arcula reponat, sua claue muniat, & nemini eam credat. Statimque ad Parochialem Ecclesiam nulla interiecta mora deferat cum lanterna, & lumine accenso ad eorum venerationem. Qui aliter fecerit, triginta librarum ceræ laboratæ pijs vsibus &c. poena puniatur. Præcipimus præterea Parochis, tam Diocesis, quàm Ciuitatis, ut per totam diem Coenæ Domini, & feriæ VI. Parasceues ad sumum ad sacra olea accipienda veniant, aut mittant, ut illis uti possint ad benedictionem fontis baptismalis die Sabbati sancti sub eadem poena: quam etiam incurrere eos volumus, si in Vigilia Pentecostes fontis Baptismalis benedictionem non fecerint.

CAPVT. XX.

De Canonicis. & Dignitatibus.

EX antiqua consuetudine, & authenticis monumentis Capitulum Ecclesiæ nostræ Cathedralis constat ex quatuor Dignitatibus, Decano, Archidiacono, Cantore, & Thesaurario, ac sexdecim Canonicatibus, nec nõ altero postmodum superaddito, quibus fraterna charitate hæc illis iniungere, tam omnibus in communi, quàm singulis, necnon alijs de Clero nostro visum est. In primis nostrum erit in rebus arduis, & grauioribus, vel Vicarij nostri Generalis, cogere Capitulum, & regere; in cæteris verò Decanus, eoque absente Archidiaconus, & sic cæteræ Dignitates iuxtà ordinem, in quarum defectu antiquior Canonicorum præsideat. Modus verò cõuocandi erit in rebus arduis per clericos nuncupatos manuclerios, qui singulos requirant in Ciuitate cum intimatione diei, & causæ expressione; Vesperis pro mane diei sequentis, & de mane pro Vesperis eiusdem diei, & per quadrantem antè pulsari facere campanulam Capituli, vt moris est. In reliquis autem rebus ordinarijs, & extemporaneis satis erit, si pridie, quàm celebretur, primus de Capitulo (iuxtà Decretum Prouinciale) denunciet capitularibus per schedulam sua manu signatam intus in Sacristia affigendam ea, quæ agenda erunt in capitulo, nec aliter conuocari possit Capitulum. Nullus ingredi valeat,

Dignitatibus, & Canonicis exceptis, nisi fuerit ab eis vocatus ad instruendum tantum de his circa, quæ opus fuerit, & non ad determinandum. Si denique res, & qualitas negotij trutinandi exigat externum, & foraneum tractatum, his, quæ diximus, prætermisissis, conueniat Capitulares ad Capitulum.

Locus verò Capituli (excepto eo, quod singulis Kalendis Ianuarij consuetum est cogi in ædibus nostris coràm nobis, vel nostro Vicario) sit conclaue proximum Sacristiæ nostræ Ecclesiæ, quod mox ingressi solitas preces de Spiritu Sancto persoluant, & deinde quisque sedeat in loco suo secundum prærogatiuas Dignitatum, & antianitatis, & in consultationibus proponat, qui maior fuerit in Capitulo; unicuique postmodum liceat de rebus propositis sententiam suã spontè proferre secundum ordinis prærogatiuam Dignitati, & antiquitati respondentem, quã modestè, & sedatè dicat, & à rixis, litigijs, & contumelijs abstineant; qui verò eo demētæ prolapsi fuerint, vt iniurijs sese afficiant, mulctandos decernimus priuatione distributionis vnius mensis, aut grauiori pœna, si grauis fuerit culpa. Vota accipiat Secretarius Capituli, eaque dentur secretò per fabas, & propria manu mittantur in urnam, adeò vt nemo possit alteri suum votum credere, vel delegare, nisi fuerit legitimè impeditus, & tunc aliquem de eodem Capitulo Procuratorem subrogabit cum speciali mandato iurandi in animam suam de absentia à Ciuita-

uitate, infirmitate, aut alio legitimo, quo detinetur, impedimento. Nec alteri votum suum indicabit sub poena nullitatis Capituli, & qui non fuerint in ordine Sacro, vocem non habeant in Capitulo. Potestas verò Capituli cum in maiori Canonicoꝝ numero consistat, actus vt sit validus, fieri debet à maiore Capituli parte, quæ quidem maior pars intelligenda est respectu totius Capituli, non autem illorum tantum, qui in Capitulum ingressi sunt, exceptis electionibus, in quibus duæ partes requiruntur; & in alienationibus consensus omnium necessariò concurrat. Vna ipsa duobus dignioribus intuentibus aperiat, & suffragia dinumerentur, quæ si paria fuerint, iterum res, quæ in consultationem venit, suffragijs exponatur, quòd si adhuc paria sint, exponatur tertio, vel iudicio sortis dirimatur, & habitam conclusionem Secretarius promulgabit, & in librum capitularem referat.

Caueat autem quisque, nè cum quid contrà propriam sententiam decretum fuerit, adhuc tamen aduersetur obstinatè asseuerans eam sibi re non probari, quod enim maior pars censuerit, id rectum esse sibi planè persuadere debet. Aliter rem ad nos deferat.

Singulis autem ferijs sextis fiat Capitulum post Vesperas, nisi aliquod emerferit impedimentum in Ecclesia, & ibi proponantur necessaria, quæ si desint, qui præfuerit, hortetur ad obseruatiã Canonum, & pium aliquod opus. Capitulo non liceat quoti-

dianas distributiones absentibus remittere, sed interessentibus accrescant, & pecuniæ, quæ in dies contingat persolui Capitulo, & Clero Cathedralis ex legatis, & retroventionibus seruentur in loco tuto, donec reinuestiantur in empitionem de licentia nostra faciendam. Nemo confirmari possit in officialem, nisi redditis rationibus, & satisfacto debito, & aliter facta confirmatio sit irrita, & viribus careat.

Ad Capitulum conuocati, si non accedant, consultant animæ suæ circa conscientiam, & nihilominus amittant distributiones illius diei, vbi ex infirmitate, vel absentia notum fuerit eos excusari, & cœteri de capitulo non possint illis remittere huiusmodi distributiones, & nè indè reliqui, qui ad capitulum sunt conuocati, frustrentur suo fine, pro quo opus fuerit aliqua deliberatione; possint nihilominus disponere, modò nō fuerint minores duabus partibus, & legitimum habeatur capitulum.

Quoniam autem præcipuū Præfulis munus in eo præfertim consistit, vt diuinus cultus, vbi est imminutus, instauretur, & vbi viget, augeatur magis; ideo maledictionem ijs inflictam, qui faciunt opus Dei negligenter, pro eo, ac possumus, vt effugeremus: Chori seruitium, quod penè intermissum in Cathedrali non sinè magno animi mœrore comperimus, in integrum restituere conati sumus, omnemque curam, omnemque diligentiam adhibuimus, vt Canonicos, & Dignitates ad debitum in Choro ser-

uitium præstandum dulciter, suauiterque perducere-
 mus, & ad obseruationem saltem Capitularium cō-
 stitutionum decem diebus continuis in singulos
 menses singulis Canonicis, & Dignitatibus serui-
 tium præscribētium; ita tamen, vt tertia eorum pars
 singulis diebus in Choro nō deficeret, sed ipsi Capi-
 tulares etiā Cōstitutiones, quāuis multū sibi fauo-
 rabiles, prorsus negligentes, & consuetudinē pro se
 allegātes, persoluēdi singuli pro se quisque eorū tri-
 ginta tantū puncta in singulos mēses; nēpē vnū sin-
 gulis diebus punctū; idque psallēdo paruas tantū ho-
 ras in Choro; necessitatē nobis imposuerūt, postquā
 frustra rationibus, & monitionibus actum est cum
 eis adeundi sacram Concilij Tridentini Congrega-
 tionem, atque ab ea petendi, vt prædictas saltem
 Capitulares Cōstitutiones obseruari mandaret, nē
 Chori disciplina omninō antiquaretur. Verūm Sa-
 cra Congregatio nulla Capitularium Cōstitutio-
 num habita ratione, vtpotē quæ perperam quo ad
 hoc editæ fuerant absque Summi Pontificis appro-
 batione, concordans pariter cum Sacra Congrega-
 tione Episcoporum, & Regularium negotijs præpo-
 sita, quæ anno millesimo sexcentesimo trigésimo
 easdem Cōstitutiones in hoc, vti Tridentino Con-
 cilio contrarias, omninō substulerat; & abrogaue-
 rat, Canonicos, & Dignitates ad præscriptum Con-
 cilij Tridentini Choro inseruire debere rescripsit.
 Pro eiusdem rescripti obseruatione primis, secundis, &
 ter-

tertijs litteris mandauit, Canonicos, & Dignitates compelli ad seruitium à Concilio præscriptum in Capitulo 12. sess. 24. de reformatione, medijs ab eodem suppeditatis; si quæ illa non satis proficerent, vel ad priuationem deueniri, vel suspensionis remedium adhiberi: cum pœnas in ordine ad priuationem graduado mens Sacri Concilij non fuerit antiqui iuris pœnas abrogare: ac propterea nullam aduersus hæc inhibitionem fore attendendam, nisi manu Summi Pontificis signatam.

Quare ita præscriptum à Sacra Congregatione Chori seruitium; quàmuis edicto à nobis edicto die 27. Octobris 1676. diligenter obseruari mandauimus; præsentem tamen cõstitutione, denuò; ac strictius præcipimus, vt Canonici, & Dignitates diuini intersint officijs, & Choro seruiant Cathedralis Ecclesiæ ad præscriptum Concilij, nempe integros menses nouem singulis annis sub pœnis à sacris Canonibus ab eodem Concilio decretis; alijsque pœnis à Sacra Congregatione declaratis, quæ magis proficere videbuntur.

Iisdem autem Dignitatibus, & Canonicis in Choro versantibus hæc prætereà in memoriam reduci oportet, vt quisque sedeat in suo loco, videlicet, Decanus, & Cantor ex latere dextro, in quo sedes nostra Archiepiscopalis est reposita, ex parte altera Archidiaconus, & Thesaurarius, & hinc indè osteni Canonici in singulis lateribus iuxta titulos præbendarum,

& antianitatum; sed Canonicus supernumerarius sit in nostro latere. Vbi verò emerſit occasio, vt plures ſint Canonici ex vno latere, quàm ex alio, tunc ad decorem, & ornatum, qui ſunt ex altero, accedant ad ſupplendas vices in competenti numero.

Sciant præterea Canonici omnes, & Dignitates omnibus Dominicis, & feſtis de præcepto, nec non ſingulis diebus Quadrageſimæ, ac præſertim feſtorum ſolemniorem primæ Classis Choro intereſſe debere, ac trimeſtri vacatione non omnibus ſimul frui licere; nè Chorus omninò deferatur, ſed tempus à nobis cuique aſſignandum, quo nec ipſi trium meſium vacatione à Concilio permiſſa, nè Chorus defraudetur ſeruitio.

In Choro autem Rochetum, & cappam magnam deferant à vigilia feſtiuitatis omnium Sanctorum ad vſque Sabbatum Sæctum Paſchatis Reſurrectionis, ac deindè ſuperpelliceum ſupra Rochetum; extrà verò propriam Eccleſiam, ſiue in publicis Proceſſionibus, ſiue in exequijs Defunctorum, ſiue in quauis functione, nunquam cappa magna vtantur, ſub pœna priuationis quotidianarum diſtributionum illius diei, quo contrà Decretum hoc venerint.

Dignitates habeant tertiam partem ſupra eam, quam habent Canonici, & hi alteram tertiam partem reſpectu illius, quam habent Beneficiarij, ſeu Hebdomadarij, & Sacerdotes, idque iuxta morem receptum intelligi volumus, cum de diſtributionibus tùm

de emolumentis anniuersariorum, & funerum mortuorum, & alijs similibus.

Cum ad Ecclesiam quotiescumque accesserit Archiepiscopus cum cappa magna in eundo è Procoetono, scù Anticamera Archiepiscopalis Palatii, & in redeundo ad eundem vsque locum comitari teneantur, ac debeant Canonici, & Dignitates: ideò hora & loco ad id designatis præstò erunt Canonici omnes, & Dignitates cum eorum insignijs temporari congruis.

Canonicus, qui in præsentia ex dispensatione Apostolica etiam Parochus Metropolitanæ Ecclesiæ, quoties in propria Ecclesia munia obit, in quibus stola uti debet, eam nunquam super Rocheto induat, sed supra superpelliceum: quod ceteri etiam Canonici, & Dignitates obseruare debent, cum de eiusdem Parochi licentiâ eadem munia obeunt.

De Officio Decani, & Penitentiarij.

HAtenus de Dignitatibus, & Canonicis in communi, nū de eisdē in particulari hæc statuimus. Decanus cum sit in prima inter Dignitates Capituli, ipsi incumbit Capitulum conuocare, & negotia proponere, & primum habere locum in Sacristia, & in Choro, ibique alios corrigere, si opus erit, & veniam dare his, qui iustam egrediendi causam habēt. Nobis Ponteficalia solēniter exercentibus assistere, & in

& in nostri absentia omnes functiones, & missas, quas ipsi teneremur persolvere in solemnioribus festis per annum, & distribuere candelas, cineres, & palmas, & feria V. communicare omnes de Capitulo, & Clero; & in eius defectu Archidiaconus, & reliquæ Dignitates succedant gradatim cum Canonicis. Verum cum præfatæ Dignitati Pœnitentiaria reperiatur annexa, tenetur proinde in propria sede confessionaria sedere, & fideles accedentes pro suis manifestandis peccatis benignè suscipere, & hortari, ut suas impleant partes ad Sacramentum Pœnitentiæ necessarias, præsertim tempore Quadragesimæ; & Aduentus, & diebus Dominicis, & festis, quibus frequentior esse solet populus in Ecclesia.

A casibus, & censuris nobis expressè reservatis non absoluet iuxta Decretum Sacræ Congregationis Concilij peculiariter pro Pœnitentiaro Cathedralis Ecclesiæ Consentinæ emanatum die secunda Maij 1648. & confirmatum die 19. Augusti 1665.

Facultatem insuper absoluendi à reservatis, quæ cōpetit Pœnitentiaro, non potest alijs delegare, sed in sacramentali confessione ipse exercere.

De officio Archidiaconi.

Archidiacono, qui Decano proximus est, incumbit in generali, quod paulò antè diximus, sed eius officium peculiare est cum cœteris examini ordinandorum, & Sacris ordinationibus nobis assistere, nec

non consecrandis sacris oleis feria quinta in Cœna Domini.

De Officio Cantoris.

CAntoris munus erit Chorum regere, & gubernare, cœteraque diuina officia intra, & extra Chorum dirigere, lectiones, antiphonas, & Prophetias distribuere, tabellas conficere, & ordinare, quibus functiones Ecclesiasticas per turnum ordine successiuo, ac munia cuique pro Missis celebrandis, ac diuinis laudibus canendis diebus Dominicis, & festis assignabit. Studeat Cantor pro viribus, vt diuinæ laudes piè, deuotè, ac distinctè recitentur, silentium indicet, risus, & colloquia cohibeat, neque quis in psallendo nimium festinet, vel tardet, neque versus alter antè alterius finem inchoetur, & quisquis in suo maneat loco. Circà officia quotidiana Tabellam temporis seruabit, nisi aliter opus fuerit pro obeundis funeribus Defunctorum, vel pro celebrandis pluribus Anniuersarijs, vel Missis solemnibus, aut alijs iuxtà morem Ecclesiæ. Omnes igitur, qui in Choro, Missa, & Processione, reliquisque secundum vsus præfatæ Ecclesiæ fuerint, illi obediant. Eo autem absente, vel impedito subcantor eius vices suppleat, qui & cantu plano polleat, & primus Presbyterorum sedeat.

Thesaurarij munus est totū circa sacras Reliquias
 benè asseruandas, & qua conuenit decentia, in-
 dumenta, vasa, ac denique totius thesauri Ecclesia-
 stici diligentem habebit custodiam. Idcirco fidele fa-
 ciat inuētārium omnium bonorum suppellectilium,
 & rerum cuiuscumque generis, quæ sint penès se, &
 in Sacristia, nec non sacrarum Reliquiarum, & inde
 duo extrahere exempla, vnum penès se habeat, & al-
 terum in Curiae Archiuio reponat. intrā mensem à
 die publicationis huius Decreti: ex bonis in inuen-
 tario descriptis non commòdet, nec extrahat, aut ex-
 trahi permittat extrā Ecclesiam sinè licentia nostra
 sub pœna excommunicationis latæ sententiæ, aduer-
 sùs etiam quoscumque alios, qui bona prædicta, aut
 aliquod illorū extraxerint. Sacristam proprijs sump-
 tibus in officio contineat, & hic illi subordinetur cir-
 cā munera Sacristiæ, in cuius cubiculis, tam suprà,
 quàm infrà sub pœna excommunicationis latæ sen-
 tentiæ nobis reseruata nullus laicus pernoctet. Vltà
 Sacristam habeat manuclerium vulgò dictum, qui
 inferuiat pulsandis campanis, sepeliendis cadaueri-
 bus, Ecclesiæ versendæ, & arcendis canibus.
 Accendendi verò lampades antè Sanctissimum, Crucis
 deferendæ in defunctorum exequijs, & supplicatio-
 nibus Clérici munus erit, nempe alternatim per
 hebdomadam vnus ex illis quatuor, qui Ecclesiæ

inseruiunt. Denique ad ipsum Thesaurarium spectat principem Aram ornari facere in solemniorem, & in Dominicis, & festis diebus, candelas apponere suis sumptibus iuxta pacta, & conuentiones alias initas cum nostro Prædecessore bonæ memoriæ D. Archiepiscopo Syluio Passerino.

In oleorum sanctorum distributione nihil accipiat Sacrista, siuè Thesaurarius etiam spontè datum, non obstante contraria consuetudine.

Mandamus præterea Thesaurario, siuè Sacristæ, vt sacra olea Parochis, aut eorum Oeconomis, alijsuè Sacerdotibus, quos Parochi mittent, tantum tradat, ac singulorum nomen, cognomen, & Parochiæ etiam in libro ad hoc faciendo describat, ac diem etiam, qua sacra olea quisque Parochus, aut alius ab eo missus accipit.

De Prabenda Theologali.

Prabendam Theologalem, aliàs erectam de anno 1628. per taxam Beneficiorum cum redditu annuo instaurare, ac promouere summo perè cupientes, nè in simplicem transeat Canonicatum per diuturnam Canonicorum, qui eam possederunt, & legendi munus non impleuerunt, siuè imperitiam, siuè negligentiam; statuimus, vt ad formam illius erectionis Canonicus Ecclesiæ nostræ Theologus se-

semel in hebdomada die à nobis designata. sacram
exponat scripturam; ad eam omnes conueniant de
Capitulo, & Clero, etiam Parochi non impediti.

C A P V T. XXI.

De Chori Disciplina.

CHoro additi accedant benè instructi de suis fū-
ctionibus, cum superpelliceis mundis, biretis, &
alijs vestibus cuique congruis iuxta qualitatem per-
sonæ, & temporum. Vnusquisque talarem vestem
deferat in Choro sub pœna priuationis distributio-
num quotidianarum illius dici, quo breuiori veste
vtetur.

Rochetum Canonici tantum induant, manicis non in-
tra reiectis, ac pendulis, sed ijs brachia contegant,
eiusque fimbrias non super brachia complicant, nec
super humeros attollant, quod & simplices Sacer-
dotes facere ausi sunt.

Rochetum enim ideò angustioribus formatur mani-
cis, vt eo Canonici pro superpelliceo induti ad
obeunda munia sua expeditiores fiant.

Quisque sedeat prout sibi per dignitatē, vel antiquitatē
nouerit esse permissum; & vt quilibet possit conue-
nire, statutis horis pulsetur campanula antè Matu-
tinum, & Vesperas per dimidiam horam antè, qua
elapsa mox inchoetur officium per Hebdomadariū,

eoque inchoato, omnes deuotè, & attentè assistant. Distributiones enim diuiduntur in tres partes, nempe vna est pro matutino, & prima; secunda pars pro tertia, sexta, nona, & missa; tertia pro Vesperis, & Completorio. Qui non fuerint in Choro, antequàm absoluator primus psalmus, & in Missa, antequàm incipiatur Gloria, aut si egrediantur, antequàm fuerint expletæ Horæ Canonicae, & Missa Conuentualis, & solemnis, nihil lucrentur in illis horis respectiue. Nullus confabuletur, litteras legat, aut quidquam alienum exerceat. Nec submissa voce possit recitare officium sub poena amissionis distributionum pro illa die iuxta ratam.

Clerici cuiusuis ordinis, conditionis, gradus, vel dignitatis, si quo tempore Diuinis inseruiunt, siue in Choro, siue in quacunque functione, siue præsertim in Altari, tabacum fumant, excommunicationem nobis reservatam incurrant. Perlatum enim ad nos est, nonnullos eorum in peragendo Missæ sacrificiū, linteola, seu purificatoria, & quod prorsus intolerabile est, sacras etiam maiores corporales pallas, tabacca cum sordibus, quæ è naribus fluunt, mixto conspurcasse, nec chirotheas habeant in manibus & ubi error, aut defectus aliquis emergerit correctione dignus, qui Dignitate ex Capitulo in choro præcellit, corriget; isque exeundi è choro licentiam dabit ijs, qui necessitatem egrediendi habebunt.

Quamuis Canonicis, & Dignitatibus, alijsque assistentibus

tribus in choro Diuinis officijs liceat tenere pileolū
in capite, illud tamen deponere debent per totum
Canonē Missæ conuentualis, vel solemniter cantatæ.
Clerici omnes, tam Ciuitatis, quàm Diœcesis in Do-
minicis, & festis de præcepto inseruiant Ecclesiæ,
cui sunt adscripti, alioquin ad alios ordines nō pro-
mouebuntur; sed Clerici ciuitatis priuentur etiam
distributionibus mortuorum, alijsque prouenienti-
bus ex vectigali macelli, seu grassæ, quæ alijs choro
inseruiantibus accrescant; & obseruetur cum eis
Decretum Domini Episcopi Venuzini Visitatoris
Apostolici.

Sacerdotes omnes nostræ Diœcesis, cum cātatur Miſſa
in Ecclesia Parochiali, choro intersint, nec egredian-
tur antequàm fuerit completa, quod facere debe-
bunt cœteri omnes, tam in maioribus, quàm in mi-
noribus ordinibus constituti.


Sacerdotes autē huius Ciuitatis, nisi in choro Metropo-
litane Ecclesiæ inseruiant, & intersint horis canoni-
cis, non fruātur distributionibus Anniversariorum.
Chorum nulli laico tempore diuinorum officiorum in-
gredi liceat, nec in eo sedere sub pœna excommuni-
cationis. Et nullus Sacerdos celebret in Altari maio-
re, dum in choro horariæ preces persoluuntur, aut
celebrandi causa ē choro exeat, nisi à Sacrista fuerit
vocatus. Omnes addiscere studeant, & adamussim
seruare sacras cæremonias.

Choro intelligantur præsentēs cœremoniarum Magi-
ster,

Alter, dum ea, quæ ad suum munus spectant in Ecclesia, vel Sacristia exequitur. Poenitentiarius, dum confessiones exigit, & Canonicus, qui habet præbendam theologalem, ea die, qua Sacram scripturam in Ecclesia exponit.

Punctator chori, & contrapunctator, quorum primus à Capitulo, alter à nobis singulis annis creabuntur, antequam munus inchoauerint, iurent de benè, & fideliter administrando. Sint circumspecti, & adnotent transgressores nostri instituti, tam qui diuinis non interfunt officijs, quam etiam illos, qui confabulantur in choro, vel priuatim recitant officium, & cum cæteris non canunt, aut alij ex causis priuandi sunt distributionibus, vbi verò negligent hæc seruare, punientur pro modo culpæ, ac etiam, vt periuri.

Libros Punctator, aut contrapunctator retineant in loco publico, ibique deficientes annotabunt, & cuiusque postulanti ostendent. Quod si Punctatoris, & contrapunctatoris libri aliqua in re inter se discrepauerint, nobis, vel Generali nostro Vicario exhibebuntur, vt omnis tollatur controuersia sine strepitu, & figura iudicij.



C A P V T. XXII.

De Beneficijs Ecclesiasticis.

IN permutationibus Beneficiorum coràm nobis faciendis, iurent permutantes nullā interuenisse fraudem, nullamque labem Simoniacam. Resignationes autem in curia non accipiantur indistinctè, sed in ijs casibus, qui habentur expressè in constitutione B. Pij V. Postmodum ad præscriptum Gregorianæ sanctionis fiat promulgatio litterarum Apostolicarum, aut Episcopaliū sub pœnis ibidem contentis.

Qui de aliquo beneficio ecclesiastico in nostra Ciuitate, vel Diœcesi existente à S. Sede, eiusque Summo Pontifice, aut ab alio conferendi ius habente prouisus fuerit, litteras Apostolicas, siuè collatitias, non impedita illarū exequutione, in nostra Curia exhibere teneatur intra mensem; vt quæ in litteris continentur, comprobari possint, & cognosci, nūm preces veritati nitantur; Cum pluries fraudem factam fuisse reperimus ab impetrantibus Beneficia, tūm extenuando valorem fructuum, tum tacendo alia beneficia, quæ possident, tūm maximè non aperiendo causas, ob quas Beneficiorum sunt incapaces.

Ad beneficia de iure patronatus, nemo post hæc præsentetur, & in ijs instituatur, nisi antea iuridicè constiterit de illorum fundatione, & pessione, ad præscriptum Concilij Tridentini. Cancellarius igitur no-

stræ Curie præcessus omnes vniuscuiusque patronatus in vnum colliget, quò facilius, cum acciderit casus nouæ præsentationis, cognosci possit, num Beneficium sit de iure Patronatus? quis sit legitimus patronus? & an sint immutatae leges; redditus, onera, & alia in fundatione apposita?

Omnibus autem, tam clericis, quam laicis, ad quos patronatum ius spectare potest, mandamus, vt intra bimestre tempus, aut hographas, aut legitimas exhibeant tabulas fundationis cuiusvis patronatus registrandas in libro, seu regesto nostræ curiæ; quia ex iniuria præteritorum cancellariorum, aut patronorū, paucissimi in eadem curia reperiuntur huiusmodi processus.

Ad vitandas autem fraudes omnes, sciant Patroni iuxta prouinciale concilium, & qui ad Beneficia præsentandi ius habent, se subijci vnà cum præsentato, & electo excommunicationis, & interdicti pœnis, ac priuationis iuris patronatus, si quouis modo, & quauis causa, vel occasione se ingerant, paciscantur, cōsequantur, aut quoquomodo retinere præsumant partem, etiam si vltro oblata sit, in bonis, & fructibus Beneficij: quamobrem redditus omnes, & proventus Ecclesiæ, vel Cappellarum patroni nullatenus administrent, aut alia ratione se ingerant, aut fructus, vel eorum partem, seu etiam prædium, aliaque sibi retineant, sed Beneficiato omnia ad Beneficium spectantia liberè omninò dimittant; nec minùs

paci-

pacifcantur cum præsentatis, vt deindè ad eorum nutum post aliquod tempus cedant, & renuncient; aliter intelligant se incurrisse in excommunicationis sententiam Sedi Apostolicæ referuatam, tanquam Simoniacos, & fiduciarios iuxta constitutionem Pij IV. & V; nec ante mortem Beneficarij de futura præsentatione cum patronis aliquis per se, vel per aliū tractare possit sub pœna inhabilitatis ad Beneficia obtinenda. Ius patronatus nemini referuetur in Cappellis, aut Altaribus absque nostra licentia gratis cōcedenda, & nisi competenter fuerint prius dotata. Dotis autem redditus non sit infrà duodecim aureos, præter alios sex ad cappellæ, seu Altaris conseruationem, aut refectionem assignandos.

Quòd si aliquarum Missarum onus perpetuum eidem cappellæ, vel Altari adiectum fuerit, missas singulas quindecim assibus, siuè granis taxamus, prout in capite de celebratione missarum dictum est.

C A P V T. XXIII.

*De Examinatoribus, Iudicibus, & Testibus
Synodalibus.*

VT autem, quæ in Sacro Concilio Tridentino decreta sunt circa Parochialem Beneficiorum collationem, suum sortiantur effectum, singulis annis in Diocesana Synodo eligantur saltem sex Examinatores, qui sint Magistri, vel Doctores, aut in Sa-

era Theologia, vel Iure canonico licentiati, qui statim ac electi fuerint præstent iuramentum de benè, & fideliter exercendo suo munere.

Eos conuenit pridè antè concursum diligenter studere his, super quibus examinare intendunt concurrentes, qui vt plurimùm examinabuntur in Theologia morali, & super Tridentino; an calleant linguam latinã, & super Euangelijs; an ad prædicandum populo possint esse sufficientes. Examen eorum in libro solito describetur per cancellarium nostrum.

In dandis votis circà electionem concurrentium Deū solum habeant præ oculis, & non ducantur amore, vel odio, aut aliquo humano affectu; sed magis idoneum semper approbabit, aliter grauitè peccabit; tùm quia indignum, vel minùs dignum digniori prætulere, tùm quia Ecclesiam, & populum bono ministro priuarunt, vt indignum, aut minùs idoneum præficerent. Ea, quæ contingunt in concursu circà approbationem, vel reprobationem concurrentium, nullatenùs propalent, aliter vt periuri punientur. Et demum iuxta Tridentini Decretum examinis occasione nihil prorsus, vel minimum, cuiusuis muneris, siuè mercedis genus, etiam à spòtè dantibus, antè, vel post accipiant; alioquin tam ipsi, qui acceperint, quàm qui dederint, tanquam Simoniaci absolui non possint, nisi beneficijs dimissis, & ad alia in posterum inhabiles reddantur.

Iudices Synodales, quibus ad præscriptum Constitu-
tio-

tionis Bonifacii VIII; & Sacri Concilij Tridentini causæ Ecclesiasticæ spirituales, & ad forum Ecclesiasticum pertinentes in partibus delegandæ erunt in posterum, nominamus superscriptos, quorum nomina ad Sanctissimum Dominum Nostrum transmitti volumus, & ubi eorum aliquis abierit, erit in arbitrio nostro cum consilio Capituli alium sufficere intra annum tantum, sicut etiam examinatores Synodales.

In testes verò Synodales nominandi, qui prævio iuramento munus suum exercebunt, prout de iure, inuigilabunt in loca, & personas sibi commissas. Eorumque munus erit sedulò inuigilare circa Cleri progressum in bonis moribus, Diuino cultu, & Ecclesiastica disciplina, cœteraque ad mores, vitam, scientiam, ac peritiam rerum Ecclesiasticarum spectantia. Parochos ad animarum curam, studium sacrarum litterarum, Sacramentorum administrationem, prædicationem verbi Dei, residentiam, cœteraque ad eorum munus ritè, ac rectè obeundum necessaria hortari, ac urgere; inquirere, an Ecclesiæ indigeant reparatione, vel sacra suppellectili: an Administratores rationes reddant, & acceptas pecuniarum quantitates restituerint; an onera Missarum persoluantur; an debitores corresponsdeant; an dietim in libro annotentur Missæ ad formam tabellæ; an Patroni sese immisceant in administratione bonorum Cappellarum, & Oratoriorum de iure patrona-

natus. Scire fatagant, qui sint vsurarij, concubinarij, qui matrimonium contraxerunt in gradibus iure prohibitis, qui viri seorsim ab vxoribus habitent, & qua de causa, qui populorum abusus, & corruptelæ; an pauperes; viduæ, puellæ, orphani, aut infirmi iuentur ab illis, quibus incumbit onus: an populi benè se gerant cum proprijs Parochis, ac debitum illis honorem deferant: an ieiunia seruent, & à cibis vetitis abstineant: an festa sanctificent, conciones audiant, Ecclesias Parochiales frequentent, decimas soluant, & in Dei seruitio proficiant.

Postremò de his omnibus singulis testes Synodales de necessitatibus singulorum Oppidorum, & Pagorum sibi assignatorum nos doceant per epistolam, vel voce, idque quoties opus fuerit, & saltem bis in quolibet anno, de semestre in semestre, vt de opportunis remedijs, vt maximè possumus, diuina ope prouidere valeamus.

C A P V T. XXIV.

De Archipresbyteris, seu Vicarijs foraneis.

Vicarijs foraneis hæc præcipimus. Primò certiorant Curiam de omni delicto, quàmuis leuis à Clericis commissio, verè, fideliter, & sinè mora; & si illis pro minori subditorum impensa fuerint commissæ informationes, cum omni fidelitate capiant, aliter poena pro modo culpæ punientur.

Cu-

Curet vlteriùs quilibet Vicarius foraneus singulis quindenis diebus in loco suæ iurisdictionis fieri casuum conscientiarum collationes, ad quas accedere teneantur omnes Curati, & Sacerdotes ad confessiones excipiendas approbati: exceptis tamen mensibus à Iunio vsque ad Octobrem inclusiue.

Ad has collationes frequentandas Regulares etiam hortamur confessarios.

In faciendis impositionibus pro oneribus spoliolum, procurationis, & alijs similibus Archipresbyteri moneant Clerum, vt Mense ante diem solutionis eligant respectiue Rectores suum Deputatum, Sacerdotes alterum, itemque Clerici suum, qui simul electi cum ijsdem Archipresbyteris possint de quota taxæ concordare, & modo exigendi; non excedendo summam cum Reuerenda Camera Apostolica concordatam, nimirum ducentorum quinquaginta nummorum aureorum ipsi cameræ persolueudam, ac duodecim nummorum aureorum cum dimidio Subcollectori pro eius mercede, prout in instrumento transactionis latiùs expressum est, aliter singulorum, qui electionem facere neglexerint, tenebuntur in solidum de proprio.

Parochis inuigilent, vt munus suum diligenter exerceant, in quo, si quomodolibet deliquerint, statim nos certiores facient.

Si contra aliquam personam Ecclesiasticam, aut Ecclesiam vis quomodolibet illata fuerit, aut aliquid attent-

tentatum in præiudicium iurisdictionis immunitatis, vel libertatis Ecclesiasticæ, statim nos certiores facient, atque omni conatu immunitatem Ecclesiasticam interim tueantur.

Dies festos diligenter seruari curent, & contrauenientes depignorari faciant, & pœnam indè exactam pro tertia parte sibi, & exequutoribus suis applicet iuxta Decretum Sacræ Congregationis, vbi verò necesse fuerit pro recolligendis fructibus tempore messis, vindemiæ, vel alterius rei laborare, possint licentiâ impartiri, audita prius missa: sic etiam, quando sit opus vesci cibis Paschalibus, dummodò attestatio medici accesserit, dent licentiam simul cû Parocho.

Quæstores eleemosynarum absque nostra facultate nō admittant, & nos certiores faciant. Vbi mors Rectoris Curati in sua Parochia, vel alterius cuiusvis beneficiarij succedat, moneant Curiam ad finē prouidendi: Singulis semestribus de moribus, & vita Clericorum scripto nos doceant. Idem Clerici sint Vicarijs suis foraneis obediētes.

Cum aliquem occidi, aut vulnerari contingerit; capiant informationem de delicto in genere, ritè, & iuridicè, & statim originale informationem ad nos tutò mittant, ad hoc vt si aliquis Ecclesiasticus principalis reus, aut complex repertus fuerit patrati homicidij, aut vulneris inflicti, contrà eum legitimè procedi possit, ac debita pœna puniri; Parochis non præcedant in Choro, nec in Ecclesiasticis functionibus,

aut

aut supplicationibus publicis. In funeribus defunctorum, ad quæ vocari contingat alios Clericos, & Sacerdotes, possint iidem Vicarij foranei accedere, & mercedem iuxta antiquam locorum consuetudinẽ accipere; non autem præcedentiam super alios Presbyteros habebunt in ecclesiasticis functionibus, nisi fuerint illis ipsi ratione Sacerdotij antiquiores; In locis maritimis, & in oppido S. Ioannis Floriacensis iurisdictionem habeant in civilibus vsque ad summã ducatorum sex, nè partes defatigentur ad curiam nostram accedere: Sacerdotibus exteris, nisi fuerint personæ benè cognitæ, nõ permittant celebrare absque nostra licentia in scriptis, quod cum Regularibus etiam obseruare debebunt; nisi legitimas facultates à suis Superioribus Regularibus sibi concessas exhibuerint.

C. A P V. T. XXV.

De Quæstuarijs.

Quæstuarijs prohibitum est à Sacro Concilio Tridentino eleemosynas petere; & vbi subsit causa rationalibus, facultas fiet illis à nobis iuxta tenorem Decreti Sacræ Congregationis, & præsertim abstinere à deferendis imaginibus, tabellis, Reliquijs, & tintinnabulis. Inuingilẽt Vicarij foranei, & Rectores, nè cõtrà hoc caput veniatur, aliter ipsi puniẽtur.

De Regularibus.

DE his admonendos censuimus Regulares. Doceant intra mēsem penēs acta nostræ Curix de conseruatorum electione iuxta terminos constitutionis Gregorij XV. aliter nouerint Ordinarij iurisdictioni se subiacerē in litibus, quæ contrā eos mouebuntur.

Regulares, qui in Monasterijs, & Conuentibus huius Ciuitatis, & Diœcesis commorantur, bini incedant, alioquin à Cursoribus Archiepiscopalis nostræ Curix capiantur, & ad nos ducantur, transmittendi pro merita pœna ad suos Superiores, quos in Domino hortamur, nè subditos suos per Ciuitatem, & Diœcesis loca solos discursare permittant, nisi in casibus necessitatis quoad conuersos; sed in hoc omninò se accommodent ad voluntatem SS. D. N. Papæ regnantis.

Nec ullo modo audeāt accedere ad Monasteria Monialia, & Conseruatoria, vel cū his, aut alijs in clausura degentibus sermonē habere, vel litteras scribere, vt in Decreto ex mādato Clementis IX. à Sacra Congregatione Concilij edito expressè prohibentur; sciant præterea, quòd sub quoquis priuilegiorum suorum prætextu ab alio absolui nequaquam possunt, quā ab Ordinario loci.

Vbi verò necesse alloqui Moniales in primo, vel secundo consanguinitatis gradu coniunctas, seruetur ad unguem Decretum aliàs latum de mandato S. M. Urbani VIII.

Côfessiones audire nō possint, nisi præcedēte nostra approbatione in scriptis, & iuxta tenorē illius: & tunc, nec à casibus, nec à cēsuris Sedi Apostolicę reseruatis, vel nobis, absoluāt, nisi velint pœnis in constitutione Clementis X. taxatis subijci. Nec minùs sinē nostra licentia Prædicatoris officio fungantur in nostra Diœcesi, nisi ad præscriptum Sacri Concilij Tridē-
tini, ac earundem constitutionum Grægorij XV; & Clementis X.

In Ecclesijs Monialium Missas non celebrent, nobis inconsultis.

Insolitas non faciant processiones, & ad eas, quæ de more Ecclesiæ celebrari solent, accedant iuxta locorum obseruantiam.

Nouitij renuntiationes bonorū ad formam decreti Sacri Cōcilij Tridentini non faciant, nisi intrā duos menses proximos antè professionem, & cum nostra licentia gratis concedenda: & Regulares nihil de bonis Nouitij ante professionem capiant. Vbi initiantur ordinibus sacris per nos conferendis, ratificare debebunt suam professionem corā nobis, vel generali nostro Vicario.

Quoniam Abbates, alijque Superiores Regulares non possunt benedicere paramenta Ecclesiarum sibi non

subditarum, abrogata contraria consuetudine à Sacro Rituum Congregatione, nisi super hoc obtineant ab Apostolica Sede speciale priuilegium. Idè ipsos monemus, vt eiusdem Sacre Congregationis Decretum obseruent, omnibusque prætereà huius Ciuitatis, & Diœcesis tam Clericis, quàm in maioribus ordinibus constituti, præcipimus, nè paramenta prædicta à Regularibus benedici faciant, sed quoties opus fuerit, nos adeant; vel Vicarium nostrum generalem, aut alium ab Apostolica Sede huiusmodi facultatem habentem.

Sciant Regulares sibi non licere sub prætextu deponendi spectantia ad S. Officiū, vagari, & extrà Monasterium manere, sed debere Episcopum loci, seu Inquisitorem, in cuius Diœcesi degunt, adire, & si cōtrà fecerint, vel nihil releuās deposuerint, puniantur poena à Sacra Congregatione Sancti Officij statuta.

C A P V T. XXVII.

De Monialibus.

CUm mulier innupta, & Virgo, (vt inquit Apostolus) cogitet, quæ Domini sunt, vt sit Sancta corpore, & spiritu; Moniales, quas Dominus Noster Iesus Christus singulari quadam beneuolentia suas esse sponsas voluit, beneuolentiam omnem, ac omnes delicias nulla in re, nisi in vno sponsò collocare debent, pollicitæ fidei semper memores.

San-

Sancimus propterea sub pœna excommunicationis
 latæ sententiæ, & nobis reseruata, nè quis absque
 nostra, vel Generalis nostri Vicarij licentia in scrip-
 tis, & Abbatissæ consensu, accedat ad colloquen-
 dum cum quauis in Clausura commorante, quam
 pœnam incurrant Moniales etiam, aliæque, quæ in
 cœnobijs degunt (exceptis primo, & secundo con-
 sanguinitatis gradu coniunctis) per crates tamen,
 vel per rotam, nunquam verò per portam, per con-
 fessionarium, vel cōmunicatorium ex decreto Do-
 mini Visitatoris Apostolici, aut quemcumque aliū
 locum, nequē aduētus, & Quadragesimæ tēpo re, vel
 quò recitantur diuina officia, nequē per interpositā
 personā cum alia inibi præsentē, id enim, quia idem
 esset, ac per se ipsum colloqui, idē declarauit Sacra
 Congregatio excommunicationem afficere quoscū-
 que per interpositam personam, etiam Regularem
 colloquentes, ac etiam Moniales.

Nulla Monialis recipiat, aut scribat, mittatue litteras,
 nisi prius ab Abbatissa recognitas, in cuius arbitrio
 erit illas pro suo zelo aperire, & legere, præterquā
 illas, quæ proueniunt à consanguineis reciprocē in
 primo, vel secundo consanguinitatis gradu: sub no-
 mine autem litterarum, seu epistolarum intelli-
 mus quamcumque schedulam, seu chartulam, aut
 quamcumque aliam rem aptam exprimendo mentis
 conceptui, etiam nutus, & signa. Qui autem qua-
 lemcumque huiusmodi litterarū de rebus turpibus
 ad

ad Moniales, aliasuè in clausura degentes miserit, eandem, vt suprà, excommunicationem incurrat, siuè etiam Monialis, & quæuis alia in clausura degens, quæ receperit, aut scripserit eiusmodi nefarias litteras.

Clausuræ ostium non aperiatur, nisi pro immittendis, vel extrahendis ijs rebus, quæ per rotam immitti, vel extrahi nequeunt.

In turnis, seu rotis Monasteriorum, & Ecclesiarum nullatenus adsint foramina, & si quæ sunt, obturantur, aut ferrea saltem lamina subtiliter perforata cooperiantur, & sic in futurum semper detineantur, si quæ verò Monialis, aut alia in Monasterijs degens hos ruinos, seu rotas perforare, aut eadem foramina abstrusa reaperire, vel in alia clausuræ parte, vel loco quomodolibet foramina instruere, aut clausuram quocumque modo lædere ausa fuerit, pœna punietur Decreto Visitatoris Apostolici statuta.

Fiant repagula lignea, seu fenestellæ lignæ in quolibet turno, seu rota, cuiusuis Monasterij à parte interiori, quæ ferrea sera claudatur vigesima quarta diei hora, & mane orto iam Sole aperiatur, & clavis seruetur ab Abbatissa.

Nemo cuiusuis sexus, vel ætatis septa Monasteriorum ingrediatur absque facultate scripto à nobis concessa, quam, vt in casibus necessarijs, promptè faciemus; sic intraturi in ea recto tramite pergant ad munus suum implendum, præsentibus semper comita-

tri-

tricibus, ac præcedente alia cum tintinnabulo personante, nec ad alium locum diuertant, nec cum alijs loquantur.

Cum infantes quantumvis paruulos, siuè mares, siuè fœminæ sint, intrâ claustra admitti non liceat, caueant propterea Abbatissæ illos introducere, aut ingressum eis permittere.

Sciant introeuntes in Monasteria (quamuis cum licentia extrâ casus necessitatis, se, & Moniales ingressum permittentes in excommunicationem Summo Pontifici reseruatam.

Nullus Sacerdos, siuè sœcularis, siuè regularis celebret in Ecclesia Monialium, aut aliam functionem Ecclesiasticam inibi exerceat, absque nostra in scriptis licentia, etiam si Cappellaniâ habeat in ea, sub pœna suspensionis à diuinis ipso factò, ac nobis reseruata; nec tamen quàmuis licentiam habeat Sacerdos, etiam Cappellanus celebrandi in Ecclesia Monialium, licebit ei loqui cum moniali, aut cum alia intrâ clausuram degente.

Pro Regularibus autem, quibus permittitur alloqui Moniales in primo, vel secundo tantùm gradu consanguinitatis, obseruetur Decretum Sacræ Congregationis Eminentissimorum Cardinalium negotijs Regularium præpositorum de mandato sœl. record. Urbani Papæ VIII. editum.

Regulares præterea cuiuscumque ordinis, militiæ, Societatis, Congregationis, & instituti, etiam de quibus

bus specialis mentio foret habenda; sciant, se, si ad
 Monasteria Monialium, quàmvis ab Ordinarij iurisdictione quomolibet exempta, & etiam ipsis Regularibus subiecta, vel alia speciali mentione digna, absque legitima facultate accedunt, colloquendo, etiam per quodcumque modicum temporis spatiũ, cum Monialibus, aut alijs intra clausuram degentibus, peccare mortaliter, & sub excommunicationis, priuationis vocis actiue, & passiuæ, alijsque contrà Regulares accedentes sinè licentia ad Monasteria Monialium, statutis pœnis, posse ab Ordinario, tanquam Sedis Apostolicæ Delegato coerceri.

Operarios, aliosquo habentes licentiam ingrediendi in casibus necessarijs, non admittant Abbatissæ, & la-nitrices antè Solis ortum, vel post occasum, nec eos intra Monasteria cibum sumere permittant.

In Monialium Ecclesijs, Musici, nequè canant, nequè aliud musicum instrumentum tangant, præter organum absque nostra licentia. Et quod prohibemus in Ecclesijs, multò magis vetitũ intelligatur in Atrijs, vel colloquutorijs, vel in quocumque alio loco ad Monasterium pertinenti, vel ei proximo, undè cantus, vel sonus audiri potest, sub pœna excommunicationis latæ sententiæ, ac nobis reservatæ, quoad musicos.

Pro musicis autem intelligimus quoscunque cantantes, aut instrumenta musica tangentes, cuiusvis gradus, & conditionis sint.

Si contingerit aliquam educādam nubere, post tres dies à contractis sponſalibus, ſtatim exeat à clauſura, & interim ſponſus, nec ad Eccleſiam quidē Monafterij accedat.

Puellæ, antequā in Monafterium ad educationis titulum, vel ad religioſum ſuſcipiendum habitum admittantur, ſtudioſè obſeruent inſtructiones in appendice deſcriptas, quas, earum parentes etiam, ſeu conſanguineos, qui illarum curam habent, vt obſeruari faciant, hortamur, ac rogamus. Nec tamen ad educationem recipiantur abſque licentia Sacræ Congregationis, & conſenſu Capituli Monialium cogendi, præuia facultate à nobis concedenda. Receptio fiat per ſecreta ſuffragia, de qua nobis conſtare debet ex ſcripto Abbatiffæ teſtimonio, vt licentiam puellæ concedere poſſimus ingrediendi in Monafterium.

Idem obſeruandum erit cum illis, quæ religioſum habitum induent, aut ſolemennem profeſſionem emittent, atque hæ functiones, nempe habitum ſuſcipiendi, aut ſolemennem emittendi profeſſionem, fiant abſque faſtu, & pompa, ſed, vt decet ſponſas Chriſti. Hæ omniinò legere ſciant, & quia nonnullas ætate grandes reperimus legendi prorſus ignaras; ita vt Sacram Congregationem adire neceſſe fuerit, pro diſpenſatione, vt ad habitum admitterentur, quamuis Choro inutilis, & Sacra Congregatio eas admitti permiferit, dummodo in Capitulis ſuffragium non

ferrent. Ideò stricte præcipimus, tam educandarum, quàm Nouitiarum præfectis, vt eas legere doceant: in hoc enim distinguuntur moniales à Conuersis, quod illæ Choro psallendis horis canonicis incumbere debent, hæ verò alijs Monasterij muneribus vacare.

Puellæ, vt ante septimum ætatis annum expletum in Monasterium, quàmuis educationis titulo, admitti nequeunt, ita cum Vigefimum quintum expleuerint debent statim, aut religiosum habitum suscipere, aut è Monasterio exire: quod si post vigefimum quintum ætatis annum expletum, alterutrum facere noluerint, Abatissæ nos statim ea de re certiores faciant, ac etiam per mensem antè post elapsum Nouitiatu annu. Ad huiusmodi Puellaru victu quotidianu, annui quadraginta nummi aure præsentis pecunia persoluantur Monasterio, prouti mandauit Sacroru Episcoporu Congregatio litteris pro Monasterijs Monialiu Consensu ad nos præcisè datis. Cæteraque omnia seruentur, quæ in formula eiusdem Sacræ Congregationis pro educandis præscripta sunt. Subsidiu vitalitium vnicuique Moniali quotannis præstandu à parentibus, alijsue Coniunctis, seruetur in arca Depositoru cuiusque Monasterij, illudque Monialis expendet ad vestes comparandas, aliosque proprios religiosos vsus, præuia tamen Abatissæ licentia, toties, quoties eo vti opus fuerit. Ex redditibus proindè Monasterij prohi-

hibentur Abbatissæ aliquid erogare Monialibus ad prædictum vsum. seu pro vestiario, sed redditus omnes in quotidianum Monialibus Educādis, & Conuersis cibum subministrandum, & in alios Monasterij necessarios vsus expendere debent. Idque ab eadē Sacra Congregatione pro Monasterijs huius Ciuitatis, & Diœcesis peculiariter præscriptum omninò seruari mandamus ab Abbatissis præsentibus, & futuris. Non enim par est, vt Monialis, quæ pingui, vel sufficienti fruitur subsidio, pecuniam etiam singulis quibuscumque annis ad titulum vestiarij, & strenæ extorqueat ab Abbatissa, quæ initio administrationis suæ, vt quotidianum Monialibus victum suppeditet, æs alienum contrahere cogitur, deficientibus in diem Monasterij redditibus.

Dotis quantitas, prout cuique Monasterio statuta est ita soluatur, nempe quadringentorum nummorum aureorum, præterquam pro monasterijs sub inuocatione Spiritus Sancti, & Sanctissimæ Trinitatis, quibus pro singulis puellis trecenti tantum nummi aurei præscripti sunt.

Quæ supra numerum præfixum admitti petierint, quàmuis duplicatam dotem soluere tenentur. Ex benignitate tamen Sacræ Congregationis indultum est, vt dimidiam, nempe ducentos tantum nummos doti superaddere debeant; singulæ verò illarum octo, quæ in Monasterium S. Claræ supra numerum triginta duarum vsque ad quadraginta receptæ fuerint,

quingenta tantum nummos aureos persoluant
supra solitam dotem.

Numerus in vnoquoque Monasterio à Sacra Congregatione preffixus non excedatur, quem tamen ad futuram rei memoriam in appendice apposuimus, tum Choralium, tum Conuersarum, siuè famularum, tum etiam puellarum educandarum.

Dos præterea persoluenda erit numerata pecunia penes tutum mercatorem à nobis approbatum, sed in Arca Monasterij post emissam professionem deponenda. Ad tollendam prauam consuetudinem, quæ diu uiguit magno cum monasteriorum incommodo, ac regularis disciplinæ detrimento, nempe, quod puellæ educandæ singulæ pro se vnaqueque priuatim proprio sumptu cibumsumeret, & monasterio annuos viginti quinque nummos aureos solueret pro habitatione: ex peculiari decreto, & mandato Sacræ Congregationis præcipimus, quod puellæ educandæ cibum sumant in communi cum alijs Monialibus, & quod prædicti annui quadraginta nummi aurei, pro earum habitatione, & victu quotidiano assignati, soluantur Monasterio, & Abbatissæ, quæ illas alit, prout cæteras Moniales in Refectorio.

Moniales omnes talarem coloris ordini suo congruentis induant tunicam, sed Conuersæ crassioris panni. Veli insuper gutturalis, vulgò *Succanno*, usum in quibusdam huius Ciuitatis Monasterijs aliquandiu intermissum, & ex peculiari Sacræ Congregationis

mandato restitutum , ac resumptum , à Monialibus omnibus, etiam Conuersis seruari omninò præcipimus . Antedictum verò velum gutturale sit candidū, minimè autem perspicuum , & perlucidum , vulgò

Trasparente.

Quæ intrà Moniales educantur , iuxtà loci sanctitatem modestas induant vestes à collo vsque ad pedes oblongas, atque ità pectori appressas, vt summa eius pars, aut humeri , nulla pateat, ac pectus cooperiant collotenus: non sericas, aut coloris parū modesti, sed laneas modesti coloris, aut cōformis vestibus monialiū. Capillos habeāt occipitio super alligatos, nō pendulos antè faciē, aut arte cōpositos. Eisdem præterea, quibus moniales legibus circà colloquutiones cū ijs, qui sunt extrà claustra : quod enim de educandis dictum est, hoc de Nouitijs, hoc de Monialibus , & Conuersis , etiam sancimus , quibus, vt se ab omni fuco, & corporis ornatu abstineant , mandamus.

Educandæ ab vnica tantum magistra , capitularitè electa , regantur , & locum à Monialibus segregatum habitent , in quo includantur nocte ab earum Magistra, ne inde exire valeant, & per Monasterium vagari. Verum , quia in aliquo è Monasterijs locum non habent à Monialibus diuisum , præcipimus , quod vbi non est locus segregatus pro eis , (donec is construatur) habitare , & dormire debeant apud earum consanguineas proximiores , vel apud magistrā, vel seniore[m] aliquā è monialibus; non enim
de-

deceat, vt puellæ locum ad suum libitum sibi eligant, vndè exire liberè possint, cum velint; nequè, vt alijs monialibus iunioribus habitatione, aut lecto iungantur.

Nouitiæ etiam sub vna magistra Regularem doceantur disciplinam, & completo probationis anno professionem emittant, aut dimittantur à Monasterio, & per biennium immediatè sequens, vt in eadem disciplina magis confirmetur, sub ipsius magistræ, vel alterius Monialis prouectæ ætatis regimine permaneant; & nisi parebunt, careant voce actiua, & passiva per dictum biennium.

Viriles vestes, nec ad scænicos quidè, aut ludicros actus induant, siuè Moniales, siuè Conuersæ, siuè Educandæ. Canem item nulla alat, nulla habeat, cuiusuis generis, aut sexus. Nulla Monialis ratione consanguinitatis, vel affinitatis cum educanda cubet, nequè cum alia Moniali, aut educanda; hoc enim prohibentur educandæ, nisi sorores sint.

Libros quoscumque prophanos amores continentes, aut bonos mores corrumpentes, nec legant, nec detineant.

Famulæ, quæ vulgò, Conuersæ, vocantur, non admittantur antè ætatem, quæ ad Nouitatum requiritur. Ad earum autem receptionem seruetur idem ordo pro educandis præscriptus. Peractò Nouitatus anno, professionem æquè ac Moniales Chorales statim emittant, aliter expellantur à Monasterio nobis

tamen prius consultis , vt praua tollatur consuetudo, in iisdem Monasterijs introducta, adhibendi laicas mulieres pro famulatu.

Conuersæ, dum reliquæ Moniales Chorales Horas Canonicas recitant in Choro, Rosarium Deiparæ, aliasque preces submissa voce percurrant ibidem: precationi etiam , ac sacræ lectioni intersint , atque huiusmodi exercitij , nedum non impediuntur, sed etiã inuitæ illis vacare cogantur ; hoc enim in virtute S. Obedientiæ, ac sub obtestatione diuini iudicij strictè præcipimus Abbatissis, reddituris propterea Deo, & nobis rationem , si proprij muneris partes hac in re implere(prout antea) prætermiserint. Eas præterea Abbatissæ sedulò laborare pro Monasterio tantum finent , nullo modo pro foris commorantibus, ad parandas præsertim quotidianas epulas, quod expressè iterum prohibemus.

Item ad extirpandum detestabilem verberandi Conuersas vsum, moniales omnes, & singulas, ac præsertim Abbatissas, certiores facimus, quod violentas manus quoties illis iniiciunt , toties excommunicationem incurrunt , quia Conuersæ sunt personæ Ecclesiasticæ , & gaudent priuilegio Canonis , quòd si qua in re Conuersæ peccauerint, primum eas Abbatissa fraternè moneat, corrigat , deindè pœnas à Regula decretas , aliasue huiusmodi eis pro modo culpæ cum charitate irrogabit.

Abbatissa regiminis rationem nobis reddat intrà semestre,

stre, spatium à regimine completo, alioquin utroque suffragio priuetur, donec rationem reddiderit; si autè ea reddita, aliquam pecuniæ summam Monasterio debere comperta sit, in Abbatissam iterum eligi nequeat, vsque dum pecuniam restituat, ac pœnas præterea incurrat à iure decretas.

Expleto administrationis tempore communibus redditibus recuperandis se non ingerat, ut omnia iura clamant, licet ob administrationem sit creditrix, aut æs alienum pro Monasterij necessitatibus contraxerit, sed dati, & accepti computum successori Abbatissæ fideliter tradat, quæ æs omne alienum dissoluet. Procurator autem Monasterij, qui Decretum hoc violauerit, munere priuetur.

Prohibitionem in vltima Synodo factam à b. m. Archiepiscopo Maurello, ut de eligenda Abbatissa nō loquantur, nisi quindecim antè diebus, quàm electio fiet, sub pœna excommunicationis latæ sententiæ, ac reseruata, &c. confirmamus, & in suo robore permanere decernimus, quia experimento didicimus, quàm necessariò, ac iustè facta fuerit, nec in Abbatissam eligatur, nisi quæ quadragesimum ætatis annū expleuerit, & octauum saltem ab emissâ solemnî professione.

Ianitrices, scû Ostiariæ, Rotariæ, Comitatrices, & Auscultatrices sint prouectæ ætatis, saltem supra quadraginta annorum expletorum, Sacristæ supra triginta annorum, itidem expletorum; Rotarijs in vir-

tute S. Obedientiæ strictè præcipimus, vt nullam, nequè educandatum, aut aliarum mulierum intra monasteriũ degentium, accersant ad colloquendũ cũ quauis persona, præterquã primo, & secundo gradu consanguinitatis cõiuncta; nisi monita prius Abbatisa, & de eius licetia; & in colloquutorijs cũ aliqua monialis, aut educanda, aut quæuis alia vocatur ad colloquendum, præsentcs semper sint Auscultatrices, quæ colloquentium personarum sermones omninò audiant, præterquàm primo, & secundo consanguinitatis gradu coniunctarum.

Nulla Monialis, nec Abbatisa spiritualement propinquitatem cum laicis contrahat. Et Procuratorem ad hunc actum constitui prohibemus; sic etiam Parochum, qui Procuratorem admiserit, graui poena puniemus.

Nulla item Monialis, aut Abbatisa cuicumque accedenti ad Monasteria cibum, scũ prandium in cratibus apponat, aut apponi faciat.

Famulas, quæ extrà Monasteriũ Monialibus inferuiũt, & quæ præsertim pãnos lineos abluunt, vulgò *Lauãdare*, iuxtà Decretũ D. Episcopi Venusini Visitatoris Apostolici insufficiẽtem numerum vnaquæque Abbatisa redigat, amotis superfluis: & nonnisi honestis, & probis mulieribus vtatur, easque, & earum singulas nulli moniali, alijsque intra Monasterium degenti priuatim deferuire patiatur: sed Choralem vnam Monialem, & duas prouectæ ætatis Conuersas,

& regularis disciplinæ studiosas, in Capitulo singulis quibusque annis deputet, quæ pannos omnes lineos ablucendos qualibet hebdommada colligant, ac famulabus, seu lotricibus tradant, ablutosque recipiant. Mandamus proinde in virtute. S. Obedientiæ, & sub eadem excommunicationis pœna latæ sententiæ, ac nobis reservata, à prædicto Domino Episcopo Venusino statuta. Abbatissis presentibus, & futuris, atque omnibus, & singulis Monialibus educandis, & Conuersis; vt omni futuro tempore Decretum hoc omnino seruent, ac respectiuè seruari faciant, quam excommunicationis pœnam famulas etiam, seu lotrices ipso facto afficere intendimus, si cuiusque intra Monasterium commoranti, exceptis Monialibus, & duabus Conuersis deputatis particulare famulatum præstent, aut pannos lineos abluant; multum enim refert ad bonam Monialium existimationem, ac Regularis disciplinæ obseruantiam huiusmodi infima conditione, & humili arte Mulierculas à Monasterijs arcere: quas vtinam Abbatissæ semper arcuissent, & arceant in posterum.

Ad moderandam nimiam pompam in Monialium Monasterijs præcipimus Abbatissis, ac etiam Monialibus singulis, aliena non vtantur suppellectili, nec cuiusuis generis tormēta explodi, aut machinas extrui faciant ignem iocosè euomentes ad festos dies solemniùs peragendos; prout à Prædecessora nostro laudabiliter statutum fuit.

In singulis Monialium Ecclesijs alias festiuitates, quā pro Sanctis Titularibus ipsarum Ecclesiarum, siue Monasteriorum huiusmodi Patronis, & ordinum, quorum illa respectiue sunt, fundatoribus institui, siue solemniter celebrari prohibemus. Volentes, vt festiuitates huiusmodi celebrentur cum consueto Monialium tantum cantu, Gregoriano nuncupato, quod peculiari Edicto à nobis promulgato, & à Sacra Congregatione Episcoporum approbato, iterum confirmamus.

Moniales præterea, dum Sacristæ munere funguntur, aut eiusdem muneris intuitu, nullo ære proprio faciant expensam pro Sacrario; quidquid autem pro Sacrario necesse erit, communibus Monasterij redditibus suppleatur; multum enim cum faciat Monialis Sacrista, si personalem operam muneri suo sedulo impendat, non est magis prægrauanda.

Sacram, vel prophanam suppellectilem Monasteriorum, vel Ecclesiæ, exteris, etiam pro seruitio aliarum Ecclesiarum absque nostra licentia nunquam comodent.

In Ecclesijs Monialium sint tantum scamna ad sedendum; sedem verò quamcunque prohibemus. Ecclesiæ fores semper sint clausæ, pateant tantum manè dum Missæ Sacrificium peragitur: in solemnioribus autē festis, cum Vespertinæ etiam horæ Canonice cantantur, aut Sanctissimum Eucharistiæ Sacramentum ad quadraginta horarias preces publicè adorandum exponitur.

Cum Concio habetur ad Moniales, Ecclesiæ porta sit subclausa, nemini pateat præterquam Confessario, & Sacristæ, qui semper concioni interfint. Concio autem præter Aduentus, & Quadragesimæ tempus, singulis etiam quibusque mensibus semel saltem habeatur. Ad Confessarium proinde incumbit, Concionatorem aliquem accersere à nobis ad hoc specialiter approbatum.

Confessarium etiam extraordinarium ter in anno à nobis petere; nempe quindecim diebus antè festum Natiuitatis Domini Nostri IESV CHRISTI, Paschæ Resurrectionis, & Assumptionis B. MARIAE VIRGINIS; & ipse interim cessare debet ordinarius ab audiendis confessionibus.

Communicatorij, & Confessionarij fenestellæ, quibus Sacrosanctæ Eucharistiæ, & Pœnitentiæ Sacramenta ministrantur monialibus, ac depositorijs, in quo sacra olea seruantur, clausæ semper sint, earumque clauës apud se detineat Confessarius ordinarius, & clauem etiam tabernaculi, Sacramentum præterea Sanctissimæ Eucharistiæ Monialibus ab alio Sacerdote nunquam ministrari sinet.

Confessarius quoties Monasterium ingreditur, sacramenta ministraturus infirmis, superpelliceum cum stola semper induat, deductus à Comitaticibus, aliaque, quæ præcedat cum tintinnabulo personante. Sacrificales vestes pro Ecclesijs Monialium à nobis solum benedicantur, aut ab eo, cui huiusmodi munus

nus à Sede Apostolica demādatum est : nunquam
verò à Regularibus.

Confessarij victum in diem nō recipiant à Monasterio,
sed stipendium prestari solitum.

Sacrario Præfectæ tantum liceat Sacristam alloqui
per Cratem Communicatorij pro rebus ad eius offi-
cium spectantibus. Idque quàm breuissimè, quando
per Crates ordinarias non possit.

Nulla Monialis, aliaue intra Monasterium degens, in
fastigium turr̃is campanariæ, siue campanilis ascen-
dat ad pulsandas manu campanas, quæ funibus fa-
ciliùs, & honestiùs pulsantur: & nè pateant Monia-
les, siue Conuersæ obtutui expositæ illorum, qui do-
mos Monasterijs viciniore in habitant, Pœnam pro-
indè excommunicationis latæ sententiæ, ac nobis
referuatam à Domino Episcopo Venus. Visitatore
Apostolico pro hac causa impositam, confirmamus.

Duæ famulæ, seu Conuersæ, quibus vna Monialis
Præsit, valetudinario quolibet anno deputetur, quæ
infirmarum curam sedulò habeant, in qua, si desidio-
sè se gesserint, Abbatissæ pro modo culpæ, grauib.
eas pœnis afficiant. Abbatissis verò, ac Vicarijs in
virtute S. Obedientiæ strictè præcipimus, vt prædi-
ctas Conuersas ad id muneris deputent, atque ad il-
lud diligenter obeundum vrgere non prætermittant;
circa enim infirmarum curam multum peccare Ab-
batissas, quæruntur Moniales omnes; cumque præci-
puum sit Abbatissæ munus inuigilare, vt infirmis
ne-

necessarium non desit ministerium; ideò in hoc sù-
moperè incumbent. Turpè enim est in Monasterijs
Monialium id non præstari, quod, nè in Hospitali-
bus quidem domibus cuius non denegatur pauperi.
Cappellanos pro missis celebrandis Moniales priuatim
non habeant, sed omnes à communitate Monasterij,
eiusque Abbatissa stipendium: quod si aliqua Moni-
alis, aut educanda pro sua deuotione voluerit Missas
celebrari facere, Abbatissæ pecuniam tradat, quæ de
nostra licentia alium Cappellanum supranumerariũ
deputabit.

Nullus in procuratorem Monasterij, siuè ad exigendum,
siuè ad lites, eligatur, nec de rebus ad Monasterium
publicè, vel priuatim pertinentibus, priusquàm fue-
rit à nobis approbatus.

Notarij præterea, siuè Apostolica, siuè Regia authori-
tate creati, si quoduis instrumentum, vel priuatam
scripturam de rebus ad monasteria Monialium, aut
qualemcumque actum confecerint, aut qualemcum-
que scripturam, tum publicam, tum priuatam à qua-
uis intra claustra degente subscriptam, absque præ-
cedente nostra licentia in scriptis, authenticam fece-
rint, vel ei se subscripserint, alijque complices, ex-
communicationem æquè incurrant, ac si cum Moni-
alibus loquerentur absque nostra licentia, vt supra
dictum est numero primo huius capituli.

In eandem pœnam incurrant surripientes, vel quomo-
dolibet sumentes quauis ex causa absque nostra in
scrip-

scriptis licentia, quamcumque pecuniarum quantitatē ex arca depositi, quæ seruatur in quolibet Monasterio, siuē Abbatissa sit, siuē quæuis alia Monialis Conuersa, vel famula, vel educanda, nec non cōplices, consilium, aut fauorem dantes, aut eandem pecuniam participantes, siuē Ecclesiastici, siuē laici, cuiusuis sexus, gradus, & conditionis.

Mādamus etiam Abbatissis, alijsque tūm Monialibus, tūm Conuersis, & Educandis, nē libros, in quibus descripti sunt redditus, & prouentus Monasteriorum, nec non Protocolla, seu instrumenta, & quascumque scripturas alias ad Monasterium, & Monialis pertinentes extrahant, aut extrahi faciant è Monasterijs, nobis inconsultis; qui verò, siuē Procurator, siuē quiuis alius prædictos libros, aut illorum aliquē, aut quamcumque scripturam accipiet, ac foras extrahet à Monasterio, siuē per se, siuē per alium, vterque excommunicationem latæ sententiæ, nobis reseruatam incurrat: plures enim libri, & publicæ scripturæ, maximo cum Monasteriorum detrimento deperditæ sunt, imprudentia, vel incuria Monialium, & fraude, doloque Procuratorum, ministrorum aliorumque eas circumuenientium.

Quæ de Monialibus hucusque dicta sunt, intelligenda sunt de omnibus tam Educandis, quàm Conuersis, ac de ipsis etiam Abbatissis, in ijs, quæ eisdem congruere possunt. Quæ de Monialium Monasterijs, accommodanda etiam Conseruatorijs, seu pijs domibus,

bus, si ad hæc aptari queant, Et quæ tandem de Abbatissis, obseruanda sunt à quacumque Superiore earum, quæ vitam degunt intrâ septa Monasterij.

C A P V T. XXVIII.

*De Administratoribus Hospitalium, Montis
Pietatis, Confraternitatum, & aliorum
locorum piorum.*

Cum, præpostero ordine seruato, temporalia bona Ecclesiarum, aut piorum locorum minori, quam par est, cura custodiantur, quamuis diuini cultus adiumento, ac pijs vsibus assignata. Nos pro viribus nostris magno huic incommodo consulere volentes, vnde magna Dei, & si bonorum nostrorû non egeat, existit iniuria. Pia enim voluntate eiusmodi rerum omnium in eum fuit translatum dominium, à quo sumpsit exordium; quare ijs, qui eisdem bonis administrandis, ac procurandis præficiuntur, hæc omninò iniungimus.

In Administratores Ecclesiarum Hospitalium, Montium Pietatis, Confraternitatum, aut cuiusuis loci pij, eligantur viri probi, religiosi, & prudentes, qui non sint eis debitores, aut causam litis, aut quodcumque interesse cum eis habeant. Electio fiat ab ijs, quibus ius est. Bona prædictorum locorum fideliter administrent, atque omni studio, conatu, & contentione
fata-

fatagant, ne occupentur, vsurpentur, aut depereant. Regulas, & statuta cuiuscumque loci pij respectiue fideliter seruent, sumptus inutiles non faciant, sed redditus in necessarios vsus, & in ea opera, quibus sunt additi, erogent.

Bona quæcumque, siue mobilia, siue immobilia, non alienent, seu distrahant, & si quæ sunt alienata recuperent, census perpetuos, & irredimibiles non extinguant; pecunias verò ex censibus redimibilibus, quos debitores dissoluent in nouam emptionem non vertant, nec censui dent absque legitima facultate sub pœna excommunicationis latę sententię nobis reseruare, quam pœnam incurrant etiam contrahentes, & Notarij, qui scripturas confecerint. Rationes administrationis quotannis reddant ad præscriptum Sacro Concilio Tridentino, nec denuò in Administratores elegi, aut confirmari possint, nisi redditus prius rationibus, & legitimè liberati, quòd si debitores reperi fuerint, excommunicationis item latę sententię pœnam à Domino Archiepiscopo Maurello impostam, incurrant, nisi intrà sex menses integrè restituerint; quæ pœna extenditur etiam ad illos maximè, qui vsque ad hoc tempus quascunque pecuniarum quantitates, quas ratione administrationis ceperunt, aut quæcumque bona, vel scripturas antedictorum locorum quomodolibet iniuste detinent.

De bonis Ecclesie non alienandis.

OMnes, & singuli quocumq; titulo possidentes, vel administrantes bona Ecclesiastica, vel ad quosvis usus assignata, siue Ecclesiastici sint, siue laici, si illa usurpent, aut usurpari consentiant, vel permittant, sciant, se poena Excommunicationis late sententiae sanctae Sedi Apostolicae reservatae incurrere, quam poenam incurrunt etiam si praedicta bona quomodolibet alienent, absq; legitima facultate, qua tamen interveniente in quocumq; contractu emptionis, venditionis, pignorationis, census, aut cuiusvis alienationis, sepe expressa fiat mentio oneris, quod dictis bonis est adiectum, siue sit pro celebratione Missarum, siue pro quocunque pio opere nec non quantitatibus pecuniae, vel annui redditus debiti pro onere temporis solutionis, ac etiam Ecclesiae, Cappellae, Oratorii, Beneficii, Legati, vel loci pii, de cuius interesse agitur.

Cum sacras res diuino cultui dicatas, ac bona pretiosa mobilia alienare, aut pignori dare, quavis urgente necessitate, non liceat, neq; deceat, qui tamen non desunt, qui de facto eas commodant, alienant, & pignori dant, absq; vlla licentia. Ideo sciunt se eandem excommunicationem supra numero 5. in hoc eodem capite indicatam incurrere.

Com-

Commissarij, aut Delegati ad cognoscendum, an alienationes rerum Ecclesiæ cedant in euidentem ipsius Ecclesiæ vtilitatem, si amore, timore, pecunia, aut quacūq; alia causa fraudem fecerint in præiudicium Ecclesiæ in eandem excommunicationem latæ sententiæ Summo Pontifici reservatam incidunt, quam pœnam etiam incurrunt partes, & quicunq; huiusmodi alienationes in sui fauorem quomodolibet obtinuerint, nec non mandantes, consultores, & qualescunq; opem præstantes, ac etiam testes, qui falsum in præiudicium Ecclesiæ deposuerint, & nihilominus ad restitutionem tenentur.

Neq; ab his solum abstinere se debent possessores, & Administratores bonorum Ecclesiasticorum, sed etiam omni conatu, & diligentia conseruare tenentur omnia iura, & bona Ecclesiastica, & in locationibus, siuè domorum siuè aliorum bonorum immobilium rogare facere publicos Notarios, qui locationum predictarum actus in commentarium referant describendo in eis cōfinia, & alia, quæ indemnitati Ecclesiarum, & locorum piorum magis conducere possunt, & omnem adhibere diligentiam, ne bona Ecclesiastica vsurpētur, & vt, quæ vsurpata iam sunt, restituantur.

Bonorum Ecclesiæ locatio, nec ad breuissimū quidem tempus fiat, nisi Notarij instrumentum locationis confecerint.

Monemus omnes, & singulos cuiuslibet ætatis, sexus,

gradus, & conditionis, qui bona immobilia, aut mobilia, contractus, instrumenta, processus, scripturas, iura, census, quæcunq; pecuniarum quantitatem, aut quamlibet rem aliam ad nostram mensam, vel Curiam; vel Metropolitanam, aut alias Ecclesias, Monasteria, & alia quæcunq; loca pia nostræ Diœcesis spectantem, iniuste detinent, quatenus intra sex mensum spatium à die publicationis presentis Decreti, debitam faciant restitutionem, alioquin dicto termino elapso excommunicationem latæ sententiæ incurrant, cuius absolutionem nobis reservamus, & excommunicati censeantur, prout presenti Decreto excommunicati iam nunc pro tunc declarantur, & nihilominus, ut à nefario hoc sacrilegio deterreantur huiusmodi criminis consci, Parochis singulis nostræ Diœcesis præcipimus, ut semel quolibet anno in festiuitate Circumcisionis D. N. Iesu Christi, cum populus frequentior est in Ecclesia, Decretum hoc publicet vernacula lingua, ut ab omnibus intelligatur.

C A P V T. XXX.

De Festis seruandis.

PReceptum de piè, sanctèque colendis festis, & abstinendo ab omni opere seruii, præceptum Domini est, & proprio digito Dei in prima Decalogi tabula exaratum; idcirco cõuenit, ut Christianus popu-

pulus enixè incumbat ad illius obseruantiam, ob quā hæc breuiter duximus statuenda. Nullus ergò à media nocte præcedente festum, vsque ad mediam noctem sequentem eiusdem, opera seruilia exerceat, à quibus si non abstineat, poenam ad præscriptum Bullæ Pij Quinti subibit.

In diebus festis prohibentur præterea choreæ, ludi, comedix, & inania spectacula manè saltem, obæratos, seu ære alieno laborantes in carcerem conijcere, vel eorum bona per satellites apprehendi, publicas tabulas conficere, & contractus: par enim non est, vt dum ad Deum accurritur ab hominibus timeatur. Item omnis iudicialis strepitus conquiescat, nec iuramenta præstentur, & omnia seruilia, ac mechanica cessent.

Tolerantur autem in iisdem festis propter necessitatē messes, vindemiæ, lata, ac sericū, atque ita frondes colligere pro bombycibus fructus, & niuem, aliaque ad quotidianum victum necessaria, cum animalibus deferre, onera quæcumque super humeros asportare, dummodo antè hæc opera missæ intersint. Comestibilia vendi permittuntur. Molendina modò prius Molitores Sacrum audiant; sic etiam toleramus Aromatarios, Pistores, fabros ferrarios pro aptandis soleis ad equos, et mulos, Barbitonsores pro sanguine emittendo, aut medendo, et caupones, sed in casibus necessitatis, vel publicè utilitatis semper à nobis, vel à Vicarijs foraneis, aut Parochis ob-

obtainetur facultas, per operarios, gratis præstanda, quæ omnia non nisi post prandium, aut saltem post auditam Missam permittantur.

Quoniam autem praua consuetudo, quæ diù viguit, nempe vt puellæ nobiles, aliæq; ac præterea Viduæ Missæ sacrificio diebus Dominicis, alijsq; festis de præcepto, non intersint, ratione consuetudinis, cæpit iam aboleri, ac Deo iuuante omninò destruendam fore speramus. Ideò Parochis strictè præcipimus, vt subditos suos publicè, ac priuatim hortari, ac mone-
re non prætermittant. Parentes etiam hortamur, ac monemus, vt puellas Nobiles, aliasq; ac mulieres omnes à Missæ sacrificio audiendo non impendant; sed illas, etiam inuitas, ad id cogant. Idemq; curabunt Parochi, vt viduæ (intra annum etiam luctus) faciant. Experimento enim planè compertum est, Parochorum monitiones in aliquibus locis plurimum valuisse ad huiusmodi detestabilem consuetudinem extirpandam.

Nec satis erit ad legis obseruantiam ab operibus seruilibus se abstinere, nisi aliquod temporis spatium in Dei seruitium impendatur, & præsertim in audiendo Sæcro in Parochiali propria Ecclesia, vt ibi, quæ sibi expediant ad animæ salutem, circa tempora ieiuniorum, detegenda impedimenta matrimonij, festorum notitiam, & verbum Dei audiendum possint fideles instrui, & doceri. Et ab audiendo Missæ sacro nemo doli capax est exemptus, seu immunis,

Vt

Vt verò sciri possint festi dies de præcepto, Index subsequens apponitur pro nostra Diœcesi, qui in albo Ecclesiarum pendeat.

IANVARIVS.

- 1. Circumcisionis Domini.
- 6. Epiphania eiusdem.

FEBRVARIVS.

- 2. Purificationis B. Mariæ Virginis.
- 24. Sancti Matthiæ Apostoli.

MARTIVS.

- 19. Sancti Iosephi Sponsi B. M. V.
- 25. Annunciationis B. M. V.

APRILIS.

- 2. Sancti Francisci de Paula Prouinciæ Protectoris, & Ciuitatis Patroni.

MAIVS.

- 2. SS. Philippi, & Iacobi Apostolorum.
- 3. Inuentionis Sanctæ Crucis.

IVNIVS.

24. Natiuitatis S. Ioannis Baptista.
 29. S.S. Petri, & Pauli Apostolorum.

IVLIVS.

25. Sancti Iacobi Maioris Apostoli.
 26. S. Annæ Matris B. M. V.

AVGVSTVS.

4. S. Dominici Regni Protectoris minus Principalis.
 10. S. Laurentij Martyris.
 15. Assumptionis B. M. Virginis.
 25. S. Bartholomei Apostoli.

SEPTEMBER.

8. Natiuitatis B. Marię Virginis.
 19. S. Ianuarij Martyris præcipui Regni Patroni.
 21. S. Matthei Apostoli.
 29. Dedicationis S. Michaelis Archangeli.

OCTOBER.

28. S.S. Simonis, & Iudæ Apostolorum.

NOVEMBER.

1. Omnium Sanctorum.
 30. S. Andree Apostoli.

DECEMBER.

8. Immaculate Conceptionis B.M.V. in Ciuitate
 21. S. Thomę Apostoli.
 25. Natiuitatis D.N. IESV CHRISTI.
 26. Sancti Stephani Prothomartyris.
 27. S. Ioannis Apostoli, & Euangelistę.
 28. S.S. Innocentium.
 31. S. Siluestri Papę.

FESTA MOBILIA.

Dominicę omnes per annum.
 Pascha Resurrectionis Domini cum duobus sequenti-
 bus diebus.
 Ascensio Domini.
 Pentecostes cum duobus sequentibus diebus.
 Festum Corporis Christi.
 Sancti Patroni in proprio Oppido, aut Pago.

EX DEVOTIONE.

Feria IV. ad Cineres vsque ad prandium.

Feria V. in Coena Domini vsque ad prandium.

In Archiepiscopali Tribunali alia festa non seruantur, quàm ea, quæ sunt de præcepto Ecclesiæ, & à die Natiuitatis Domini, vsque ad Epiphaniam, & à Dominica Palmarum, vsque ad Dominicâ in Albis.

C A P V T. XXXI.

De Ieiuniorum obseruantia.

Corporali ieiunio, vt canit Ecclesia, Deus vitia comprimit, mentes eleuat nostras, virtutem largitur, & præmia. Ratio ergò postulat, vt omnes ieiunent, non solum ab escis, verum etiam à vitijs, & peccatis. Ieiunium seruare tenemur, qui vigesimum primum expleuerint annum, præterquam si aliqua infirmitate impediuntur, aut sexagesimum excesserint annum. Quadere quisque Confessarium suum consulat, & ad instar festorum, tempus ieiunij currit à media nocte vsque ad mediam noctem; quo tempore abstinendum est ab omnibus escis carnalibus, & cæteris omnibus, quæ inde sementiam habent originem. Quæ omnia prohibentur etiam diebus Dominicis Quadragesimæ, licet his ieiunare non teneatur populus.

Cum autem vetentur fideles Quadragesimæ tempore carnibus vesci; dedecet eas venales publicè exponi: eas proinde Macellarij intrâ macellum teneant;

& nul-

& nullatenus vendant, nisi ijs, qui licentiam in scriptis exhibuerint. Hanc verò licentiam cibos Paschales edendi non denegamus illis, qui iustam habent causam ex Medicorum attestazione, quibus in virtute S. Obedientiæ præcipimus, vt in attestationibus faciendis non sint faciles, & vt aliorum corpora iuuent, eorum, ac suas conscientias onerent, qui in Diocesi commorantur, licentiam à proprijs Vicarijs foraneis, & Parochis petent; qui verò in hac Ciuitate à Vicario Generali, & vno ex Deputatis. Vt verò omnibus innotescant dies ieiuniorum, & alij, in quibus abstinendum sit à carnibus, ouis, & lacticijs, sequens declarabit Index, qui proinde in peculiari tabella transcriptus pendeat in Sacristijs omnium Ecclesiarum Parochialium, Nobis cum Kalendario festorum ostendendus, tempore sanctæ visitationis.

I N D E X.

Dies omnes à feria IV. Cinerum, vsque ad Sabbatum Sanctum inclusiue.

Feria IV. VI. & Sabbata quatuor temporū per annum, videlicet post Dominicam primam Quadragesimæ, post Dominicam Pentecostes, post festum Exaltationis S. Crucis, & post Dominicam tertiam Aduentus.

Vigiliæ S. Matthæi Apostoli.

Natiuitatis S. Ioannis Baptistæ.

SS. Petri, & Pauli Apostolorum.

Sancti Iacobi Maioris.

Sancti Laurentij.

Assumptionis B. M. V.

S. Bartholomæi Apostoli.

Sanctorum Simonis, & Iudæ Apostolorum.


Omnium Sanctorum.

Sancti Andreæ Apostoli.

Natiuitatis Domini, & Pentecostes.

Quæ si incidant in Dominicam, ieiunandum erit Sabbatho præcedenti, vt etiam si Vigilia Natiuitatis S. Ioannis Baptiste incidat in diem festum Corporis Christi feria IV. antecedenti erit ieiunandum.

Eius carniū prohibetur feria sexta, & sabbato cuiuslibet hebdomadæ, & si in alterutro eorum dierum festum Natiuitatis Domini inciderit, ex peculiari Ecclesiæ priuilegio carnibus vesci licet, nisi voto speciali fuerit aliquis adstrictus: quemadmodum etiam consuetudine receptum est duplum ientaculum accipere in Vigilia eiusdem Domini Natiuitatis. Vigilia Sanctiss. Conceptionis Boll. V. seruatur in hac Ciuitate ex voto; non desinant ergo Parochi prædictos ieiuniorum dies populis debito tempore inter Missarum solemnia denunciare.



De Foro Archiepiscopali.

Ratio postulat, vt post leges cæteris datas, Fori etiam nostri Archiepiscopalis ministris, nempe Vicarijs, Actuarijs, & scribis, aliæ præscribantur, quas inuiolabiliter seruari mandamus. Vicarius ergò noster Generalis munus sibi iniunctum antequam exercere incipiat, iurabit, se fideliter illud administraturum, & taxam Innocentianam, & Curix seruabit, & seruari faciet omninò.

Attestationes, seu approbationes pro obtinendis Canonicatibus, aut beneficijs, siuè curatis, siuè absque animarum cura, litteræ etiam dimissoriæ causa absentix non dentur, nisi à nobis tantum, & nobis absentibus à Generali nostro Vicario, si hæc facultas specialiter ei demandata fuerit.

Attestationes item de statu libero nullæ fiant, sed illas petentibus detur integrum exemplar informationis, seu inquisitionis factæ, vt clariùs pateat status liber, gratis tamen, & in authentica, & legali forma.

In ciuilibus autem causis, semper ante, & post prandium competenti hora audiat Vicarius litigantes, & si causæ fuerint alimentorum, mercedum, pensionum domorum, executionum, aut alia huiusmodi, quæ moram nò patiuntur, atque earum omnium, quæ summa ducatorum viginti non excedunt, summariè, simpli-

pliciter, & de plano sola rei veritate inspecta definiat absque figura iudicij, nisi causæ cognitio requiratur. In cæteris autem causis, quæ via ordinaria tractandæ erunt, studeant paterno consilio partes ad concordiam trahere; & ubi renuant, de iustitia prouideat.

Monitoria ad finem habendi reuelationes non concedantur, nisi bona, quæ postulantur, ascendant ad valorem duodecim saltem aureorum.

Pœnæ, & mulctæ deponantur pœnes tutam personam Ecclesiasticam à Nobis deputandam, quæ eas fideliter describat, redditura earum rationem ad præscriptum Sac. Concilij Tridentini.

Diætæ pro capienda informatione soluantur ab Actore, vel fisco repetendæ à reo postquam constiterit de delicto, & reus ipse contumax reputatus fuerit.

Ad pœnam pecuniariam nemo damnetur, aut ad transactionem commissi criminis admittatur, nisi reus eam spontè obtulerit post peractas defensiones, et non antea, ac ser. de iure ser.

Pecuniarum quantitates, pro quacunque causa, siuè à litigantibus, siuè à debitoribus Ecclesiarum, & Cappellarum, & locorum piorum deponantur, & seruentur in Arca Montis Pietatis huius Ciuitatis, donec prouideatur, quid de illis faciendum sit. Canonici Administratores dicti Montis depositas pecunias in librum referant, de eis rationem reddituri.

Taxa Innocëntiana seruetur ad vnguem, & non amouea-

ueatur à Cancellaria, vbi eam exponi fecimus iam inde ab eiusdem promulgatione. Tabella etiam, seu Taxa antiqua nostræ Curiae pro causis civilibus, & criminalibus in publico pendeat, vt ab omnibus seruetur.

Decretum à Domino Episcopo Venusino Visitatore Apostolico editum, ac etiam in Synodo à Domino bon. mem. Archiepiscopo Maurello de procedendo contra delinquentes in causis criminalibus, iuxta stylum Romanæ Curiae, citationes, monitiones, seu monitoria relaxando, nedum sub pecuniaria poena, sed etiam in subsidium excommunicationis, & aliarum poenarum Ecclesiasticarum, & de eosdem delinquentes condemnando in contumaciam in causis grauioribus, ac de sententia executioni demandanda, si elapso anno non comparuerint, iuxta Constitutionem Pij IV. confirmamus, approbamus, & seruari mandamus.

In scripturis, quæ præsentantur in Curia penes acta quarumlibet causarum, annotet Cancellarius, seu Scriba diem, & nomen illius, per quem scripturæ præsentatae sunt per extensum, non autem per numeros. Contumacias quoque accusatas, ac dies, quibus accusantur, per extensum, & per litteras alphabeticas, non per numeros, clarè scribat, & notificet Promotori fiscali.

Seruientium, seu Curforum nostræ Curiae relationes nullam faciant fidem, nisi fuerint scriptæ propria ipsorum

forum Curſorum manu, uel ipſis ſcribere neſcientibus, manu alicuius publici Notarij, uel noſtri ordinarij Cancellarij, ac etiam Archipreſbiteri, ſeu Vicarii foranei illius loci, in quo ſcriptura notificata, & intimata fuerit. Idque ad tollendas, & vitandas fraudes, & falſitates, quas ſemel accidiſſe comper-
tum eſt nobis.

Actuarij, ſeu Notarij, & Scribæ in noſtro foro non admittantur, niſi bonæ famæ, & probatæ vitæ, & in ſuo munere periti. Idoneam præſtent fideiuſſionem, aut ſaltem iuratoriæ de fideliter, ac diligenter ſeruiendo, & ſecretum ſeruando in quibuſcunque rebus, ac præſertim in formandis inquéſitionibus, agitando, aut expediendis cauſis, ſecretis Curia ſeruandis, proceſſibus informationum non detegendis, & ſingulis ad eorum munus ſpectantibus, quacunque fraude, colluſione, extorſione, ac perſonarum acceptione ceſſante, præſtandis.

Eandem fideiuſſionem præſtet carcerum cuſtos, de ijs omnibus, quæ ad munus ſuum pertinent.

Promotor ſcalis ſimpliciter iuret de munere fideliter exercendo.

Vt autem Archiuij noſtri ſcripturæ benè aſſeruentur, ſancimus, quod duo ex Capitulo Metropolitanæ Eccleſiæ, uel Clero Ciuitatis, aut alij fide digni, ac verſati in inuentarijs conficiendis, à nobis deputandi, diligenter ſcripturas perquirant, in ordinem redigant, & ſuis locis diſtinctè reponant; acta criminalia

seorsim à ciuilibus; sic etiam, quæ ad Tribunal S. Officij, Ecclesiasticam immunitatem, & beneficia pertinent, & ad Matrimoniorum contractus, quæ omnia in libro magistrali per alphabetum describât, & plenum inuentarium conficiant, cuius originale remaneat, & seruetur in Curia; exemplar verò penès nos, & in principio cuiuslibet anni nouum inuentarium fiat, in quo registrentur processus omnes anni præcedentis. Archiuij clauēs detineantur ab Archiuario à nobis deputando, qui fide iubebit de eo fideliter custodiendo.

Processus causarum, & scripturas quascunq; ad Curiam spectantes penès se in curia retineat Cancellarius, nunquam domi, nec partibus litigantibus, sed earum Procuratoribus tantum, de licentia tamen generalis nostri Vicarij, eas tradat, & tunc illos proprio caractere scribere faciat in peculiari libro ad hunc effectum deputato; qui processus, vel scripturas accipiunt, cum commeratione foliorum: eundemq; librum bis in mense Cancellarius recognoscet, vt ipsorum processuum, & scripturarum congruo tempore non restitutarum, restitutioni incumbat. In quorum singulis si defecerit, & in recognitione processuum, & scripturarum cum restituuntur, & deindè aliquod folium deesse, aut vitium compertum fuerit, ipsi Cancellario imputabitur, ac pœnas luet, nisi de sua innocentia constare facerit. Processus igitur cum diligentia, & cum particulari cuiuslibet actus descrip-

tione in margine, bene futos, ac per numerum foliorum, seu paginarum distinctos, sedulò ordinet, & disponat. Processus, seu quævis scriptura alia, non extrahantur ab Archiuio, seu à Curia absque nostra licentia gratis, & et in scriptis concedenda; non comprehendantur autem in hac prohibitione processus illi, qui actantur in diem inter partes, & quorum pendet lis, sed hi Procuratoribus, fide dignis, quoties opus fuerit, tradantur, præuia apoca de recepto, nec diù eos à dictis Procuratoribus detineri sinat Cancellarius: multi enim amissi sunt in curia, siuè Cancellariorum, siuè malitia litigantium.

Acta etiam, siuè ciuilia, siuè criminalia, aut quæcunque, alia scriptura ad Romanam curiam non trasmittantur, nobis inconsultis. Animaduertat proindè Cancellarius, & quiuis alius nostræ curiæ Minister, quòd si in hoc deliquerit, graui pœna punietur, & officio priuabitur: Librum Cancellarius penès se detineat, in quo cum quis in carcerem nostræ, vel alterius curiæ de mandato nostro detrudetur, diem carcerationis, & illius causam, nec non diem, quo è carcere cōdennatus, vel absolutus, vel sub cautione, aut alio modo fuerit dimissus, describat, ac pœnam etiam, qua damnatus fuit.

Consimilem librum habeat carcerum custos, in quo notentur etiam, qui pro ære alieno in carceribus detinentur; atque hic liber fiat ab alio Scriba, si carcerum custos scribere nesciat.

Surripientes, subtrahentes, comburentes, vel suppresses processus, acta criminalia, aut quascunque scripturas, siue ad curiam, siue ad Cancellariam Archiepiscopalem quomodolibet spectantes, sciant, se dignitate, officio, beneficio priuatos esse, & inhabiles ad ea in posterum reddi. Notarios verò, seu Cancellarios, & scribas, qui in prædictis deliquerint poenam falsi incurrere ex constitutione B. Pij V. 6. Martij 1571. edita.

Cancellarij, & Scribæ diebus non feriatis mane, & vespere assistent in curia; diebus verò feriatis aliquis eorum in Archiepiscopali nostro Palatio: alioquin officio priuabuntur.

Qui in ministrum aliquem nostræ Curiae ordinarium, vel extraordinarium, vel delegatum, ac etiam cursores, seu seruientes, vel in aliquem ex Vicarijs foraneis, aut Parochis huius Ciuitatis, & Diocesis contumelias, iniurias, vel alio prauo modo intuitu suorum officiorum intulerit, aut impedimentum aliquod creauerit, quo minùs Ecclesiastica nostra iurisdictionem in Bulla cœnæ Domnini die legi consueta contentam, incurrit.

CONCLUSIO

DEcernimus etiam, vt, vbi hæ nostræ Synodales constitutiones promulgatæ fuerint, intra menses duos, omnes, & singulos, quos tangunt, afficiant,

ac si personaliter, & singulariter singulis intimatæ,
ac notificatæ fuissent.

Quidquid autem Prædecessores nostri Archiepiscopi
in eorum Synodis ad Cleri, & populi ædificationē,
& normam sanxerunt, nō tamen quoad pœnas ipsis
contentas in suo robore, & firmitate relinquimus,
quatenus Summorum Pontificum cōstitutionibus
Decretis Sac. Cōgreg. & his nostris nō aduersantur.
Et si quam fortè dubitationem, aut difficultatem in his
met constitutionibus suboriri contingerit, eius ex-
plicationem nobis reseruamus.

Postremò, quia eas inusolabiliter obseruari intēdimus,
mandamus omnibus, & singulis, tam curam anima-
rum gerentibus, quàm Confessarijs, alijsque omni-
bus, ad quos spectat specialiter prædicta, quæ decre-
ta sunt, memoriæ tenere; vt librum Synodaliū
constitutionum impressum, quamprimū habere
fatagant, & assiduè perlegant: vt sciant, quid sibi fa-
ciendum, quidue fugiendum sit, & vt interrogatus
quilibet eorum possit in promptu respondere.

Hæc, quæ ad maiorem Dei gloriam, Ecclesiasticæ disci-
plinæ instaurationem, & spiritualem Vniuersæ Dice-
cesis profectum statuenda duximus, seruanda propo-
nimus: salua tamen Apostolicæ Sedis approbatione,
cuius iudicio, & correctioni ea, nosque ipsos omni-
nò subijcimus.

F I N I S.

IN-

I N D E X

TITVLORVM.

D E Fide Catholica Titulus. primus. fol.	1.
De Doctrina Christiana titulus secundus fol.	3.
De Verbi Dei Prædicatione titulus tertius. fol.	4.
De Sacramentis ministrandis titulus quartus fol.	7.
De Sacramento Baptismatis titul. quintus fol.	8.
De Confirmatione tit. 6. fol.	12.
De Pœnitentia tit. 7. fol.	14.
De Casibus Reservatis tit. Octauus. fol.	17.
De Sanctissimo Eucharistiæ Sacramento tit. 9. fol.	21.
De Ordine tit. 10. fol.	27.
De Matrimonio tit. 11. fol.	32.
De Extrema Vnctione titulus. 12. fol.	36.
De Sacrosanctis Ecclesijs titul. 13. fol.	37.
De Reliquijs, & veneratione Sanctorum tit. 14. fol.	44.
De Celebratione Missarum tit. 15. fol.	45.
De Exequijs Defunctorum tit. 16. fol.	53.
De Vita, & honestate Clericorum tit. 17. fol.	62.
De Seminario tit. 18. fol.	69.
De Officio Parochi tit. 19. fol.	73.
De Canonicis, & Dignitatibus tit. vigesimus fol.	81.
De Officio Decani, ac Pœnitentiarij fol.	88.
De Officio Archidiaconi. fol.	89.
De Officio Cantoris. fol.	90.
De Officio Thesaurarij. fol.	91.

De

De Præbenda Theologali fol.	92.
De Chori Disciplina titulus vigesimus primus fol.	93.
De Beneficijs Ecclesiasticis titulus 22. fol.	97.
De Examinatoribus Iudicibus, & Testibus Synodali- bus tit. 23. fol.	99.
De Archipresbiteris, seu Vicarijs foraneis tit.	24.
fol.	101.
De Quæstuarijs tit. 25. fol.	105.
De Regularibus tit. 26. fol.	106.
De Monialibus tit. 27. fol.	108.
De Administratoribus Hospitalium, Montium Pieta- tis, Confraternitatum, & aliorum locorum Piorum titulus vigesimus octauus. fol.	128.
De Bonis Ecclesiæ non alienandis tit. 29. fol.	130.
De Festis seruandis titulus 30. fol.	132.
De Ieiuniorum obseruantia tit. 31. fol.	138.
De Foro Archiepiscopali titulus 32. fol.	141.
Conclusio fol.	147.



CVSENTINA SYNODI.

Archiepiscopus Cusentinus in Synodo Diocesana inter cætera infra scripta Decreta promulgavit, videlicet.

Capite quinto titulo de Baptismo, numero octavo folio decimo sexto.

Primo. Parochi fides Baptismorum nemini dent absque nostra licentia gratis largienda in scriptis obtentâ, sub eadem pœna ad nostrum arbitrium. Pluries enim contigit in nostra Diœcesi delinquentem, qui minor ætate ex aspectu reputabatur, morte damnatû fuisse, fide Baptismi ad hûc finem extorta à Parocho, ac sæpius etiam fit, vt prima tonsura indigni, atque à nobis reprobati, habita à Parocho fide Baptismi, alienos Episcopos adeant, vt ad ordines promoveantur.

Capite septimo de Pœnitentia, numero octavo, folio vigesimo.

Secundò Confessarius quivis, nemine excepto, qui in confessione, vel ante confessionem, aut intra triennium post confessionem cum Pœnitente, siuè masculini, siuè fœminini sexus (quod Deus auertat) rem turpem habuerit, vel qualemcumque mortiferam culpam ad luxuriam spectantem commiserit, etiam si pœnitentis cum qua, vel quo peccauit, confessionem semel suscepisset, si sæcularis sit, excommunicationem latæ sententiæ, cuius

ius absolutionem nobis reservamus, incurrat; si vero Regularis ab audiendis confessionibus sit ipso facto suspensus, nec ad eas idoneus habeatur, quàmvis à nobis admissi ab eo eius modi criminis ignaris, facultatem iterum obtineat.

Capite undecimo de Matrimonio numero tertio, folio quadragesimo sexto.

Tertiò antequam Parochus Sponsos in facie Ecclesiæ matrimonio cōiunxerit, hæc sibi nouerit esse facienda. Primò denunciationes trinas præuia licentia nostræ Curiaë gratis concedenda, præmittat tribus diebus Dominicis, vel festiuis, inter Missarum solennia, nulla ne quidem vlla prætermissa, absque nostra licentia, quibus præmissis volumus in Ciuitate explorandum esse consensum sponsæ per Deputatum à nobis, cum interuentu Cancellarij nostræ Curiaë, qui ipsius sponsæ examen in acta referat. Extrà verò à proprio Parocho iuxta instructionem aliàs à nobis traditam. Denique explorati consensus, ac denunciationum attestationibus ad nos transmissis constare debbit in Curia per constitutum Sponsi, & examen duorum aliorum testium in forma legitima de statu libero vtriusque Sponsi, vel quatuor, si non fuerint Sponsi eiusdem patriæ, & loci, ac post hæc liberum erit Parochis celebrare Matrimonium, præcedente tamen iterum licentia, seu decreto nostræ Curiaë, quod gratis concedetur.

Dicto capite undecimo numero decimo nono. folio quinquagesimo.

Quartò pœnas à Prædecessoribus nostris aliàs impositas pro accessu, ingressu, & cohabitatione Sponsorum ante Matrimonium coràm Parocho, & testibus celebratum ad pœnam librarum decem. ceræ albæ pijs vsibus applicandarum tantùm redigimus, quam omninò exigi, & in pios vsus, vt supra conuerti præcipimus. Parochi si non denuncient talei accessum, siuè ingressum suspensionem ipso facto incurrant, declarantes tamen, quòd non intendimus prohibere accessum illum, qui à Sponso publicè fit cum sanguine coniunctis ad salutandam sponsam, & ad tangendum tantùm illius manum, vt vulgò dicitur.

Capite decimo sexto. De exequijs Defunctorum, numero decimo tertio. folio septuagesimo septimo.

Quintò Societas mortis, Confraternitates aliæ, & Cappellanus Hospitalis nostræ Ciuitatis in posterum mortuos non sepeliant, nisi consultò proprio Parocho, idque sub pœna excommunicationis latæ sententiæ respectu Præfecti, & Confratrum dictæ Societatis, & aliarum Confraternitatum, & sub pœna suspensionis ipso facto, aliasque ad nostrum arbitrium respectu prædicti Cappellani.

Capite vigesimo secundo titulo. De Beneficijs Ecclesiasticis numero secundo.

Sextò, qui de aliquo Beneficio Ecclesiastico in nostra Ciuitate, vel Diocesi existente à S^{ca} Sede, ei usque Summo Pontifice, aut ab alio conferendi ius habentè prouisus fuerit, litteras Apostolicas, siuè collatitias

ante illarum exequutionem in nostra Curia exhibere
teneatur sub pœna excôcommunicationis latæ sententiæ
nobis reseruata, vt quæ in dictis litteris continentur
comprobari possint, & cognosci, num preces verita-
ti nitantur, cum pluries fraudem factam fuisse repe-
rimus ab impetrantibus beneficia, tùm extenuan-
do valorem fructuum, tùm tacendo alia beneficia,
quæ possident, tùm maximè non aperiendo causas,
ob quas Beneficiorum sunt incapaces.

*Capite vigesimo septimo. De Monialibus. numero vige-
simosecundo. folio centesimo quinquagesimo primo.*

Septimò. Subsidium vitalitium vnicuique Monialium
quotannis præstandum à Parentibus, alijsque con-
iunctis seruetur in Arca depositorum cuiusque Mo-
nasterij, illudque Monialis expendet ad vestes com-
parandas, aliosque proprios religiosos vsus, præuia ta-
men Abbatissæ licentia, toties, quoties ea vti opus fue-
rit. Ex redditibus proindè Monasterij prohibetur
Abbatissæ aliquid erogare Monialibus, educandis, &
Conuersis. In cibum subministrandum, & in alios
Monasterij necessarios vsus expendere debeat, idque
à Sacra Congregatione pro Monasterijs huius Ciui-
tatis, & Diœcesis specialiter præscriptum omninò
seruare mandamus ab Abbatissis præsentibus, & fu-
turis sub pœna ad nostrum arbitrium, non enim par
est, vt Monialis, quæ pingui, vel sufficienti fruitur
subsidio, pecuniam etiam singulis quibusque annis
ad titulum vestiarij, & strenæ extorqueat ab Abba-
tissa, quæ initio administrationis suæ, vt quotidiani

Monialibus victum suppeditet æs alienum contrahere cogitur, deficientibus in diem Monasterij redditibus.

Et infra numero vigesimo septimo.

Octauo. Ad tollendam prauam consuetudinem, quæ diu vixit magno cum Monasteriorum incommodo, ac Regularis disciplinæ detrimento, nempe quod puellæ educandæ singulæ pro se vna quæque priuatim proprio sumptu cibumsumeret, & Monasterio annuos viginti quinque aureos solueret pro habitatione ex peculiari decreto, ac mandato Sacræ Congregationis præcipimus, quòd puellæ educandæ cibum sumant in communi cum alijs Monialibus, & quòd prædicti nummi aurei annui quadraginta pro earum habitatione, & victu quotidiano assignati, Abbatissæ, & Monasterio soluantur, quæ Abbatissa illas alat, prout cæteras Moniales in refectorio.

Aduersus preinserta capita reclamationem Ciuitas, & Clerus quid pro, quid contra faciat. Partes monitæ ad informandum deducunt, ijsque auditis Eminentia Vestræ, quod magis in Domino expediet decernere nõ grauabuntur.

Die secunda Decembris 1679. Sacra Congregatio Eminentissimorum Cardinalium S. R. E. Concilij Tridentini Interpretum censuit. Primum, Secundũ, & Sextum ex præfatis Decretis abolenda esse. Respectu tertij seruandas esse ordinationes ea de re editas à Sacra Congregatione S. Officij. Quartum approbandum quòd ad primam partem. quò verò ad pœnam Pa-

-a rochis imposita in abolendum; respectu Septimi, &
-b Octauæ, seruanda esse Decreta Sacra Congregationis
Episcoporum, & Regularium. Ad Quintum distulit
resolutionem.

Cum autem Decretum huiusmodi nunquam fuerit ex-
traditum, institutum denuò pro parte Ciuitatis, & Cle-
ro pro expeditione, eadem Sacra Congregatio.

Die vigesimo nono Iulij, 1690. Decretum præfatum ex-
tradi mandauit.

F. Cardinalis Columna Præfectus.

R. Pall. Secretarius.

Gratis etiam quoad scripturam.




Notarij Synodalis Rogitus.

P Rescripte Constitutiones, & Synodalia decreta sæpius in priuata Congregatione à viris, doctrina, prudentia, ac pietate præstantibus sedulo, ac maturè discussa, præsidète Illustriss. & Reuerendiss. Domino Ianuario Sæfelicio Archiepiscopo Cōsentino, & coram vniuerso Clero Ciuitatis, & Diæcesis Consentine, seruatis de more seruandis legitimè Congregato, per R. D. Augustinum Vencia eiusdem Ecclesie Canonicum, Sacre Theol. Pprofes. & presentis synodi Secretarium, alta, & intelligibili voce, lecta fuerunt. & nemine discrepante, solitis acclamationibus approbata, atque publicata, anno à SS. Natiuitate Domini Nostri Iesu Christi millesimo sexcentesimo septuagesimo octauo, indiçtione prima, die verò decima nona, vigesima, & vigesima prima Mensis Iunij Pontificatus Sanctissimi in Christo Patris, & Domini Nostri, Domini Innocentijs Diuina Prouidentia Papæ Vndecimi. Anno secundo, multis ibidem præsentibus audientibus, & Signanter R. D. Di daco Baldino, & Notario Bartholo Riccio testibus ad præmissa omnia habitis specialiter, atque Rogatis.

Ita est Ego D. Ignatius de Ranis de Consentia Apostolica authoritate Notarius, & ad præsens Curie Archiepiscopalis Cancellarius, Notarius Synodi Rogitus.

Locus ✠ sigilli.




Potest imprimi

D. Eligius Caracciolus Cl. Reg.

Imprimatur

Ioannes Andreas Siliquinus Vic. Gen.



ERRATA

*In pralusione. pag. 1. atergo
proponens*

ibid. ratus

In corpore

pag. 30. ministrauerint

pag. 31. insigniantur

pag. 42. & sine domibus

pag. 50. quod ipsius

ibid. ut in sacristie

pag. 51. teneatur

*pag. 59. ab aduenis, exteris, aut
peregrinis, alijsq; incolis,
& indigenis, quam
à ciuibus &c.*

pag. 60. exigit

pag. 61. obierit

pag. 62. itinerantibus

*ibid. aliquo derogare derica-
tui in nostra Curia, il-
lorum vero, qui habi-
tum clericalem dimit-
tere intendunt &c.*

pag. 63. Volentes

pag. 64. procedamus

ibid. tragedys

ibid. comedys

ibid. neutriquam

pag. 70. abierit

pag. 72. cum illis

pag. 73. Parocho

ibid. incunctanter

pag. 74. in quo

ibid. explicabit

pag. 76. Pionem

pag. 77. intuentu

ibid. detineat

CORRIGE.

*proponentes
rati*

*nun strauerit
insigniatur
& si è domibus
quod ipsis
ut è sacristie
tenetur
ab aduenis, exteris, peregrinis,
alijsq; quàm ab incolis, indi-
genis, & ciuibus &c.*

*exiget
obierint
itinerantibus
in aliquo derogare. Ille rum re-
rò, qui habitum clericalem di-
mittere, & clericatum in no-
stra Curia renunciare inten-
dunt &c.*

*volentes, non deue effere prin-
cipio di verso.*

*procedemus
tragedys
comedys
neutriquam
abierint
cum illi
Parochos
incunctanter
in qua
explicabunt
Iconem
interuentu
detineant*

ibid.

ERRATA

ibid. transmittat
 ibid. ut res
 pag. 82. conueniat
 pag. 84. consultant
 ibid. eos excusari
 pag. 86. graduado
 ibid. à nobis editto
 ibid. Canonibus ab eodem
 Concilio
 pag. 87. ne Chorus defraudetur
 pag. 38. etiam Parochus
 ibid. num
 ibid. cum sit in prima
 pag. 92. in solemniorem
 pag. 95. Venuzint
 pag. 97. reperimus
 pag. 101. abierit
 pag. 102. quamuis leuis
 pag. 104. contingerit
 pag. 105. rationalibus
 pag. 107. ubi vero necesse
 pag. 108. à sacro
 ibid. constitui
 pag. 114. nummi aurei
 ibid. prouti
 ibid. Consentina
 ibid. sacrorum
 pag. 116. unaqueq;
 pag. 121. insufficientem
 pag. 125. quaruntur
 pag. 127. monialis
 pag. 128. pia enim voluntate
 pag. 129. sunt additi
 ibid. Sacro Concilio Tridē-
 tino
 ibid. elegi
 pag. 130. pœna reseruata

CORRIGE.

transmittant
 & res
 conueniant
 consulant
 eos non excusari
 graduando
 à nobis edito
 Canonibus, & ab eodem Conci-
 lio
 nec Chorus defra udetur
 etiam est Parochus
 nunc
 cum sit prima
 in solemnioribus
 Venuzini
 repererimus
 obierit
 quamuis leui
 contigerit
 rationalis
 ubi verò necesse fuerit
 à sacrorum
 constitutis
 nummi aurei
 prout
 Consentie
 sacra
 unaqueq;
 in sufficientem
 queruntur
 moniales
 pia enim donantium voluntate
 sunt additi
 Sacri Concilij Tridentini
 eligi
 pœnam reseruatum

ibid.

ERRATA

ibid. qui
 pag. 133. comedia
 pag. 134. seu immunis
 pag. 140. Boll
 pag. 141. summa
 pag. 142. studeant
 pag. 144. semel
 pag. 146. in curia
 pag. 56. seruatum est
 in penul. pag. à fronte preinserta
 in ult. pag. sacre
 ibid. Pprofessi
 ibid. indictione
 ibid. D. Ignatius De Ranis
 ibid. Notarius Synodi rogi-
 tus

CORRIGE.

quia
 comedia
 seu immunis, nisi fuerit legitime
 impeditus
 Beate Maria
 summam
 studeat
 non semel
 incuria
 seruatum est
 prainserta
 sacre
 Profess:
 indictione
 D. Ignatius de Planis
 Notarius Synodi rogatus

In Cusentina Synodi, seu in correctione Sac. Cong. inci-
 piente Archiepiscopus Cusentinus, &c.

Capite Vndecimo. De Matrimo-
 nio, folio quatragesimo sexto
 Dicto Capite Vndecimo folio
 quinquagesimo

Capite Decimo sexto. De Exe-
 quijs defunctorum folio se-
 ptuagesimo septimo

Capite Vigesimo secundo. De be-
 neficijs Ecclesiasticis

Capite Vigesimo septimo. De
 Monialibus, folio centesimo,
 quinquagesimo primo

Et infra

Capite Vndecimo. De Matrimo-
 nio folio trigesimo tertio
 Dicto Capite Vndecimo folio tri-
 gesimo quinto

Capite Decimo sexto. De Exe-
 quijs defunctorum, folio quin-
 quagesimo sexto

Capite Vigesimo secundo. De Be-
 neficijs Ecclesiasticis, folio no-
 nagesimo septimo

Capite Vigesimo septimo. De
 Monialibus, folio centesimo de-
 cimo quarto

Et infra, folio centesimo decimo
 sexto.

VA1 1528150







